

# 四庫全書總目

上海大東書局印行

## 第三十一冊

卷一百七十五

別集類存目二

卷一百七十六

別集類存目三

卷一百七十七

別集類存目四

欽定四庫全書總目卷一百七十五

集部二十八

別集類存目二

明宣宗詩文一卷 浙江抱懋托家天一閣藏本

案明史藝文志載宣宗文集四十四卷今未見傳本此冊僅廣寒殿記一篇玉簪花賦一首詩歌詞曲二十九首非其全帙也朱彝尊明詩綜所錄宣宗詩多此冊所未載意者彝尊尚及見其集歟

御製回文詩一卷 左都御史張若淮家藏本

案此集載朱當湖所輯國朝典故中惟題曰御製不著朝代明史藝文志不著錄不知何帝所作其詩以春夏秋冬四景為題有龍文連環八卦諸體凡二十八首蓋偶然游戲之作流傳於外與他書宣示頒賜見諸國史者有殊故史不載也

元宮詞一卷 浙江巡撫採進本

不著撰人名氏前有自序稱永樂元年欽賜余家一老嫗年七十矣乃元宮之乳姆女知宮中事為最悉聞當細訪之一一備陳其事故余詩中所錄皆元宮之實事云云未題永樂四年夏四月朔日藺雪軒製後有毛晉跋亦不知為何許人案朱彝尊靜志居詩話曰元宮詞百首宛平劉效祖序稱周恭王所撰考定王以洪武十四年之國洪熙元年薨序題永樂四年則為定王無疑矣定王名橐太祖第五子也明史周王橐傳用彝尊之說蓋以所考為允矣詩凡一百首其中如東風吹綻牡丹芽一首燈月光光照綺羅一首玉京涼早是初秋一首深宮春暖日初長一首二十餘年備掖庭一首月明深院有霜華一首珊瑚枕冷象牙林一首金鴨燒殘午夜香一首惻惻輕寒透鳳幃一首憔悴花容只自知一首小樓春淺杏花寒一首御溝春水碧如天一首燕子泥香紅杏雨一首春情只在兩眉尖一首白露橫空殿宇涼一首纖纖初月簾黃嫩一首夢覺

銀臺畫燭殘一首曉燈垂焰落銀釭一首尋常宮怨之詞於居五分之一非惟語意重複且歷代可以通用不必定屬於元頗為冗泛其他切元事者皆無註釋後人亦不盡解不及楊允孚滬京雜詠多矣

楓林集十卷

安徽巡撫採進本

明朱升撰升有周易劄註已著錄是編前八卷皆詩文而以官詔及太祖手敕編入第一卷首與升文相連殊為非體第九卷載徽州府志本傳一首廖道甫所撰詩贊一首並翼運節略十餘則第十卷為附錄皆當時投贈詩文也升於明興之初參贊帷幄兼知制誥一切典制多出其手與陶安宋濂等名望相埒陳敬則明廷雜記嘗稱其李善長徐達常遇春劉基四惜情明文衡未及收入明史本傳載太祖大封功臣制詞多升撰時稱典核蓋據是文然統觀全集文章乃非所長詩學學舉壤集而不成頗近鄙俚故朱彝尊明詩綜絕不登其一字況升身本元臣曾膺爵祿而賀平浙東賦序肆言醜詆毫無故君舊國之思是尤不可為訓也

槎翁集八卷

兩淮馬裕家藏本

明劉崧撰崧有槎翁詩集已著錄是編乃其文集羅允升所校正而吉安知府徐士元為之刊版其文頗傷流易殊不及其詩

野莊集六卷

兩淮馬裕家藏本

明王鈍撰鈍字士魯太康人元至正丙午進士洪武初徵授禮部主事歷官浙江布政使建文中召為戶部尚書燕王篡立仍故官後以布政使勒致仕事蹟具明史本傳是集凡詩一卷文四卷皆未能入格前有王崇慶序謂嘉靖中其後裔曰朝獻者始謀梓之蓋集中多稱建文為今上皇帝故靖難後懼觸語禁久而不敢出也

滄浪樵歌一卷

浙江范懋柱家天一閣藏本

明陶宗儀撰宗儀有國風尊經已著錄是編詩詞合為一卷前有正德丁丑松江唐錦序稱其集不傳惟得此一卷為宗儀所自編今考其中詩詞皆已載南村集中惟題下莊子刺虎圖七言古詩一首題岳王廟七言長

律十四韻一首爲南村集所未載耳又對月七言律詩廿首未能娛綵侍句南村集作娛綵服疑此本爲誤南浦詞序中一水竝九山南過村外以入於海句南村集作一水兼九山則南村集誤也

危學士全集十四卷

江西巡撫採進本

明危素撰素有草廬年譜已著錄其原集本五十卷世久無傳明歸有光得其手藁因編爲說學齋彙凡一百三十餘篇又所作詩名雲林集乃納新所編此本文十三卷詩一卷乃其鄉人取二集彙輯而成雖名全集實非原本故今仍錄說學齋彙雲林集以存其舊此本則附存目錄

元釋集一卷

編修汪如藻家藏本

明釋克新撰克新姓余氏字仲銘自號江左外史又稱爲雪廬和尚鄴陽人元末住嘉興木西寺洪武初召至南京嘗奉詔往西域招諭吐番所著有雪廬南詢彙此本別題元釋集僅古今體詩六十餘首考賴良大雅集載有克新詩四首而此本皆無之蓋後人於雪廬集中摘錄鈔存非其全彙也

愛禮集十卷

浙江巡撫採進本

明劉駟撰駟字宗道龍谿人洪武初徵秀才入試者八千人駟爲第一授都御史尋坐事徙滇卒門人私謚愛禮先生故以名集凡文三卷詩二卷中庸說一卷書啟三卷附錄一卷駟宗陳淳之學詩文多涉性理略似語錄之體中庸說乃講授口義亦無所發明集爲宏治十六年浙江參政林進卿所刊附錄慎獨翁行狀紀駟父賈與駟平生行實頗具乃其門人漳州陳拯所述又附趙先生書一首則駟之師趙彥進也

坦齋文集二卷

江蘇巡撫採進本

明劉三吾撰三吾字如孫自號坦坦翁茶陵人洪武中官翰林學士事蹟具明史本傳案鄭曉雷禮王世貞竝謂三吾於洪武三十年以罪誅死蔣一葵又謂三吾以作大話漏言賜死明史則稱以考試不實成遺建文初召還今集中有救下御製大明一統賦實建文時所撰與史相合是曉等所載皆不確知其集在明代不甚傳

故以曉等熟於掌故者亦未之見矣此本乃成化中桐江俞蓋官茶陵時所刊萬歷戊寅茶陵知州韓城賈緣又重刊之三吾於洪武中典司文章頗被恩遇然其文鈞棘而淺近未能交轍一時也

一齋集十六卷 福建巡撫採進本

明朱善撰善有詩解頤已著錄是集首載翦鉉所作墓誌稱名善繼然集中自稱曰朱善而詩經解頤亦題曰朱善則繼字殆刊本誤也是編前集十卷後集五卷又廣遊集一卷附刊於後善以文章為明太祖所知然核其品第究不能與宋濂諸人雁行

甘白集六卷 浙江汪啟淑家藏本

明張適撰適字子宣蘇州人明初以儒士徵授水部郎中旋放歸見集中所作其妻沈氏壻志而其祭西平侯文則自署雲南滇池漁課司大使是洪武末又嘗官雲南故集中每自稱滇池老漁也集為正統丁卯其子收所編文體修潔而未造深厚如在嘉隆以後則為雅音在元明之間則未能與諸家璧壘相當也

秋坡詩彙七卷附錄一卷 浙江瑯琊曾家藏本

明黎貞撰貞字彥晦種坡其自號也新會人洪武初舉邑訓導不就坐事戍還東尋放歸明史文苑傳附見種黃傳中是集初刻於嘉靖庚戌歲久散佚 國朝康熙丙寅其後人搜輯重刊凡詩詞賦三卷雜文四卷卷八附以贈言貞少從孫黃學詩黃集即其所編次雖所造未深而風格尚為道上惜此本掇拾於殘闕之餘其善華已不槩見矣

竹居集一卷 兩淮馬裕家藏本

明王珙撰珙字廷珪常熟人是集為其會孫仲申所輯其六世孫古始刊版朱彝尊明詩綜不載其名蓋偶未見也其詩多用洪武正韻蓋當時功令使然大致出入於月泉吟社一派亦時有秀句而邊幅單窘與象未深數首之後語意略同觀卷中絕無古體其根柢可知矣

別本袁海東詩集四卷

江蘇巡撫採進本

明袁凱撰凱有全集已著錄此本乃正德元年陸深同李夢陽所刪定而何景明授其門人孫繼芳刊於松江深及夢陽景明各為之序其版久佚今所存者傳鈔之本也後有萬歷己丑王俞跋已佚其前半不能考見始末惟篇終有偶續前刊輒附數言之語似乎俞又有所續入然題下多註選入詩綜字又似朱彝尊以後之本非其舊編矣

安分齋集十卷

江蘇巡撫採進本

明鄭本忠撰本忠自號安分先生鄞縣人洪武癸丑舉明經不起郡教授趙思盛薦授昌國訓導尋陞秦府教授是集乃永樂中其子復言永言所編凡記三卷序二卷賦詩四卷雜文一卷寧波府志稱本忠少篤學從鄉先生舒卓受尚書方國珍據浙東三郡擅爵祿人本忠義不食其粟杜門不仕益務綜覽涵濡淳蓄為文必中矩度又稱同時有鄭恕者字本忠亦為昌國訓導建文四年靖難兵至不屈死事載逸國名臣傳疑為一人然考是集詩文有作於永樂間者姓字官爵偶爾相同未可合而為一也

三畏齋集四卷

浙江巡撫採進本

明朱吉撰吉字季靈吳縣人洪武初官中書舍人是集凡詩二卷雜文二卷據其後序當時蓋嘗刊版今印本久佚惟鈔本存元末明初作者林立吉之所著殊未能伯仲其間所以世不甚傳歟

新本白石山房彙五卷

浙江巡撫採進本

明張孟兼撰孟兼有白石山房逸稿已著錄是編乃其十一世孫思煌所重編思煌序稱孟兼舊有白石山房文彙二十卷與蜀山遺集竝遭回祿無片紙隻字之存及觀焦竑國史經籍志載孟兼集六卷乃知萬歷初猶存文

淵閣案竊書雖名國史經籍志實鈔合諸史藝文志及諸家書目而成非明文淵閣所貯之書楊士奇張益二目可以互勘思煌此語殆誤謹附訂於此然秘之內府人閒不得而觀茲不過殘編斷簡中採而輯之僅存什一於千百云云今計編中五言古詩九首七言古詩二首排律一首五言律三

首七言律六首七言絕句四首樂歌八章聯句二首記四首行狀二首傳一首雜文一首皆掇拾他書而得者附以諸家跋語分為二卷其三卷至五卷皆載同時投贈及後人詩文傳誌卷帙雖增於舊本而孟兼之著作則無所增也

靜菴集一卷

兩淮馬裕家藏本

明張羽撰羽有靜居集已著錄此本刪存原集四分之一改名靜菴集不知何人所選其去取未為精當

陳竹山文集四卷

江西巡撫採進本

明陳誠撰誠有使西域記已著錄是集分內外二篇內篇一卷皆其奉使時所撰述僅文十餘首詩一百三十餘

首外篇二卷則皆當時投贈詩文并其先世諸狀也

退菴遺藁七卷

兩淮馬裕家藏本

明鄧林撰林初名彝又名觀善字士齊後成祖為改今名新會人洪武丙子舉人任潯州府貴縣教諭秩滿入京

預修永樂大典凡五年出為南昌教授後又秩滿試高等遷吏部主事宣宗時以事謫杭州在杭多湖山之遊倡

和甚富田汝成作西湖志多採之此本乃太常寺少卿會稽陳贊為廣東參議時掇拾遺藁而成也

尹誦菴遺藁八卷附錄二卷

江西巡撫採進本

明尹昌隆撰昌隆字彥謙泰和人洪武丁丑進士永樂二年擢左春坊右中允改禮部主事為尚書呂震誣極見

殺事蹟具明史本傳昌隆死非其罪史稱其為厲鬼以報震然當燕王構逆之初昌隆即勸惠帝以禪讓其說甚

謬燕王篡立之後獨以是奏得貸死則其人亦不甚可重是集為其八世孫應中所梓鄒元標序之附錄二卷則

載其詔赦行狀序傳之屬也傳中稱為中允時進講有穿楊集仁宗命其家錄進中途舟覆沒於水云云朱彝尊

明詩綜祇稱有集而不載其名蓋未見此本然所選送孟潛陽先生教授邵武府學五言古詩一首是編亦不錄

蓋採自他書編此集者又未見也

黃介菴集十一卷 浙江汪啟淑家藏本

明黃淮撰淮有省憲集已著錄案千頃堂書目載淮所著介菴集歸田彙均不著卷數此本總名介菴集而分退西入親歸田三彙疑黃虞稷未見此本但據傳聞載入也據目錄本十二卷今第七卷已佚故以十一卷著錄焉

家宰文集一卷 浙江范懋柱家天一閣藏本

明張統撰統有雲南機務鈔黃已著錄此集為嘉靖中富平訓導王道所編道序稱烽火之餘僅存什一於千百蓋其所遺者僅此也卷首有道所纂宦績一篇言統以永樂之故勺水不入口如是者七日終於吏部後堂考明史本傳成祖各建文之改官制者乃令統解職務月給半俸居京師統懼自經於吏部後堂妻子相牽投池中死道所云云固善善從長之意然非其實也

王天游集十卷 兩江總督採進本

明王達撰達有筆疇已著錄是集乃其門人王孚所編卷末又有其門人翟厚跋謂其館閣鉅製及諸子穉等篇成未見錄乃重為增補編次仍為十卷云云則厚所重定非孚之舊本矣據孚稱達所著有天遊小彙梅花百詠古今孝子讚俱已梓行詩書二經心法學者多傳之又有耐軒雜錄五卷問津集一卷南歸集一卷通書發明一卷天遊詩集十卷文集三十卷今皆未見惟景仰撮書一卷筆疇二卷附於此集之末者今尚有別本行世蓋即從此集鈔出云

黃忠宣集八卷 兩淮馬裕家藏本

明黃福撰福字如錫號俊樂翁昌邑人洪武甲子舉人官至南京戶部尚書兼掌兵部參贊雷都機務事蹟具明史本傳是集為其子琮所編冠以奉使安南水程殊乖體例餘多手札公牘皆不入格蓋福本以政績傳也

坦齋文集八卷 江西巡撫採進本



明梁本之撰本之名混以字行坦審其別號也泰和人洪武中為瑞州府學訓導遠深陽教諭改魯王府紀善本之與其兄潛齊名蕭銘稱所作泓澄深遠重典則蓋莊人學者之天然規模與其兄相近骨力根柢則皆不及其兄也

桐嶼集四卷 浙江汪啟淑家藏本

明釋德祥撰德祥字麟洲號止菴錢塘人洪武中住持徑山吳之鯨武林芑利志稱德祥以西園詩竹上意今觀集中所載夏日西園一律有熱時無處可乘涼又有林木三年未得長諸句語意頗近譏諷之鯨說當有所據都穆南濠詩話曰國初詩僧稱宗泐來復同時有德祥者亦工於詩其送僧東遊詩云與雲秋別寺同月夜行船詠蟬云玉貂名竝出黃雀患相連泐復不能道也云云今案送僧一聯乃四靈之末派詠蟬一聯尤落滯相穆之所品殊屬乖方朱彝尊明詩綜於此集雖多所採錄然氣格薄弱終不能與泐等竝馳也卷首有福建布政使富春姚肇序稱詩集一卷今本實四卷又集外詩一首其為何人所分析則不可考矣

松月集一卷 兩淮鹽政探進本

明釋睿略撰睿略字道權號簡菴蘇州人嘗以松月扁其軒人呼為松月翁因以名集前有洪武癸酉俞貞序後載姚廣孝塔銘稱其詩格高趣遠絕有唐人製作無一點塵俗氣今觀其集大致亦承九僧四靈之派而陶冶之力則不及古人故邊幅淺狹意言竝盡五首以外規模略同廣孝之言未為篤論也

林公輔集三卷 編修汪如藻家藏本

明林右撰右字公輔臨海人洪武中官中書舍人進春坊大學士輔導皇太孫以事謫中都教授是集多記序酬應之作惟題後數則閒及史事亦無特識至於故國舊君動多詆斥其視徐鉉撰李煜碑但陳運數有歸者用心之厚薄九相去遠矣

逃虛子集十一卷類家補遺八卷 浙江范思佳家天一閣藏本

明姚廣孝撰廣孝長洲人初爲僧名道衍字斯道洪武中以僧宗泐薦選侍燕邸燕王謀逆資其策力居多篡立之後乃使復姓賜今名爵至賚善大夫太子少師封榮國公然迄未改僧服事蹟具明史本傳廣孝爲高啟北郭十友之一所著初名獨菴集沒後吳人合刻其詩文曰逃虛子集後又撮拾放佚謂之補遺其詩清新婉約頗存古調然與嚴嵩鈐山堂集同爲儒者所羞稱是非之公終古不可掩也附載道餘錄二卷持論尤無忌憚姑蘇志曰姚榮國著道餘錄專詆程朱少師亡後其友人張洪謂人曰少師與我厚今死矣無以報之但每見道餘錄輒爲焚棄云云是其書之妄謬雖親暱者不能曲諱矣

光菴集二卷

兩淮馬裕家藏本

明王賓撰賓字仲光長洲人博聞強記尤精醫學隱居奉母以孝行稱少與姚廣孝相善吳中往哲記稱廣孝既貴歸訪賓賓弗與見方盟掩面而走黃姬水貧士傳所記相同明史廣孝傳中亦略載其事然觀賓集有所作賑災記稱廣孝爲少師鋪陳功德甚至賓沒後廣孝爲之傳亦極稱譽是兩人交契終始如一蓋流俗欲推尊賓者造作此言殊非事實集凡文一卷後附諸家贊頌及吳中古蹟詩一卷詩共二百三十七首各有小序其文務爲奇崛之語間傷冗贅未能成家詩詞亦頗傷流易卷首記唐鉅林德暘二事全錄舊文而無所論斷或賓嘗手書此二節後人不考誤編入集歟

別本東里文集二十五卷

江蘇巡撫探進本

明楊士奇撰士奇有代言錄已著錄是集記二卷序六卷題跋四卷碑銘十卷雜文三卷末一卷題曰方外凡爲二氏所作悉別編焉蓋用楊傑無爲集例疑卽懷麓堂詩話所謂士奇自定之本以不及全集之完備故附存其目焉

胡文穆集二十卷

江西巡撫探進本

明胡廣撰廣有胡文穆雜著已著錄是集其裔孫張書等所刻凡詩八卷應劭詩文一卷各體文七卷題跋二卷

扈從詩及扈從北征日記一卷其第十九卷即所謂雜著也朱彝尊明詩綜錄其楊白花一首謂世傳袁景文賦此題蓋緣讓皇遜國而作不無故主之思集中過顏平原文信國余青陽祠輒有弔古之作其題宋思陵所書洛神賦詞意悽惋不類牧豬奴云云似有意為廣漣洗又卷首米嘉禔序極論靖難之事斤死節諸臣之非而以廣之迎降為是然公論久定要非可以他說解也集中論漢高祖初入關秦王于嬰獻傳國璽王莽篡漢亦從孺子嬰取傳國璽其受傳相似所謂天時非人力所致又論李若水乃宋之賊豈可以列之忠義宋史失討賊之公云云持論殊為倒置惟記高昌碑有裨史事李元忠神道碑所載事蹟頗詳亦足備唐史之闕耳

節菴集八卷續編一卷

浙江巡撫採進本

明高得暘撰得暘字節菴錢塘人遷居臨安洪武間有司以文學薦三為校官永樂初擢為宗人府經歷充永樂大典副總裁是集首雜著一卷次各體詩七卷鄒濟墓誌謂其生平藁多不存故所錄僅止於此誌又稱得暘與修永樂大典分掌三禮編摩有方今核所纂三禮諸條於前人經說去取尚為精審蓋亦博識之士其詩文以清麗為宗如曲澗迴溪聲澈見底而一往清激尚少浮翳之致姚廣孝序乃以江漢奔流曲折千里擬之過其實矣

存軒集

無卷數 江蘇巡撫採進本

明趙友同撰友同字彥如浦江人徙居長洲洪武末官華亭訓導永樂初用薦授御醫與修永樂大典五經大全諸書集首結銜稱修職郎太醫院御醫兼文淵閣副總裁蓋明初官制如此也其集皆賦頌記序雜文而無詩共一百四十四篇首雖標卷一而書中實不分卷數其文沿南宋餘習頗為平行在明初未為作手

澹然集五卷

兩江總督採進本

明陳敬宗撰敬宗字光世號澹然居士慈谿人永樂甲申進士選庶吉士預修永樂大典官至國子監祭酒贈禮部侍郎諡文定事蹟具明史本傳敬宗與李時勉同舉進士同時為南北祭酒時勉立朝剛勁而待諸生則平恕敬宗亦立身端直而待諸生則甚嚴然同以德望為士林師範世不得而優劣之惟文章質樸太甚又遜於時勉

耳所著詩文集明史藝文志作十八卷此本乃萬歷四十四年慈谿知縣吳門陳其柱所編僅詩三卷文二卷亦非完本也

寅菴集三卷外集四卷附錄一卷

兩淮馬裕家藏本

明羅肅撰肅字汝敬號真菴以字行廬陵人永樂甲申進士官至陝西巡撫是集為其元孫廷相所編詩文無詭僻之習亦無精深之致外集四卷皆誥教像贊誅祭之詞附錄一卷為桃林四景詩文蓋羅氏聚族之地也

覺非集十卷

浙江巡撫採進本

明羅亨信撰亨信字用實號樂素東莞人永樂甲申進士官至左副都御史亨信居謙垣有直聲其巡撫大同宣府值英宗北狩捍城有功生平著述每不畱稟是集乃其後人收拾散逸而邱潛祁順為之詮次其中頌美中官之文至十餘篇編錄者略不刪汰殊不可解也

西墅集十卷

浙江朱無尊家曝書亭藏本

明曾榮撰榮字子榮永豐人永樂甲申進士第一官至少詹事榮文章捷敏信筆千百言立就劉昌懸寄瑣探稱成祖嘗御試天馬歌榮文先成詞旨瀏亮成祖賜以瑪瑙帶其思速可見然集中一題百首往往才氣用事而按切肌理不耐推敲是亦速成之過也此本乃萬歷中永豐知縣德清吳期炤所選錄雖頗為簡汰而菁華終鮮鄭瑗并觀瑣言曰曾子榮詩佳處不減其體曹安調言長語亦曰曾學士榮與睦集絕似唐人殆未確焉

東墅詩集六卷

浙江范懋柱家天一閣藏本

明周述撰述字崇述東墅其別號也吉水人永樂甲申進士官至左春坊左庶子事蹟具明史本傳述及第時與從弟子孟簡同勵成祖至比之二蘇史亦稱其文章雅贍然其詩不出當時臺閣之體也

質菴文集

無卷數浙江汪啟淑家藏本

明章敏撰敏字尚文會稽人永樂甲申進士由庶吉士授刑部主事官至禮部侍郎嘗與修永樂大典及五經四

書性理大全事蹟具明史本傳其集本四十卷其子瑾等所編因倭亂散失茲編所存不及十之二三乃其裔孫元翰所蒐輯也凡賦四篇詩百餘首文僅三篇一篇為記一篇為敘又一篇併不標題皆錯雜於詩中殊無倫次又明詩綜載徵長安雪夜歸興絕句集中無之則舛漏亦殊不少未附錄祝壽詩一卷亦非古法也

南齋摘彙十卷 浙江巡撫採進本

明魏驥撰驥字仲房號南齋蕭山人永樂乙酉舉人以進士副榜授松江訓導召修永樂大典擢太常寺博士官至南京吏部尚書謚文靖事蹟具明史本傳是編為其孫增福建布政使錢塘洪鍾所編前集四卷南京居官時所作後集六卷自景泰辛未歸田至成化辛卯所作蓋驥年九十八始卒故身歷七朝各有著述也前有鍾序云公為文一本諸性情所發初不事雕刻務奇巧其彙具存皆公親書但其簡帙浩繁未易徧刻再閱原彙凡題上有一點注者皆公墨迹玩其詞意皆有益於事者也因摘取以付諸梓名曰摘彙黃虞稷千頃堂書目別載有驥前後集二十卷蓋其未摘之全彙今未見傳本其存佚不可考矣

東岡集十卷 兩淮鹽政採進本

明柯遷撰遷字欣暉更字用晦建德人永樂乙酉領鄉薦年僅十六明年與修永樂大典選入翰林知機立文字進元免詔授戶科給事中以三殿災應詔陳言請交阯驩州知州累遷雲南按察使致仕歸事蹟附見明史鄉籍傳是彙乃遷晚年所手訂劃定之序稱其詩文奇崛出人意表今觀所作文章適有餘而落筆太快少澹澗淳者之致詩亦矢口即成不耐咀詠是亦登科太早才高學淺之效歟

石潭存彙三卷 兩江總督採進本

明劉髦撰髦有易傳撮要已著錄是編上卷為詩中卷即易傳撮要下卷為義方錄義方錄者皆寄其子定之之手札而定之彙粹成編者也

若金集一卷 江西巡撫採進本

明彭百鍊撰百鍊字若金泰和人永樂乙未進士官至廣西道監察御史是編前有任敏敏序稱遺文分爲十四卷而是編僅二卷文二十九首詩四首後附他人所爲碑誌題詠而已考其族孫敏求跋蓋散佚之餘後復重鈔

成帙也

歲寒集一卷 浙江汪啟淑家藏本

明孫瑀撰瑀字原貞以字行德興人永樂乙未進士官至兵部尚書是編乃其孫字古等所編凡文一卷詩一卷前有李東陽序稱其詩平正通達無鉤棘險怪之態今觀諸作大抵純任自然不事結構難愈所謂此詩有何好有何惡也

芳洲集十卷 江西馮鑑採進本

明陳循撰循字德遵泰和人永樂乙未進士第一官至戶部尚書華蓋殿大學士英宗復辟誦成鐵嶺石亭敗後循上疏自訟詔放還事蹟具明史本傳是編其裔孫以躍所輯附錄一卷則諡祭文誌銘琴文轉詩乞恩復官疏及祀鄉賢文移首列奏對而無章疏其自訟疏本傳尙載其略乃削而不存未喻何故殆久而佚其藁耶

東行百詠集句九卷附芳洲年譜一卷 浙江汪汝璠家藏本

明陳循撰是編乃其被謫東行時集古人詩句以成七絕初得三百首復疊和其韻至千餘首集句皆不著姓名頗多富易牽就和韻諸作更多累句後附年譜一卷乃其門人王翔所錄當時駁論及循所進詩頌俱載入其中亦非體例也

襍錄第十五卷 江西巡撫採進本

明蕭儀撰儀字德容樂安人永樂乙未進士官吏部主事以疏論遷都北京不便忤旨見殺明史附見夏原吉傳中是彙乃其子超進所編據其原目凡文十卷詩十卷此本僅十五卷蓋詩佚其五卷矣其文有紆徐曲折之致而意境不深其詩爲朱彞尊明詩綜所不錄殆偶未見歟

半隱集十卷 浙江汪汝璩家藏本

明陳銜撰銜字克平淳安人永樂丁酉舉人官峇州學止是集序四卷記一卷說一卷詩四卷附雜文於後末有其甥方漢所撰行狀詩文皆不入格於明初諸人為未能方軌竝鶩也

石溪文集七卷附錄一卷 江西巡撫孫遜本

明周敘撰敘字功敘吉水人永樂戊戌進士官至南京翰林院侍講學士事蹟具明史本傳是編詩三卷賦頌詞一卷文三卷又以諸敕誌傳為附錄一卷史稱敘初選庶吉士作黃鸚鵡賦稱旨得授編修今觀所作雖有春容宏敞之氣而不免失之虛廓蓋臺閣一派至是漸成矣其集編次無法至以五言六句別標一體區之古詩之外而五言長律反入於古詩之中殊乖體例

尋樂文集二十卷 江西巡撫孫遜本

明習經撰經字嘉言號寅清居士晚自號尋樂翁新喻人永樂戊戌進士官至詹事府詹事經於成祖時亦以試黃鸚鵡賦稱旨擢授編修其賦今在集中又有皇都大一統賦宋彝尊撰日下舊聞未經收入蓋未見此集也集為其子興化府同知襄所編其文結構頗有法而意境太狹往往失於枯寂未可云似淡而腴詩則七言長句清婉頗似東陽而他體未能悉稱也

松蘿集二十八卷 江西巡撫孫遜本

明曾鶴齡撰鶴齡字延年一字延之泰和人永樂辛丑進士官至侍講學士詩多牽率之作命意不深而措詞結局往往為韻所窘殆非所擅長文則說理明暢次序有法大抵規撫歐陽頗近王直抑菴集而沈著則不及也直為作墓誌於其文章亦無所稱譽云

河汾詩集八卷 浙江汪汝璩家藏本

明薛瑄撰瑄有讀書錄已著錄是集第一卷載賦五篇餘皆古今體詩其孫祿於成化閒哀拾遺藁而成門人間

禹錫爲之序今考所載詩賦皆已編入全集中此猶其初出別行之本也

嘯臺集二十卷木天清氣集十四卷

浙江汪汝璠家藏本

明高棅按椽一名廷禮字彥恢號漫士福建長樂人永樂間自布衣徵爲翰林待詔陞典籍明史文苑傳附見林鴻傳中閩中十子之一也其山居時所作名嘯臺集入京後所作名木天清氣集棅嘗選唐詩品彙專主唐

音實與閩縣林鴻共開晉安一派沿習既久學者剽竊形似日益庸庸併稱始者受詬厲焉今觀嘯臺集詩八

百首尙稍見風骨至木天清氣集六百六十餘首大率應酬冗長之作清氣之二殆名不副實其初與林鴻齊

名日久論定鴻集尙見傳錄而棅集棄於覆瓿蓋亦有由矣

道山集六卷

浙江汪汝璠家藏本

明鄭棠撰棠字叔美浦陽人永樂中官翰林院檢討是集編次猥雜第一卷爲賦二卷爲辭頌銘贊四言五言

古體詩歌行樂府七言絕句與詞而附以論二篇三卷爲記序而附以五七言律詩五言絕句後又附以雜文

殊漫無體例卷四爲經筵講義卷五卷六爲元史評以雜著附入則固唐以來例也棠以文章選人翰林由典

籍至檢討而於詩殊不擅長朱彝尊作明詩綜不登一字蓋非疎漏矣

恆軒集六卷

浙江汪汝璠家藏本

明韓經撰經字本常山陰人宋太尉琦之十二世孫以行誼稱於鄉里屢徵不出家居教授以終是集爲其子

監纂御史陽所編凡古體詩二卷近體詩四卷語多質直主於抒寫己意而止非屑屑以文字求工者也

西澗文集十六卷

浙江巡撫採進本

明熊直撰直字敬方吉水人永樂中舉人以子槩貴贈右都御史是集詩二卷文十四卷有宣德五年楊士奇

序稱蘇明允父子一時皆有文名而明允老成歸然時號老蘇其官位竟不顯暨子貴乃進身後之命敬方亦

今之明允乎今觀其文視明初宋濂王禕去之尙遠似未容上擬眉山也



鳳鳴後集十卷 浙江汪汝璩家藏本

明鄭楷撰楷字叔度浦陽人官蜀府左長史是集第一卷中載近體詩數首餘皆雜文前後無序跋其曰後集當尚有前集也未彙尊明詩綜載義門鄭氏有樾杖輪桐四人而不及楷今觀其謝銀鈔箋中稱家長兄餘則楷為餘弟殆因不以詩名故彙尊佚之抑或偶未之見耶

貫珠編貝集五卷 兩淮鹽政採進本

明沈行撰行字履德錢塘人是編前有魏驥序則當在永樂宣德間也是編皆集句之詩兼取唐宋元人之作貫珠言其聲之和編貝言其材之富然牽強湊合在所不免視後來香屑集之類其工巧自然百不及一矣

飲詩集二卷 江蘇巡撫採進本

明陳益撰益字啟行自號行素高安人永樂間以五經教授於其鄉至景泰甲戌始卒是集乃宏治乙未其子揚所刊後燬於火萬曆中其裔孫德又重刊之所載皆古今體詩雜文僅寥寥數篇其意境頗清而歉於深厚文亦如之末以同時諸人哀輓之作別為一卷附於集末則皆德所哀集也

草窻集一卷 浙江范懋柱家天一閣藏本

明鄭溥撰溥字原博草窻其別號也長洲人宣德初授惠民局副使後調大醫院吏目事蹟具明史文苑傳史稱溥恥以醫自名日以吟詠為事其詩初擬西崑晚更奇縱與湯允勳蘇平蘇正沈思王淮晏鐸鄭亮蔣忠王貞慶等稱景泰十才子而溥為之首今九人之集皆未見惟溥集存溥際土木之變忠憤徘徊之意時見於詩亦頗有足取者故朱彝尊靜志居詩話謂其在彼法中猶為差勝然溥嘗語客云不讀一萬卷書看溥詩不得則虛憤太甚矣宋人云不讀萬卷書不行萬里路看杜詩不得溥乃更加一倍乎

廖恭敏佚業一卷附錄一卷 江西進本

明廖莊撰莊字安止號東山吉水人宣德庚戌進士官至刑部左侍郎諡恭敏事蹟具明史本傳莊為給事中時

嘗勅輔臣楊士奇繼子稷恃教惡事下獄士奇固良相而溺愛其子庇之實甚當其權位嚴重之日已為言人所不敢言景泰中疏請同羣臣朝見上皇於南宮又言皇姪猶子也宜令親儒臣誦經書以繫人心回天意疏上廷杖貶官定羌驛丞嘗新故嫌疑之際尤為言人所難言其勁節孤忠足以震動一世而文章則非所專門所著有東山居士集日久佚惟自序尚存子頌堂書目則載莊漁梁集一卷今亦惟存其自序是兩集皆亡黃虞稷特據所徵各家書目載之耳此本為莊裔孫仲蔚及其里人李日東所輯僅奏疏五篇其大要已見於本傳雜文二十篇詩五首則又草草應酬之作莊固不必籍是以傳附錄一卷皆祭文碑誌之屬莊亦不必籍是為重也

澹軒集七卷

浙江巡撫採進本

明馬愉撰愉字性和臨胸人宣德丁未進士第一正統五年以待講學士入直文淵閣官至禮部右侍郎事蹟附見明史楊溥傳愉沒後詩文散失成化庚子山東參政邢居正命青州知府劉時勉哀集遺亡而刊之凡詩賦四卷雜文三卷第六卷又有歌詩錯雜其中蓋隨得隨編故先後無序詩多酬應之作或佳者多佚耶然史稱愉端重簡默門無私諂論事務寬厚又載其清理滯獄及善處蕃使二事絕不稱及其著作蓋不以文采見也

別本澹軒集八卷

兩淮鹽政採進本

明馬愉撰愉集散佚之後其鄉人都御史遲翔鳳購得殘本更於愉家掇拾逸作補書刻之故題曰續刻目中註續刻字者皆翔鳳所增也

尚約居士集

無卷數江西南撫採進本

明蕭鈺撰鈺字孟勤泰和人宣德丁未進士官至戶部尚書文淵閣大學士兼翰林院學士事蹟附見明史陳循傳鈺為蕭鵬舉之子鵬舉學詩於劉崧鈺不墜其家法史稱其學問該博文章爾雅其門人邱濬序稱其文正大光明不為浮誕奇崛蓋洪官開臺閣之體大率如是也

淡軒集十二卷補遺一卷

福建巡撫採進本

欽定四庫全書

集部

別集類存目一

九

明林文煥字學恆簡莆田人宣德庚戌進士官至太常寺少卿兼翰林院學士諡襄敏是集詩二卷文七卷其十一  
十二兩卷乃附錄誥敕及行狀神道碑補遺一卷則又其詩文雜著凡有一本初刻者爲其孫岳州同知希範重刻  
者爲其曾孫南京大理寺寺正炳章此本即炳章所校也

吳竹坡文集五卷詩集二十八卷

江西巡撫採進本

明吳節撰節字與儉竹坡其號也安成人宣德庚戌進士官至太常寺卿兼侍讀學士是集爲其七世孫琦所刊後  
附彭華所作行狀稱其爲文章拔筆卽就多至數千言滔滔不竭無刻苦艱窘態於詩五七言古今體隨題命意開  
合起伏不拘拘摹擬而自合矩矱云云今觀其詩文皆直抒胸臆縱筆所如無不自達之意華所論頗得其真而序  
舊深厚亦遂不及古人所謂不踐迹亦不入室者歟

雲川文集六卷附恭愍遺文一卷

江西巡撫採進本

明鍾復撰復字彥彰雲川其號也永豐人宣德癸丑進士官至翰林院侍講其詩文不出當時臺閣之體未附其子  
同遺文四篇一日直言安國疏二曰送叔祖士傑之任序三曰送伯氏世慎南歸序四曰友蘭軒詩跋同字世京號  
待時景泰辛未進士官至貴州道監察御史以疏爭建儲下詔獄一時獻媚求榮者欲借以傾動英宗鍛鍊炮烙備  
極慘毒而同義不負故主卒無一語連南內竟拷斃於獄天下悲之事蹟具明史本傳卷末又附墓誌一篇章綸  
爲撰文慶莊爲書丹皆與同時建言受禍幸而未死者也誌稱同在獄所作詩文集綸藏於枕畔爲獄卒竊去故  
所存止此忠臣著作理宜甄錄以寥寥不成卷帙故附存其目於此示表章焉

松園集十一卷

浙江巡撫採進本

明姜洪撰洪字啟洪號松岡江西樂安人宣德癸丑進士改庶吉士除檢討陞修撰以疾乞歸是集序二卷記一  
卷歌詩二卷賦頌銘贊表一卷近體詩五卷文頗平淡詩亦安適而步趨東里得其形似格律未能道上也

畏菴集十卷

兩淮馬裕家藏本

明周旋撰旋字中規別號畏菴永嘉人正統丙辰進士第一官至左春坊左庶子是集凡詩賦五卷雜文五卷樂清章綸爲之序稱其典雅閒淡然在當時猶馳驅於流輩之中未能自關蹊徑

桐山詩集十卷 浙江汪汝璉家藏本

明王偉撰偉字士英攸縣人正統丙辰進士官至兵部侍郎事蹟附見明史子謙傳偉所著有詩學正蒙久已散佚其桐山文集繁昌吳琛序刻之今亦未見此集凡詩九卷又以偉引疾告歸疏及贈行之作爲附錄一卷乃其弟傑所錄其子添楨所重刊也史稱偉喜任智術詭爲于謙所引恐人目己爲朋附乃密奏謙短冀以自異然卒以謙黨罷官蓋反覆不常之士又稱其年十四隨父成宣府宣宗巡邊獻安邊頌得補安州學生則亦備才然詩多率意酬應之研鍊之功蓋才士之文往往如斯矣

呆齋集四十五卷 浙江巡撫探進本

明劉定之撰定之有易經圖釋已著錄是集前彙十六卷存彙二十四卷皆分類編錄如代祀錄永新人物錄經筵講章策略皆在其中而鄉會三場試卷亦皆附列續彙五卷則成化乙酉以後所作不復分類以一歲爲一卷焉明史本傳稱定之以文學名一時嘗有中旨命製元宵詩內使卻立以俟據案伸紙立成絕句百首又嘗一日草九制筆不停書有實宋人名字者就列其世次若譜系然人服其敏博然其樵樵勿剪亦由於此李東陽懷麓堂詩話曰劉文安公不甚喜爲詩縱其學力往往有出語奇崛用事精當者如英廟輓歌石鍾山歌等篇皆可傳誦讀者擇而觀之可也其言可謂婉而章矣

完菴詩集一卷 江蘇巡撫探進本

不著撰人名氏惟篇首有吳寬序稱完菴先生劉公少爲刑部屬出僉山西按察司事居三載棄官歸吳中所與倡和者武功徐公參政祝公及隱士沈石田數人考江南通志人物文苑類中載劉珏字廷美長洲人正統三年舉人官至山西按察司僉事老而好學工於唐律時人稱爲劉八句所敘仕履與寬序合又藝文類中載完菴

詩集長洲劉珏與書名亦合則此集蓋珏所作然其詩有亮節而乏微情不能如志所稱也

劉文介公集三十卷

兩淮鹽政採進本

明劉儼撰儼字宣化吉水人正統壬戌進士第一累官太常寺少卿春坊大學士掌院事明史附見周敘傳稱其

景泰中典順天鄉試力持公道黜大學士陳循王文之子幾得危禍蓋剛正不撓之士也是集策表譜章一卷記

四卷序十四卷雜著六卷五七言古今體詩五卷尙洽臺閣舊體無疵累之可摘亦無精華之可挹

姚文敏集八卷

浙江汪汝璠家藏本

明姚夔撰夔字大章桐廬人正統壬戌進士官至吏部尚書諡文敏事蹟具明史本傳是集本名羈羸堆棗後其

子璽刊版改題此名夔一代名臣風裁嶽嶽不愧古人而詩文乃直抒胸臆不中繩度如寄弟詩云嫩韭蒸來香

滿口一冷午膳倍尋常太不以詞藻爲工矣此所謂人各有能有不能也

蘭軒集四卷

浙江汪汝璠家藏本

明沈彬撰彬字原質武康人正統壬戌進士官至刑部郎中其居官以強幹著不以詩文自鳴遺藁亦多散佚沒

後百有餘年至隆慶己巳其鄉人周維新始序而刻之以墓誌墓表諸篇附於後

靜軒集十三卷

浙江汪汝璠家藏本

明陳宏撰宏字公宏靜軒其號也泰和人正統壬戌進士官至兵部侍郎路壁所作宏小傳稱有金臺集金陵集

滇南集金臺晚集存於家此本其季子佩所編錄累朝誥敕家譜序與摺紳投贈之作共爲七卷冠於前併以爲

佩而作者附載卷內自第八卷以後始爲宏所著詩文編次殊無體例

商文毅公集十卷

浙江巡撫採進本

一名素菴集明商輅撰輅有商文毅疏藁略已著錄是編爲萬歷中淳安知縣漢陽劉體元所編凡文九卷詩一

卷多館閣應酬之作不出當時暉緩之體

菴竹堂彙八卷 兩淮駢政  
採進本

明葉盛撰盛有葉文莊奏議已著錄是集乃盛所自訂凡詩詞四卷文四卷詩詞皆非所長文有勁直之氣稍勝於詩然亦無傑構惟碑誌諸篇什尙頗整飭有法耳

卞郎中詩集七卷 浙江汪汝  
陳家藏本

明下梁撰榮字華伯江陰人正統乙丑進士官至戶部郎中榮在景泰閒盛有詩名居郎署二十年朝騎甫歸持牘乞詩者擁塞戶限日應百篇湯沐公餘日錄盛稱其狀元自是渴睡漢等相須用讀書人一聯以為雖有翦裁渾無痕迹蓋亦儻才然所作大半皆酬贈哀輓之章亦多淺率蓋得之工易也是集為其門人無錫吳健所刊附以雜文十餘首亦非所長李東陽懷麓堂詩話曰詩在卷冊中易看入集便難看古人詩集非大家數除選出者鮮有可觀卞戶部華伯在景泰閒盛有詩名對客揮翰敏捷無比近刻為全集殆不逮所聞是當時已有公論矣

白沙詩教解十卷附詩教外傳五卷 安徽巡撫  
採進本

明陳獻章撰湛若水註獻章有白沙集若水有二禮經傳測皆已著錄白沙詩教凡一百六十六篇皆闡發性理之作詩教外傳則皆獻章語錄之類足與詩相發明者若水以類排纂彙合為之標目獻章於詩家為別調不妨存備一格若水務尊師說必以為風雅正宗至別撰此書以行言之似乎成理而實則不然王士禛居易錄曰如欲講學何不竟作語錄可謂要言不煩矣

彭文憲集四卷 江西巡撫  
採進本

明彭時撰時有可齋雜記已著錄其集原本十卷歲久散佚此本乃其六世從孫篤福所刊撮拾殘簡取遺卷缺不足見所長矣

劉古直集十六卷 浙江汪汝  
陳家藏本

浙東劉古直集十六卷 卷一百七十五 別集類卷首一 十一

明劉翊撰翊字叔溫號古直壽光人正統戊辰進士官至戶部尚書謹身殿大學士諡文和事蹟具明史本傳是  
集乃其子太常寺卿統所編凡詩五卷文十一卷志表祭文附於末翊當萬安劉吉等朋比亂政之時頗能持正  
故本傳稱安貪狡吉陰刺翊為稍優顧喜談論人目為狂疎又萬安傳稱在內閣者劉吉劉翊安為首輔與南人  
相黨附翊與尚書尹旻王越又以北人為黨互相傾軋然翊疎淺而安深警故翊卒不能勝則翊亦一客氣用事  
輕率不檢者耳宋舞尊明詩綜謂其詩率意塗寫不事剪裁蓋肖其為人也舞尊又引李東陽語謂公於詩興之  
所到筆不能閤而無毫髮點綴呻吟之病云云考東陽序中無此語其語乃在王承裕序中考此本二序皆五頁  
版心號數相同裝緝者互易其末頁舞尊以仁裕語為東陽語知所見之本二序亦互易末頁矣

王瑞毅文集九卷 江蘇巡撫採進本

明王恕撰恕有玩易意見已著錄是集乃嘉靖壬子祥符李濂所編前六卷為文集平實淺顯無所雕飾如其為  
人喬世寧序稱當時以為其文無假英藻而質厚有餘不務以閎辨而歸準於躬行又最稱其荅劉太保書第七  
卷即玩易意見八卷曰石渠意見九卷曰意見拾遺皆說經之語各有別本單行濂用李石方舟集例又編入集  
中也

鳴秋集一卷 兩淮鹽政採進本

明趙迪撰迪字景哲懷安人自號白湖小隱朱彝尊靜志居詩話謂余憲百家詩以迪為山人徐庸湖海著英集  
載其元夕應制詩徐泰明風雅則云迪空陽人官吏部侍郎然鳴秋集有景泰五年迪仲子壯後序中云先人值  
時多故投老林泉而同時聞人均有輓鳴秋山人詩則二徐所云自是別一人矣是集即其仲子壯所編前載林  
誌序稱其古詩不下魏晉而諸作則醇乎唐今考其詩古體頗為薄弱詠說殊誣律詩諧暢差有唐音然亦音  
安一派也

王文肅集十二卷 浙江孫仰台家藏本

明王慎撰俱有毘陵志已著錄此集亦名思軒彙卷首載李東陽所作傳謂其官吏部尚書時上疏陳八事多見採納今其疏不見集中止存經筵進講文華進講二卷殆有所避而不載歟抑東陽溢美也

王太傅集二卷 浙江汪汝標家藏本

明王越撰越字世昌潛縣人景泰辛未進士官至兵部尚書以功封威寧伯諡襄敏此集稱王太傅者其贈官也考明史越本傳功名頗有可觀惟以前結汪直後依李廣為士論所輕是集分體編輯附錄雜文前有嘉靖九年吳江吳洪序稱其遺藁散佚不傳有郢人高德崇錄所見聞刻之於學舍乃行於世後越曾孫紹思別輯全集其跋中所稱在楚有大傳詩文集者即此本也

王襄敏集二卷續集一卷 浙江汪汝標家藏本

明王越撰是編即其曾孫紹思所輯第一卷為疏議皆處置邊務及奏報捷音第二卷為雜文續集一卷為詩及詩餘而以李東陽所作墓誌崔銑所作神道碑附錄於末越本魁傑之才其詩文有河朔激壯之音而往往傷於粗率

野菴文集十卷 江西巡撫採進本

明吳宣撰宣字師尼野菴其別號也崇仁人景泰癸酉舉人授左軍督府經歷坐劾長官不法繫獄十年始得釋改中府陞鎮遠府知府道病卒其文落落有氣而格律未嚴是集乃其門人王君謨等所編未經刊行其元孫道南復訂正藏於家前有道南自述顛末一篇

奉使錄二卷 兩江總督採進本

明張寧撰寧有方洲集已著錄是集乃寧天順四年出使朝鮮所作已編入方洲集內此其初出別行之本也上卷首敘奉使召對及奏稟數篇餘皆途中畱題之作下卷則至朝鮮以後篇什題曰皇華集註云朝鮮刻本前有崔恆序乃奉國王李瑛命編次而序之者也朱彝尊靜志居詩話載寧兩使朝鮮水館星郵兩題殆遍館伴朴元



享詩篇唱和殊不相下及借登太平館樓盡成七律六十韻元亨誦至溪流殘白春前雪柳折新黃夜半風之句乃闕筆曰不敢屬和矣然其詩縱調騁情才思雖捷而少沈思故王世貞謂寧詩如小權急流一瞬而過無復雅觀也

彭文思集六卷 江西巡撫採進本

明彭華撰華字彥實安福人景泰甲戌進士官至吏部侍郎入內閣逾年以風疾去卒諡文思事蹟附見明史萬安傳所著有素菴集九卷李東陽序稱其文嚴整峭潔力追古作者今未見傳本此本為其六世孫篤福所編視原集僅十之三矣

恥菴集十卷 浙江汪汝陳家藏本

明陳焯撰焯字交曜別號恥菴閩縣人天順庚辰進士官至浙江左布政使焯風裁峻整為御史時劾罷錦衣指揮門達在江西平反疑獄為民興利除弊具有實績詩文非所注意是集乃正德初其從子輝為東莞知縣時所刊嘉靖中其孫全之復補輯之而以贊輓諸詩附於其末

禮庭吟二卷 衍聖公孔昭虞家藏本

明孔承慶撰承慶字永祚曲阜人至聖六十代孫也年二十一未及襲封而卒其外祖王惟善為夏其遺詩以成此集有景泰間同郡許彬序又有天順丁丑長洲劉鉉序歲久散佚康熙庚辰衍聖公孔毓圻檢校允世遺藁又得而重刊之

耕石齋石田集九卷 兩江總督採進本

明沈周撰周有石田雜記已著錄是集乃翟式昉所刪定凡詩八卷文一卷其詩與華汝德本互有出入文則華本所未收然周詩猶以天趣勝文則更非所長徒為贅疣矣

桂坡集十五卷 浙江汪汝陳家藏本

明左贊撰贊字時期南城人天順丁丑進士官至廣東布政使是編凡前集五卷後集八卷皆詩賦雜文而以所作方外諸篇別爲一卷附於末蓋用楊傑無爲集例至於樂府一卷之中如關山月揚白華之類皆古題而忽以詞曲續其後則從來無此體例殆以宋人詞曲亦標樂府之名故合爲一不知源流遞變格律各殊不可以宋之樂府竟當古樂府也贊嘗刪定李觀集蓋亦頗用心詩古文者然所作質朴而不能健清淺而不能腴其於古格僅僅具體云爾

別本彭惠安公文集七卷附錄一卷

兩江總督採進本

明彭韶撰韶有政訓已著錄所著詩文名從吾滯燕已散佚不存是集乃御史陳時周所重編已多所刊削非盡精要附錄一卷則楊守陳陳獻章等贈言及府志傳論也

餘力彙十二卷

副都御史黃登賢家藏本

明徐貫撰貫字元一淳安人天順丁丑進士官至工部尚書諡康懿是集乃貫所自定前有宏治己未自序其子頤初刊於舒城開有遺佚嘉靖壬子其次子健倅歸州時復增訂梓行詩文皆平實然大半應酬之作也

粟菴遺藁一卷

浙江汪汝陳家藏本

明鄭環撰環字瑤夫號栗菴仁和人天順庚辰進士官至太常寺少卿是集有其子孟繩跋稱環集本十卷不戒於火茲集乃其搜輯另編者楊守陳作環墓碑稱其文章典雅瞻密今此本所存無多體亦不備不足以見其全守陳所論難遽定其確否也

東白集二十四卷

浙江孫仰曾家藏本

明張元禎撰元禎五歲能詩寧靖王召見名之曰元微巡撫韓雍爲改今名字廷祥南昌人天順庚辰進士官至吏部左侍郎兼翰林院學士掌詹事府天啟初追諡文裕事蹟具明史本傳是集凡詩文二十三卷末卷則附錄事實祭文元禎以講學爲事其在講筵請增講太極圖西銘通書宋帝王之學與儒者異詎可舍治亂興亡之戒

而談理氣之本原史稱後輩嬉笑其迂腐殆非無因矣其詩文復遠無華亦刻薄事擬宋儒得其形似也

定菴集五卷

兩淮鹽政採進本

明張悅撰悅字時敏華亭人天順庚辰進士官至南京兵部尚書諡莊簡事蹟具明史本傳是集凡詩一卷文四卷大抵流易有餘而頗乏情永之味

吳川集十六卷附錄二卷

浙江孫仰會家藏本

明祁順撰順字致和吳川其號也東莞人天順庚辰進士官至江西左布政使其集前載有韻之文次為詩詞次為散體末附張元正所作墓誌賈宏所作墓表各為一卷

東園詩集續編八卷

浙江范懋柱家天一閣藏本

明鄭紀撰紀有東園文集已著錄是編其詩集也初紀子主一主敬嘗編其詩為十二卷今未見傳本此本乃其少子忠寬輯遺篇故題曰續集集中如古壘斜連江樹沒飢鳥恆傍野人飛橋頭雨歇徑初溷天際雲收山漸多等句亦頗有南宋風格然亦止於如此耳

東龍遺藁四卷

江西巡撫採進本

明彭教撰教字數五號東龍吉水人天順甲申進士第一官至翰林院侍講集中詩文類多應酬之作李東陽序云數五年僅四十餘編摩考校之外無由自試而文又不盡其蘊蓋亦微詞也

閔莊懿集八卷

浙江巡撫採進本

明閔珪撰珪字朝英烏程人天順甲申進士官至南京刑部尚書左都御史事蹟具明史本傳是編乃其詩集集中七言律詩多至六卷大抵皆酬贈之作蓋珪老成持重治獄平允為當代名臣後以不阿劉瑾告歸其立身自有本末吟詠則非所畱意云

桃溪淨業八十四卷

江蘇巡撫採進本

明謝鐸撰鐸有赤城論諫錄已著錄是集凡詩四十五卷又三十九卷蓋李東陽因其舊本再取而芟之故以挑溪淨臺為名然瑕瑜參半猶不能悉為刊除也

滄洲集十卷續集二卷

浙江汪汝霖家藏本

明張泰撰泰字亨父太倉人天順甲申進士官至翰林院修撰事蹟具明史文苑傳泰為人恬淡獨喜為詩初與李東陽齊名後東陽久持文柄所學彌老彌深而泰不幸早終未及成就故聲華銷歇世不復稱今觀是集大抵圓轉流便而短於含蓄正如清水半灣洮洮易盡視東陽懷麓堂集實相去逕庭故東陽作序亦云將極於古人而不意其遽止云

西山類案五卷

兩淮馬裕家藏本

明謝復撰復字一陽祁門人少從吳與游與陳獻章為同門友而篤實勝於獻章故集中有書獻章詩後一篇頗詆其晚涉於佛老其宗旨可見然其詩文則不出講學之門徑與談藝家又別論云

陳剩夫集四卷

福建巡撫採進本

明陳真晟撰真晟字晦德改字剩夫又自號曰布衣家本泉州以父隸鎮海衛戍籍遂為漳州人天順中嘗詣闕上書獻所撰程朱正學纂要兼上書執政均不見收又上書當路獻所撰正教正考會通亦不見省而罷又作學校正教文廟配享疏擬詣闕再上未及行而卒事蹟具明史儒林傳是集乃真晟卒後其鄉人林祺所編康熙己丑儀封張伯行官福建巡撫乃為序而刻之所獻二書今皆載集中其程朱正學纂要首為程氏學制次為推明朱子兼補之法次為心學圖說其圖凡二一為六十四卦圓圖圖下大書一心字一為太極圖圖下亦大書心字次為立師說補正學輔皇儲隆教本振風教五條其正教正考會要首列朱子學校育舉私議次教諭大略大程氏學制次呂氏鄉約次德業過違二條次立師考德考文三條大意以為天下之事莫大乎此故次卷載所上當路書曰朱子抱哭其書四百年矣會無一人憐而省之者此魏鶴山真西山許魯齋吳草廬諸儒不能無大罪也

既讀其書宗其道則實吾師也父也豈有視父師之哭而弟子能怒然耶又謂宋元兩朝皆以不用程朱之學故上干天怒奪其命以與明持論頗僻又題玉堂賞花集後詆諆執政謂不賞其程朱纂要而舉聚賞花後世不免謂之俗相尤為褊激林雍作真展行實稱其既無所遇每四顧顧徨不能自釋亦異乎尋孔顏之樂者矣

履坦幽懷集二卷

編修祝德翰家藏本

明祝淇撰淇字汝淵號夢窓海寧人以子萃貴封刑部主事明詩綜作祝慰云或作淇此本乃其家刻明作淇字則詩綜誤也是集為餘姚胡培所編凡文一卷詩一卷

思元集十六卷

浙江汪啟淑家藏本

明桑悅撰悅有桑子庸言已著錄是編賦一卷文八卷詩六卷詩餘一卷附刻一卷則悅之志傳也史稱悅為人怪妄敢為大言以欺人朱彝尊靜志居詩話稱悅在長沙著庸言自詡窮究天人之際非儒者所知又自稱其詩根於大極則史所云怪妄不虛也所作兩都賦有名於時然去班固張衡實不可道里計而誇誕如是淺之乎其為人矣

涑水集二卷

兩淮鹽政採進本

明文洪撰洪字功大號希素長洲人成化乙酉舉人官涑水縣教諭故以名集洪為待詔徵明之祖故朱彝尊靜志居詩話云長洲文氏世載其德希素先生實始之詩饒有恬淡之致是集洪自序稱檢前後所作汰之得百篇蓋所自編然此本末附遺文七篇則後來又有增人非手定之舊集矣

龍阜文集十九卷

浙江孫仰曾家藏本

明陸簡撰簡字伯廉號治齋龍阜其別號也武進人成化丙戌進士官主詹事府少詹事是集有文無詩冠以日講直解及經筵講章李東陽為擬墓誌稱其文縝密峻潔力追古作而不輕應接有求之經歲而不得者又云所著已累百數十卷今所存者僅若此則知其佚者多也其文義蘊未深而平正樸實於長沙一派為近蓋何李未出之前文格大率如是也

東海文集五卷

浙江巡撫  
採進本

明張弼撰弼字汝弼華亭人成化丙戌進士官至南安府知府事蹟具明史文苑傳是集前四卷皆雜文後一卷皆附錄弼輓銘贊之作考吳鉞序稱其子輯錄詩文若干卷則其文原與詩合刻此本偶佚其半也弼工草書爲世所重其文則直抒胸臆不事鍛鍊李東陽懷麓堂詩話載弼自評其書不如詩詩不如文以爲英雄欺人之語

誠爲論云

東華文集十三卷附錄一卷

浙江巡撫  
採進本

明陸淵之撰淵之字克深上虞人成化丙戌進士官至河南布政使是集爲其門人王汝鄉所刻前有其門人劉瑞序曰讀先生之文者知其大可也乃若較聲律評矩矱區區於文字家者亦淺之乎知先生矣殆微詞歟

張文信公文集十四卷詩集二十二卷

浙江巡撫  
採進本

明張昇撰昇字啟昭南城人成化己丑進士第一官至禮部尙書事蹟具明史本傳是編乃其子浙江布政使元錫所刊前有嘉靖元年邵寶序謂此書本名柏崖集刻成而賜諡之命適至遂以名之然本傳不言有諡或偶漏歟昇立朝頗著風節而其文多應酬之作未附瀛涯勝覽及北行錄西行錄皆纒述見聞無所考證詩則近體多於古體而七言近體尤多於五言是足驗其所得矣

使東日錄一卷

浙江巡撫  
採進本

明董越撰越有朝鮮賦已著錄是集乃宏治元年越爲朝鮮領誼正使途中紀行之詩考越奉使時官庶子而刻本首行結銜乃作儒林郎大理寺寺字以下刊版刊滅不可辨其姓名疑或校刊者所題歟

太和堂集六卷

浙江汪汝  
陳家藏本

明屠勳撰勳字元勳平湖人成化己丑進士官至刑部尙書諡康僖是集詩四卷文二卷以神道碑墓誌附於末陳懿典序稱合刻屠氏家藏二集蓋其子應埃有蘭暉堂集當日合爲一編耳

交石類彙三卷

兩能監政  
採進本

明吳文度撰文度字士憲之應天人成化壬辰進士官至南京戶部尚書事蹟附見明史張泰傳是集詩一卷文二卷皆詞旨樸儻蓋文度官汀州知府時有惠政汀州人爲之刊行以誌遺愛是固不以詞采論也

文溫州集十二卷

浙江巡撫  
採進本

明文林檉林有瑯琊漫鈔已著錄林嘗爲溫州府知府故其集以溫州名其中陳馬政諸篇皆官南京太僕寺丞時作總題以溫州從所終也

孫清簡公集二卷

兩江總督  
採進本

明孫需撰需字字吉別號冰槩翁德興人成化壬辰進士官至南京吏部尚書諡清簡事蹟附見明史孫原貞傳需初爲南京御史以劾妖僧繼曉廷杖調外爲禮部尚書又忤劉瑾罷官以風節著巡撫河南陝西鄜陽抑權貴綴流亡尤具有循績詩文則非所長是集初名冰槩彙其孫世良改今名末有隆慶庚午世良記曰壬戌循例至京師奉遺 稟請罷昆湖姜晉齋摘其尤者得四帙丁卯過常郡謀諸王百穀更爲分門別類釐爲上下二卷是刻豈欲上匹大方持示海內第俾子孫異日有所 取以承藉云耳其言儻實想見需之家法王世貞序謂其詩文冲然而不爲藻采淡然而若無深思亦有微詞焉

石淙彙十九卷

安徽巡撫  
採進本

明楊一清撰一清有關中奏題彙已著錄考明史藝文志載一清奏議三十卷石淙類彙四十五卷詩二十卷今所傳關中奏題彙已與三十卷之數不符此本有詩無文首鳳池彙次省墓彙次禮後 彙次西巡彙次北行 彙次容臺彙次行臺彙次歸 田前彙次自訟彙次制府彙次吏部彙次玉堂彙 次歸田後彙次督府彙次玉堂後彙各以類分止十九卷與藝文志卷目亦不合惟督府彙後別附簡札一卷當爲文集一種裝緝誤入於此 史志或併此數之歟

東溪彙十卷

兩淮鹽政採進本

明鄧序撰序字宗周宏章人成化壬辰進士官至南京戶部尚書終蘇州巡撫是編乃其詩集凡吟彙五卷入觀聯句錄一卷續彙三卷別彙一卷而以石瑄所作小傳附焉

梅巖小彙二十卷

浙江汪汝璉家藏本

明張旭撰旭字廷曙休寧人成化甲午舉人歷官孝豐伊陽高明三縣知縣是集凡詩二十二卷文八卷其詩長於集句採摭成語位置聯絡往往如出自然其所自作則雖律調工整而傷於剽利蓋學長慶集而不至者也散體諸文大抵應俗之作矣

東田漫彙六卷

直隸總督採進本

明馬中錫撰中錫字天祿別號東田故城人成化乙未進士官至左都御史事蹟具明史本傳是集為其子師言所編同邑孫緒序之稱其詩卑者亦適許渾高者當在劉長卿陸龜蒙之列而其末力詆禰片語擗數字規規於聲韻步驟摹仿愈工背馳愈遠蓋為李夢陽而發其排斥北地未為不當然中錫詩格實出入於劔南集中精神魄力尙不能遺夢陽也

別本東田集十五卷

直隸總督採進本

明馬中錫撰是集為國朝康熙丁亥中錫鄉人賈棠所刊凡文五卷詩十卷案嵩陽雜議曰李空同與韓貫道草疏劉瑾切齒必欲置之死賴康許西營救而脫後許西得罪空同議論稍過嚴人作中山狼傳以詆之王士禎居易錄亦稱中錫中山狼傳為刺李夢陽負康海而作今其文在第五卷中然海以救夢陽坐累夢陽特未營救之耳未嘗逞凶反噬如傳所云云也疑中錫別有所指而好事者以康李為同時之人又有相負一事附會其說也

滇南行彙四卷附錄一卷

江西巡撫採進本



明蘇章撰章字文簡號雲華餘千人成化乙未進士官至延平府知府初章官兵部主事時因星變事劾妖僧繼  
曉方士李汝省誦姚安通判因哀其所作共為一集故以滇南行囊為名未附詞四關祭胡敬齋文一首附錄一  
卷則其行實及諸家題跋與入祀鄉賢文卷也章少問學於陳獻章之門嘗出胡居仁於獄與吳與弱亦友善  
亦刻意講學者故所作皆率意而成不能入格云

七星詩文存十二卷 江西巡撫  
採進本

明劉鴻撰鴻字雲表泰和人以居七星坊自號七星居士成化丁酉舉人屢上公車不第遂放游山水以終是集  
為泰和知縣區時行所編前有正德五年羅欽順序其文風格疎暢多自抒抑塞磊落之懷詩則率意而成與寄  
頗淺五言絕句中西州詞第一首乃全錄西州古詞四句殊不可解疑或手書是詞其後人不考而誤收也

碧川文選四卷 兩江總督  
採進本

明楊守陟撰守陟字惟立號碧川鄞縣人成化戊戌進士官至南京吏部左侍郎加尚書銜致仕事蹟附見明  
史楊守陳傳案明分省人物考云碧川文鈔二十九卷雜文儲彙又若干卷此本為其外孫陸鏞所刻前有陳  
琳序曰楊公自擢手彙凡一百五十三篇藏於家陸君釐為四卷云云則此為守陟手定之本矣明人物考又  
云守陟嘗書數語於遺藁曰學文師韓吏部學道師程伊川然其文才力萎弱不能規撫韓筆也

西征集 無卷數 浙江  
汪汝璣家藏本

明林俊撰俊有見素文集已著錄是集皆其正德四年再起官四川巡撫平定巴夔土寇時作故以西征為名凡  
詩歌一百二篇賦二篇書二十三篇祭文二十四篇序四篇記五篇末附戴鏞所撰西征傳述詩亂始末  
頗詳

半江集十五卷 兩淮馬裕  
家藏本

明趙寬撰寬字架夫號半江吳江人成化辛丑進士官至廣東按察使是集初為其邑人王思誠所刊王守仁費

宏皆爲之序守仁序不載卷數但借其遺藁散佚宏序稱詩六卷文知之此本凡詩八卷文七卷蓋其仲子論撰拾補緝又增三卷也

柴墟齋集十五卷

兩江總督採進本

明儲懌撰懌字靜夫號柴墟泰州人成化甲辰進士官至戶部侍郎劉瑾用事引疾歸瑾誅復起調南京吏部侍郎卒諡文懿事蹟具明史文苑傳是集爲其曾孫懌所刊詩五卷序文三卷墓誌一卷雜著一卷奏疏一卷書簡三卷懌嘗與李夢陽何景明徐禎卿相倡和其詩規仿陶韋文亦恬雅至於才力富健則不及夢陽等也

虛齋先生遺集十卷

編修祝德麟家藏本

明祝萃撰萃字維真海鹽人成化甲辰進士官至廣東布政司參政是集文五卷詩五卷文頗春容詩亦安帖蓋成宏開臺閣之體也

蔡文莊集八卷

浙江巡撫採進本

明蔡清撰清有易經蒙引已著錄其集凡有二本一爲石崖葛氏所刊即明史藝文志所載五卷之本一即此本乾隆壬戌其族孫廷魁所重刊也自一卷至五卷仍其舊文而重訂其目又搜輯墨蹟遺藁爲補遺一卷附以其孫邦駒所集事蹟及志書傳序爲附錄二卷集中有與孫九峯書述寧王宸濠譏其不能詩文廷魁序中因反覆辨論歷詆古來文士而以清之詩文爲著作之極軌夫文以載道不易之論也然自戰國以下卽已岐爲二途或以義理傳或以詞藻見如珍錯之於菟粟錦繡之於布帛勢不能偏廢其一故謂清之著作主於講學明道不必以聲偶爲詩以彫繪爲文此公論也謂文章必以清爲正軌而漢以承作者皆不足以爲詩文則主持太過矣廷魁序又稱以家藏密歲善本太極圖說河洛私見三種附焉而此本無之蓋本各自爲書故或附載或別行也

雪洲文集十四卷

浙江巡撫採進本

明黃瓚撰瓚字公獻儀真人成化甲辰進士官至南京兵部侍郎是集乃其子襄所刊自一卷至六卷爲詩自七

欽定四庫全書總目卷一百七十五

卷至十二卷為文三十四兩卷題曰續集詩文並列蓋補遺也詩多伉儷之響文亦意境未深集中載為出東  
巡撫時薦劾方面各官疏於所料之人俱闕其名殆不欲暴人之短耶

兩村集四卷

直隸總督採進本

明周東撰東字伯震號兩村阜城人成化甲辰進士官至大理寺少卿以伉直忤劉瑾時實鐸將變乃使勸事陳  
西會亂作死之是集詩一卷雜文一卷其後二卷為正論八篇蓋東子所著之書編以入集詩文皆不甚留意正  
論多刺時之語蓋亦發憤而著書然東之足不朽者終在氣節也

松籥堂集十二卷

兩淮鹽政採進本

明楊循吉撰循吉有蘇州府纂修議異已著錄其平生詩文雜著幾及千卷蕪累頗甚是集雖經別裁尚多俗體  
蓋循吉任誕不羈故其詞往往近俳云

都下贈僧詩一卷

浙江汪汝深家藏本

明楊循吉撰循吉好與方外遊成化丙午大給祠牒吳僧多集京師其所識雜流時或往訪比其還也各賦詩以  
送之因錄為一通吳寬啟其後後二年循吉復募覽書刻之持定塔院

菊花百詠一卷

浙江汪汝深家藏本

明楊循吉撰以菊花種類各案其名系以七言絕句分為十一類天文類自滿天星以下三首地理類自岳州紅  
以下三首人物類自狀元紅以下二十一首宮室類金樓子一首珍寶類自銀絞絲以下七首時令類自海棠春  
以下六首花木類自白牡丹以下三十二首身體類自金寶相以下三首鳥獸類自金鳳仙以下十三首衣服類  
自黃墨羅以下十四首器用類自醮金香以下十八首

齋中拙味一卷

浙江汪汝深家藏本

明楊循吉撰凡古今體詩二十一首皆循吉官禮部主事以病乞歸將發京師及至家後所作又以成化甲辰丙

午至宏治戊申所作聯句詩六首附於末徐景鳳篆刻循吉所着為南峯逸藁此其一種也

燈窗末藝一卷攬眉集一卷

浙江汪汝霖家藏本

明楊循吉撰皆所作古文合兩集僅四十餘首頗宕逸有奇氣而縱橫曼衍亦多不入格徐景鳳亦嘗刻入古峯

逸藁中

東所文集十三卷

浙江汪汝霖家藏本

明張詡撰詡有白沙遺言已著錄是集凡雜文十卷詩三卷其學出於新會故所為白沙文集序白沙遺言纂要

序周禮重言重意互註序及學記與友人往復諸書大抵皆本陳氏之說

南海雜錄十卷

浙江汪汝霖家藏本

明張詡撰是集雜詠廣州古蹟分為九門每題之下各列小序皆批志乘為之無所糾正詩亦罕逢新語

李大厓集二十卷附錄一卷

浙江孫仰曾家藏本

明李承箕撰承箕字世卿嘉魚人讀書大厓山自號大厓居士成化丙午舉人嘗徒步至嶺南從陳獻章游及歸

遂隱居黃公山不復仕進明史儒林傳附載於獻章傳末是編乃其弟立卿所刻明史藝文志載大厓集二十卷

與此本合前十二卷為詩後八卷為雜文附錄一卷則纂表行狀及陳獻章所贈詩文前有其兄承芳所作采菊

藥引采菊藥者即獻章所贈古詩凡十三首破積成卷以其首句有采菊二字因以名焉然此空入附錄乃以冠

諸備端蓋欲假獻章以重承箕殊非體例且重不重繫乎其人亦不繫乎其師也

費文憲集選要七卷

浙江總督孫進本

明費宏撰宏字子充鉛山人成化了未進士第一官至吏部尚書華蓋殿大學士諡文憲事蹟具明史本傳所著

鵝湖播聲本二十卷此本乃徐階劉同升所選錄非全帙也

湘皋集三十三卷

浙江孫仰曾家藏本

明李承箕撰承箕字世卿嘉魚人讀書大厓山自號大厓居士成化丙午舉人嘗徒步至嶺南從陳獻章游及歸遂隱居黃公山不復仕進明史儒林傳附載於獻章傳末是編乃其弟立卿所刻明史藝文志載大厓集二十卷與此本合前十二卷為詩後八卷為雜文附錄一卷則纂表行狀及陳獻章所贈詩文前有其兄承芳所作采菊藥引采菊藥者即獻章所贈古詩凡十三首破積成卷以其首句有采菊二字因以名焉然此空入附錄乃以冠諸備端蓋欲假獻章以重承箕殊非體例且重不重繫乎其人亦不繫乎其師也

明蔣冕撰冕字敬所宋明史本傳冕字敬之然籍首王宗沐黃佐陳邦備呂調陽全州人成化丁未進士官

部尚書謹身殿大學士諡文定事蹟具明史本傳是集分奏對四卷奏疏三卷附錄召對及經筵講章教諭等

一卷詩八卷詞一卷序記等雜文十六卷冕當正德之末主昏政怠獨持正不撓凡所建白俱切時務嘉靖初大

禮議起冕固執為人後之說卒輟歸以去丰裁嶽嶽在當時不愧名臣其詩文則未能挺出也

別本能峰集四卷浙江汪汝璩家藏本

明石珪撰珪有全集十卷已著錄案朱彝尊明詩綜稱珪所著名恆陽集曲周令皇甫昈定為四卷詩僅一百

九十餘首今此集題作熊峰先生集前後無序賦詩亦一百九十餘首而詩綜所錄惟春日雜言秋蓮曲會昌宮

詞三首在集中其送邵國賢芟田行春渡漣沱諸篇皆未之載疑此為初刊別行之本非昈所選故集名亦各不

同然卷數篇數又合殊不可解今未見原刻其間異莫能詳也以此雖舊本而不及康熙中所刻新本之貶備故

錄其新本而此本附存日焉

墓山集十五卷浙江孫仰曾家藏本

明李堂孫堂字時升鄞縣人成化丁未進士官至工部右侍郎總理漕河郵有赤墓山印越絕書所謂赤墓之溪

涸而出銅者堂居其側故以名集其文根據未深持論頗多臆斷

西軒效唐集錄十二卷浙江孫仰曾家藏本

明丁養浩撰養浩字師孟別號西軒仁和人成化丁未進士官至雲南布政使是集詩八卷文四卷其名效唐者

蓋取法唐人之意然殊不類唐音也

龍峰類纂二十六卷浙江巡撫採進本

明毛紀撰紀有密勿彙已著錄是集乃紀致仕後所手定前十八卷為文後八卷為詩朱彝尊明詩綜載紀有龍

頭類彙蓋即此編校刊偶疎誤以峰字為頭字也

赤城集二十三卷 兩淮馬裕家藏本

明夏鏡撰鏡字德樹天台人成化丁未進士官至南京大理寺左評事事蹟附見明史夏璠傳其詩欲為別調而轉乖雅則文亦惟意所如不可繩以古法史稱鏡宏治四年調選時疏請復李文祥羅倫官併請罷大學士劉吉忤旨下獄後官評事時又疏論賦斂徭役馬政鹽課利弊及宗藩戚里侵漁狀蓋亦謹正之士非專意於詞章者也

西巡類彙八卷 浙江范懋杜家天一閣藏本

明吳廷舉撰廷舉字獻臣梧州人成化丁未進士官至南京工部尚書諡清惠事蹟具明史本傳此集乃其正德初官廣東按察司副使時巡歷省治以西諸郡所上奏疏及往來文牘詩詞之類故曰西巡類彙明史言其發中官潘忠罪為忠反許下詔獄劉瑾矯詔枷之幾死今觀此編廷舉所上凡十疏內有劾岷王府內監陳鶴稱令旨差往廣東違法乘驛騷擾又奏各省鹽務差內監查盤者因斂銀內進又有人事銀以賄各衙門賀禮銀以賄司禮監此三者竝科擾百姓請敕御史體察而盤查廣東鹽庫之內監韋霖將鹽課盡解京令廣東無以充軍餉其事不可行其關涉於內官者不過如此無發潘忠罪事編首有劉瑞序云逆瑾切齒於君其黨探望風旨詆奏即械下錦衣衛獄御史部門左垂死而後釋之瑞廷舉同時人其言必得實然則史傳疑誤也

月湖集四十八卷 浙江巡撫探進本

明楊廉撰廉字方震豐城人成化丁未進士官至南京禮部尚書諡文恪事蹟具明史儒林傳是編凡分六集以所作歲月核之月湖淨菴十九卷續菴二卷遺菴一卷當在前月湖四卷十卷五卷七卷六卷七卷當在後原本次序顛倒蓋編次偶誤也廉以氣節稱而其父崇嘗從吳與弼游因亦喜講學請頒薛瑄讀書錄於朝請脩周程張朱於漢唐諸儒上皆其所奏故其詩多涉理路其文亦概似語錄云

程全齋集十卷 江西巡撫探進本

欽定四庫全書總目卷一百七十五

明程楷撰楷字念齋饒州人成化丁未進士改庶吉士是集未有方冀歐稱其家居時所著有東樓南樓日錄遊太學時有屏嵐書屋藥官翰林時有來英亭藥官散落不存此本乃其郡人史簡所摘鈔凡丈七卷詩詞八卷古文具  
有闕架而醞釀未深詩詞亦多率意之作不專心於陶鍊

欽定四庫全書總目卷一百七十五

欽定四庫全書總目卷一百七十六

集部二十九

別集類存目三

東嶠集十五卷 湖北巡撫 採進本

明李承芳撰承芳字茂卿嘉魚人宏治庚戌進士官大理寺評事明史儒林傳與其弟承箕同附陳獻章傳末是集詩多俚俗如詠馮道云地獄剝燒春磨具定將此賊謝天人白頭吟云恨殺相如非正氣未曾焚却白頭吟皆墮入下劣詩魔文亦拙澀會理序謂其識類許魯齊志類范叔子睦族類范文正而詩文則甚自類蓋識其無所師法也

戒菴文集二十卷 兩江總督 採進本

明靳貴撰貴字充遂號戒菴丹徒人宏治庚戌進士官至武英殿大學士諡文僖是集乃吳郡蔡羽所編凡文十八卷詩二卷大半皆應俗之作

集古梅花詩四卷 浙江巡撫 採進本

明章璠撰璠字廷瑞蘭谿人宏治庚戌進士官至工部郎中是編皆集句成詩以咏梅花得五言律詩七言律詩七言絕句各百首又旁及紅梅得七言律詩十首所採上自六代下及明初排比聯貫往往巧合然非詩家正格徒繁精神於無用之地耳

白露山人遺藁二卷 浙江巡撫 採進本

明黃傳撰傳字夢弼蘭谿人宏治庚戌進士官至監察御史是編詩文各一卷其居在邑之白露山陽故以山自號因以名集傳受業章懋之門清苦自持不愧其師集中有死臥溪山鬼亦清句可以見其志節然年未四十而卒文章則未成就也



鶴灘集六卷

浙江巡撫採進本

明錢福撰福字與謙松江華亭人宏治庚戌進士第二官翰林院修撰家近鶴灘因以自號福少而穎悟詩文以敏捷見長故委巷鄙俚之詞率以歸之今觀是集實少俳諧之作知小說多附會也未為鶴灘紀事一卷蓋後人綴緝遺聞又多溢美亦不盡可憑

勉齋遺藁三卷

浙江巡撫採進本

明鄭滿撰滿字守謙慈谿人宏治壬子舉人官至山東濮州知州是集為其仍孫梁敬所編凡文二卷詩一卷大旨不詭於正而頗乏修詞之功

毛文簡集二卷

江蘇巡撫採進本

明毛澄撰澄號三江太倉人宏治癸丑進士第一官至禮部尚書嘉靖初議大禮不合致仕歸道卒事蹟具明史本傳是集皆所作雜文前有李維楨序稱澄沒十餘年其子希原哀所作詩文為三江集未及剞劂而散佚後其從曾孫君勇蒐拾鳩合屬維楨校刊更名曰遺藁詩已無一存文存者僅二卷耳云云此本題曰毛文簡集與序不合豈又經重刊歟

何燕泉詩四卷

兩淮馬裕家藏本

明何孟春撰孟春有何文簡疏議已著錄孟春少遊李東陽之門傳其詩派而才力不及其富瞻故往往失之平衍是編乃嘉靖閒署郴州事蔣文化選錄刊行亦非其全集也

吳文端集四十卷

安徽巡撫採進本

明吳一鵬撰一鵬字南夫號白樓長洲人宏治癸丑進士官至南京吏部尚書諡文端事蹟具明史本傳一鵬力爭大禮抗張璉桂萼之鋒頗著風節而不以文章名是集前有徐階序稱其子純叔所編而不著其名朱彝尊靜志居詩話謂一鵬名位與守溪王鏊鼎峙吳中詩品亦在伯仲間然鑿不以詩名即一鵬之詩可知也

姚東泉文集八卷

兩淮鹽政  
採進本

明姚鎮授鎮字東泉慈谿人宏治癸丑進士官至右都御史總督兩廣中甚語罷職後復起為兵部尚書總制三邊辭不赴以規避落職卒於家事蹟具明史本傳是集序記二卷奏疏四卷雜文一卷學政事宜一卷文皆囉繞尤多更牘之辭蓋鎮本以武略見也

靜芳亭摘彙八卷

浙江孫仰  
曾家藏本

明陳洪謨撰洪謨有治世餘聞已著錄是集為洪謨所自定以致仕之後居高吾山下築亭山中榜曰靜芳故以名其集又自稱高吾子故亦曰高吾摘彙其詩音節諧暢而意境不深蓋宏正之閒風氣初變漸趨七子之派而未盡離三楊之體也明史藝文志有陳洪謨文集二卷不載其詩今乃獨有詩集而文集未見本傳考此本卷首標題之下俱有詩集二字知尚別有文集故以示別非史誤也

矩洲集十卷附榜亭集一卷

浙江汪汝  
璩家藏本

明黃衷撰衷有海語已著錄考千頃堂書目衷有文集詩集各十卷是編乃其詩集也凡吳中彙一卷南中彙一卷閩中彙一卷粵中彙一卷湖中彙一卷伐檀彙一卷草堂前後彙二卷續彙二卷多描寫風景之作末附榜亭集一卷乃其弟衷所撰篇帙不多體格亦弱

仁峰文集二十四卷外集一卷

安徽巡撫  
採進本

明汪循撰循字進之休寧人宏治丙辰進士官至順天府通判江南通志稱其遊莊泉之門與王守仁數相論辨蓋亦講學之流集中有答程嶺書云朱子著書立言皆欲使人明其理反求於心未嘗教人弄故紙糟粕以資一己功利後之習其學者徒知排比章句而擴充變化之無功辨析詞理而持守涵養之不力專訓詁者附會穿鑿墨林架屋汨心思亂耳目工文詞者飾空蹄取青紫龍斷罔利中立為姦朱子之學果如是乎其持論亦頗中流弊然於曠之鬻爭門戶不一糾正則猶未破癥結也其文第取疏暢不事翦裁詩亦不出擊壤一派

欽定四庫全書總目卷二百五十六

是集凡文十七卷目錄二卷詩五卷末附詩話數則外集一卷附錄敕命行實墓銘祭文之類題嘉靖辛卯書林劉氏刊行其子載跋謂先刻其強半蓋尚非全彙刻本亦頗多脫佚失於校正云

漢陵集十六卷續集三卷

陝西巡撫採進本

明王九思撰九思字敬夫鄠縣人宏治丙辰進士官至吏部郎中坐劉瑾黨降壽州同知尋勒致仕九思為宏治七子之一明史文苑傳附見李夢陽傳中是集前有自序稱始為翰林時詩學靡麗文體萎弱其後德涵獻吉導子易其習獻吉改正予詩彙今尚在而文由德涵改正者尤多云云是其平生相砥礪者在李夢陽康海二人故其詩體文格與二人相似而詩之富健不及夢陽文之粗率尤甚於海蓋樂府是其長技他皆未稱其名也正集十六卷為嘉靖癸巳九思門人監察御史王獻所刊續集三卷乃九思晚年之作嘉靖丙午巡撫翁萬達續刊行之

南川彙十二卷

浙江汪汝琛家藏本

明陶諧撰諧字世和號南川會稽人宏治丙辰進士改庶吉士授工科給事中以忤劉瑾逮訊謫戍蕭州後起江南按察司僉事官至兵部侍郎總督兩廣軍務謚莊敏事蹟具明史本傳是編分為十集曰西行彙北上彙洪都彙十州彙再北上彙題贈彙行臺彙草堂續彙北遊彙歸閑彙各一卷雜著奏疏二卷正德三年劉瑾所矯示姦黨數論一道及諧下獄自辨一疏亦附載於末蓋其初刻之本後乃重編為莊敏集也

陶莊敏集八卷附蘭渚遺彙一卷

江蘇巡撫採進本

明陶諧撰是集凡詩六卷文二卷據諧自序但自錄其詩雜著奏疏蓋其後人所續入後附蘭渚遺彙則其孫尙寶司丞允淳所撰也諧以風節震一世詩文直抒胸臆明白坦易不甚鏗鏘翦教允淳詩亦淺弱而同日毋六妃四絕句允非立言之體以詩家之法言之不當如是徑直以臣子之體言之亦不容如是毀嫌也

靜觀堂集十四卷

浙江朱彝尊曝書亭藏本

明顧潛撰潛字孔昭崑山人宏治丙辰進士官至直隸提學御史以伉直忤尚書劉宇宇讒之於劉瑾出爲馬湖知府未任罷歸是集凡詩六卷文八卷俱平正樸實不事修飾蓋當時風氣類然蘇州府志稱所著尙有讀史新知林下記聞湖壩醉韻傳史夢林等集方鵬序又稱其有稽古治要若干卷蓋亦多所著述者今皆不可見矣

華泉集選四卷

山東巡撫採進本

明邊貢撰貢華泉集已著錄此本乃

國朝王士禛所刪定其序謂濟南詩派大昌於華泉滄溟二氏而摹路

藍縷之功又以邊氏爲首庸其比之曹植謝靈運雖不免夸飾然於李攀龍集終置不論而獨加意於貢集其去取之閒亦有微意也

陽明要書八卷附錄五卷

浙江巡撫採進本

明王守仁撰葉紹容編守仁有保甲法已著錄紹永吳江人是書成於崇禎乙亥取守仁全書摘其要語前有小序八首及凡例四條皆著其刪纂之大意浙江通志載宋儀望輯陽明文粹十一卷王畿輯陽明文選八卷而無此書之名蓋偶未見也

王陽明集十六卷

浙江巡撫採進本

明王守仁撰其五世孫貽樂重編案守仁全集刻於明嘉靖中久而版佚國朝康熙初貽樂爲滕縣知縣乃重爲掇拾定爲此本然視原集已闕其半其目分論學書南贛書平濠書思田書雜書書亦頗瑣屑又因有李贄所作年譜而遂以卓吾鑒定題其前尤爲依託迥不及原本之完善也

陽明文鈔二十卷

江西巡撫採進本

明王守仁撰是編康熙己巳江都張問達所編以傳習錄大學或問爲首奏疏序記諸講學書及論說雜著賦詩公移次之而終以陽明年譜

陽明全集二十卷傳習錄一卷語錄一卷浙江巡撫採進本

明王守仁撰此本為康熙中餘姚俞樾所編刪除錢德洪本正錄外錄別錄之目併為一集更其書第首載年譜次以書序記說諸體而以傳習錄語錄附焉

張伎陵集七卷浙江范懋社家天一閣藏本

明張鳳翔撰鳳翔字光世號伎陵子洵陽人宏治己未進士官戶部主事是集前六卷為詩附賦三篇後一卷為雜文鳳翔年僅三十而卒文章本未成就與李夢陽為同年夢陽為作小傳至比之王勃當時頗以為黨今觀集中所附夢陽評點惟白巖賦一篇稱揚過甚其他詩文率多譏彈之語則夢陽實未嘗心滿之也

凌谿集十八卷浙江巡撫採進本

明朱應登撰應登字升之實應人宏治己未進士官至雲南布政司參政宏治七子之一也明史文苑傳附見顧璘傳中是集凡賦二卷詩十卷文五卷附錄碑文傳銘詩文一卷朱彝尊靜志居詩話云李何並與李目空諸子自三秦而外得其門者蓋寡心摹手追凌谿一人而已其口占絕句云文章康李傳新體驅逐唐儒駕馬

遷是其生平惟以北地為宗故詩文格調相近然沈著頓挫處則才力不及夢陽顧璘為作碑文稱其詩上準風雅下採沈宋磅礴蘊藉鬱興一代之體未免諛墓之辭矣

貞翁淨稟十二卷浙江汪汝霖家藏本

明周倫撰倫字伯明晚號貞翁崑山人宏治己未進士官至南京刑部尚書諡康僊是集為趙士英所刪定其詩浴臺閣舊派不免膚廓士英序謂其有得於陶元亮王摩詰兩家非定論也

白齋竹里集七卷浙江汪汝霖家藏本

明張琦撰琦字君玉鄞縣人宏治己未進士官至興化府知府加布政使參政致仕是集前有嘉靖癸未自序稱守莆陽日既梓平生所作積數年又得若干首有相知君子贊予續梓之文集力繇不能盡刻姑芟摭數十篇附

詩之後是琦尚有前集行世此則歸田後所刻續集也琦當何李盛時別以獨造為宗自開蹊逕王世貞藝苑  
言謂其如夜蛙鳴露自極聲致然不脫於泥中蓋其用思雖苦鍊骨未輕有意生新未免圭角太露散體則縱筆  
所如如遺積行實一篇至以案牘語入文尤非體裁也

夢蕉存彙四卷

湘江汪汝琛家藏本

明游潛撰潛有博物志補已著錄是集凡詩三卷文一卷其詩工拙互見七言如靡蕪曉雨溼蝴蝶楊柳晚風吹  
栗雷雲深野岸客稀到天閣斜陽鴉亂啼等句皆頗有作意古詩則摹擬溫李而才力未至散體不多作僅二三  
十篇亦未入格其集曰夢蕉者案集中有夢蕉亭睡起詩自註云亭在鍾城山隙處蓋其別業云

對山集十九卷

陝西巡撫採進本

明康海撰海有武功縣志已著錄海晚歲縱情聲伎故樂府特為擅長詩文皆不甚留意不免利鈍互陳今已  
以孫景烈刪定之本繕入四庫此本即張太微所編之原集附存其目不沒其衰頓之功云爾

王氏家藏集六十八卷

浙江汪汝琛家藏本

一日浚川集明王廷相撰廷相有慎言已著錄其詩文列名七子之中然軌轍相循亦不出北地信陽門戶鄭  
善夫詩所謂海內談詩王子衡春風坐偏魯諸生一時典到之言非篤論也王士禛論詩絕句曰三代而還盡  
好名文人從古善相輕君看少谷山人死獨有平生王子衡蓋善夫歿後廷相始見是詩調恤其家甚至也亦  
頗有微詞矣

內臺集七卷

江蘇巡撫採進本

明王廷相撰是編刻於嘉靖丙申凡詩二卷詞一卷雜著一卷奏疏一卷雜文二卷又在家藏集之後者也時  
廷相為都御史故以內臺為名云

魯文恪存集十卷

浙江孫仰曾家藏本

大定可庫全書

集部

明集類存目三

四

明魯鐸撰鐸字振之號蓮北景陵人宏治壬戌進士官至南京國子監祭酒卒贈禮部侍郎諡文恪事蹟具明史本傳是編爲其子彭嘉所編前四卷皆詩第五卷爲使交彙鐸官編修時嘗奉使安南故也第六卷以下爲雜文史稱鐸爲司業日與祭酒趙永皆李東陽門生也東陽生日相約以二帕爲壽索笥無有有乾魚食過半矣乃攜其半饋東陽云云案司業秩六品何至貧不能具二帕無帕可徒往何必以食殘之物爲敬皆於事理爲不近此殆世人欲著其清介故甚其詞史因而錄之然亦足見其素行孤高故致影造是語不能不謂之賢者也至於詩文則皆不甚擅長蓋其平生志趣不在於斯耳

山堂萃彙十六卷

浙江汪汝琛家藏本

明徐問撰問有讀書劄記已著錄是編詩六卷文十卷而奏疏三篇附詩之末體例殊別其詩文平正通達而傷於淺易中有孫倬方蒙黃佐三人評語蓋卽以點勘之本付雕亦非古式

白石野乘十七卷

兩江總督採進本

明林魁撰魁自號白石山人龍溪人宏治壬戌進士官至雲南兵備副使是集賦詩詞六卷序記雜言等十卷前有自序稱平生應酬雜彙毋慮千首審非作家然亦一愚之發也今觀集中如上吏部揭帖及與楊一清李東陽諸書頗足覘其學行詩亦俊逸惟其稱心而談不免乏鍛鍊之功耳

水南彙十九卷

浙江汪汝琛家藏本

明陳建撰建有唐餘紀傳已著錄是集所載諸詩意境頗爲蕭灑而才氣空澆信筆而成故往往不暇檢點古文大致樸直而少波瀾頓挫之勝惟詩餘一體較工其家過激越猶有蘇辛遺範末附詩話一卷中間論詞一條謂明代騷人多不務此閒有知者十中之一二則其自負亦不淺矣

周恭肅集十六卷

浙江汪汝琛家藏本

明周用撰用字行之吳江人宏治壬戌進士官至吏部尚書諡恭肅事蹟具明史本傳是集爲其子國南所編

凡詩九卷詩餘一卷文六卷其詩古體多彈緩之音近體音節頗宏整文則平實坦易縱其筆之所如

樗林摘彙三卷附錄一卷 浙江汪汝璩家藏本

明秦鏗撰鏗字國和號樂易又自號類樗子無錫人宏治甲子舉人親沒後不復進取嘉靖中召選人不願試者授以散銜致仕遂循例授南京都察院都事是集為其子淮潭所刊凡詩三卷附錄贊銘誌文為一卷鏗隱居不仕絕意時名其於詩特以寄興故附錄諸篇皆敘其隱德而不及其文章朱彝尊明詩綜亦未採錄一篇云

未齋集二十二卷 浙江巡撫孫述本

明顧鼎臣撰鼎臣字九和崑山人宏治乙丑進士第一官至武英殿大學士謚文康事蹟具明史本傳初鼎臣以直講筵受世宗恩眷世宗好長生術內殿設齋醮鼎臣進步虛詞七章且列上壇中應行事宜又享太廟上命鼎臣及霍翰捧主二人有期功當辭鼎臣乃言古者諸侯絕期今公卿即古諸侯請得毋避深為清議所譏惟其憫東南賦役失均屢陳其弊及請崑山築城卒免倭患為其鄉人所稱明史藝文志載鼎臣集二十四卷今所存者凡二本一為其孫晉璠等輯凡文彙六卷詩六卷續彙六卷其題曰顧文康集較史志少六卷此本多三集四卷亦止二十二卷不足二十四卷之數或集本殘闕或史文偶誤則莫之詳矣

鈴山堂集三十五卷 編修聯守謙家藏本

明嚴嵩撰嵩字惟中分宜人宏治乙丑進士官至大學士事蹟具明史藝文傳嵩雖怙寵擅權其詩在流輩之中乃獨為迥出王世貞樂府變云孔雀雖有毒不能掩文章亦公論也然述其所為究非他文士有才無行可以節取者比故吟咏雖工僅存其目以明彰瘡之義焉

涇詞別本十七卷附錄四卷 兩江總督採進本

明崔銑撰銑有讀易餘言已著錄是集原本為趙王所刊僅十二卷編年排次而不分體此本乃嘉靖甲寅池州知府周鎬命貴池教諭范滌所重編始區別體裁以類彙次而其文則無所增損焉



甘泉集三十二卷 廣東巡撫採進本

明湛若水撰若水有二禮經傳測已著錄據若水門人洪垣所記其集本四十八冊刊以行世者十五冊此本凡

標語一卷新論一卷雅語一卷二業合一訓一卷大科訓規一卷書一卷新泉問辨錄一卷新泉問辨續錄一卷

問疑錄一卷問疑續錄一卷金陵問答一卷金臺問答一卷書問二卷古樂經傳或問一卷序記章疏三卷講章

一卷雜著一卷約言一卷語錄一卷揚子折衷略一卷非老子略一卷詩二卷歸來紀行略一卷嶽游紀行略一

卷祭文碑銘二卷外集一卷蓋語錄居十之九詩文其餘贅耳

梅國集四十一卷 浙江孫仰曾家藏本

明劉節撰節有春秋列傳已著錄是集凡詩十二卷附以詩餘雜文二十九卷考節所贖廣文選採摭博而門

目瑣碎體例冗雜頗有貪多務得之失其所自作亦惟取明白條暢盡所欲言往往下筆不能自休故不免稍傷

於蔓衍

寶制堂錄二卷 江西巡撫採進本

明劉節撰是集乃節官副都御史時其子魯掇拾雜橐而成前有林庭樞呂柟方豪三序皆題曰寶制堂私錄

以明非節所自編此本標題乃皆作寶制堂錄蓋其曾孫一翼等重刻所改也然節之著作備於梅國集中此

未全之本也

石川集四卷附集一卷 浙江巡撫採進本

明殷雲霄撰雲霄字近夫壽張人宏治乙丑進士官至南京工科給事中嘗疏論武宗納有娠女子馬嬖事以

峭直稱明史文苑傳附載鄭善夫傳中是集分二種又各分詩文為二卷曰瀛洲集者官靖江知縣時作曰芝

田集者官青田知縣時作附一卷曰金陵囊者則官南京時作也史稱雲霄嘗作菴艾堂聚書數千卷以作者

自命多與孫一元唱和詩派亦與相近然大抵才情富贍而骨格未堅

孟有涯集十七卷

浙江孫仰曾家藏本

明孟洋撰洋字望之一字有涯信陽人宏治乙丑進士官至監察御史以論張璉桂萼下獄謫桂林府教授移知汝上縣終南京大理寺卿是集詩十三卷文四卷洋娶於何氏故其詩格多效何景明而才則不逮景明之

沒洋誌其墓其文亦不甚工

五巖集九卷附錄一卷

兩江總督孫進本

明周廣撰廣有江西通志已著錄所著詩文自釋褐以前曰初稟官縣令時曰鳴琴稟御史時曰排雲稟謫懷遠時曰啖荔稟官建昌時曰量移稟曰乞骸稟謫竹寨時曰沉芷稟官江西時曰攬轡稟曰閱江稟視學福建時曰外臺稟官巡撫時曰內臺稟官刑部時曰邦禁稟篇旻甚富後其子甸同邑周鳳鳴簡汰編次定為此集凡詩六卷文三卷卷中仍註原集諸名附錄一卷則誌狀之屬也廣在正德中疏攻錢寧直聲動海內而文名不甚著故歸有光序止著其生平大節而不論其詩文之工拙云

倪小野集二十二卷

江蘇巡撫孫進本

明倪宗正撰宗正字本端餘姚人宏治乙丑進士官兵部武選司員外郎時嘗以言事廷杖後終於南雄府知府嘉靖中賜祭葬贈學士諡文忠所著有豐富集突兀稟觀海集太倉稟晚年復有小野集十六卷此本二十二卷蓋國朝康熙中其七世孫健宗彙輯重刻而題以最後之名者也謝遷豐富集序述李東陽之言謂明之詩文至宗正而集大成未免推之已甚宗正嘗有詩云偶入棠陵眼難齊少谷肩棠陵方彙別號少谷鄭善夫別號也可謂自知之審矣

治齋集十七卷

浙江孫仰曾家藏本

明萬鏜撰鏜字仕鳴進賢人宏治乙丑進士官至吏部尚書事蹟附見明史李默傳是編凡奏議十卷分順天南京南臺勦夷北兵吏部辭謝稱賀八集文集四卷詩詞三卷每集冠以自序而其文一字不易蓋其後人印行之

時分冠每集之首而忘其合而編之遂致複出也史載鏗為南京都御史時以星變上言八事除名頗著丰采後為嚴嵩汲引起為副都御史征湖廣贛爾山蠻勦撫失立暫平復叛委罪於偏裨以解及居吏部委曲以順嵩尸為趙文華斥擠罷官則是集所載奏議未必盡為可據詩文則更其餘事矣

南原集七卷 江蘇周周增家藏本

明王韋撰韋字欽佩上元人宏治乙丑進士官至太僕寺少卿明史文苑傳附見顧璘傳中韋與璘及朱應登陳沂相友善時有朱顧陳王之目朱顧皆羽翼北地共立壇壝而韋與陳沂獨心懲勦襲之非願欲自出手眼閣試春陰一篇當時至謂有神助然所作多尚樸麗亦未能突過李何是編璘所選定凡詩三卷文四卷前有璘所作小傳一篇

西樵遺業八卷 浙江巡撫探進本

明方獻夫撰獻夫有周易傳義約說已著錄是集名曰西樵以早年讀書西樵山也獻夫緣禮驟貴故開卷即冠所上大禮疏明史本傳謂其雖執大政氣厭厭不振入閣之初攻者四起故集中多引疾求退之章無所謂嘉言碩畫云

行遠集行遠外集 皇無卷數內附錄本

明陸深撰深有南巡錄已著錄其文集續集刻於嘉靖中此集則崇禎庚午其曾孫休寧縣知縣起龍所編前有起龍述言一篇稱深隨地著述散見四方者逸不可購所鐫正續集一百五十卷有奇十不得五迄今模糊散佚又十之二三起龍瞻懷先澤多方搜購見輒筆之又積至二十餘卷以次校編又稱附以年譜重開生面云云今考此本所載皆文裕集所已收蓋其時舊刻散佚因掇拾所存重刻此版故稱蒐賈實則非續復於正續二集之外也所稱年譜今亦不存或裝緝偶漏或歲久版又佚缺歟

雪窗詩六卷 浙江汪汝璩家藏本

明吳爰撰爰字翼夫上海人本姓陸以父贅於吳故冒其姓本名瓌後去玉旁名爰則不知其何故也是集爲其門人高介所編淺弱殊甚如謝定翁招聯句詩云舊雨不來新雨至繡衣寧豈布衣嫌寧豈二字殆不成語又附載其里人張衍評語如朱隱翁易齋詩曰庖犧王天下龍馬負河圖夏禹治水成元龜呈洛書卽密點其旁批於句下曰味易之深有此等語通集大抵此類殆故相侮弄耶

霞城集二十四卷

浙江江汝陳家藏本

明程誥撰誥字自邑歙縣人生平好遊所至山川都邑輒紀以詩卷帙雖多亦瑕瑜互見朱彝尊靜志居詩話云誥詩氣格專學空同第才情稍鈍色澤未鮮五言庶稱具體耳其論當矣

類彙十卷

江西巡撫採進本

明涂幾撰幾字守約又字孟規宜黃人以隱居著述稱然朱彝尊靜志居詩話謂幾嘗撰時事策十九篇上言孝廟大言不怍蓋非安於逸世者云云今觀其集亦不甚講經世之學也

士齋集三卷

兩淮鹽政採進本

明女子鄒賽貞撰賽貞當塗人贈監察御史謙之女翰林院編修漢韶之母也當時稱爲女士故自號曰士齋是集凡詩二卷雜文一卷其婿大學士費宏爲之序考明宏治中有御史鄒魯謫官蕭山令以私憾害何舜賓其子競結客復仇毆魯幾死遣官鞠實競與魯皆抵罪見於明史孝義傳今以賽貞所作其父謙行狀證之則賽貞卽魯之妹也

丹巖集十卷

浙江孫仰曾家藏本

明黃雲撰雲字應龍丹巖其別號也崑山人宏治中以歲貢授瑞州訓導是集凡詩四卷文六卷其門人巡按御史高安朱實昌所編中多與沈周文徵明諸人往來題咏之作

東壁遺藁二卷

浙江孫仰曾家藏本

明蔣燾撰燾字仰仁長洲人徐有貞之外孫也九歲能究經史百家言十一歲補郡學生十七歲而卒祝允明爲作遺文後序載其死爲丹臺記事甚怪燾外舅程遵爲作墓誌墓碣集序乃無一語及之允明故好奇所作野記志怪諸書宋孟震河上楮談稱其百無一信則所述燾事殆影附李賀小傳爲之未必有據矣是編乃燾深之後遵所編次凡論十五篇策五篇表四篇皆其揣摩科舉之文大抵才氣溢發有蘇氏父子遺意而神鋒太厲義蘊未深則天限其年學尚未足副之也遵序稱燾在時嘗題其文曰東壁錄故因其志題曰東壁遺彙云

尋樂堂集十一卷

江西巡撫  
抹蓮木

明王烈撰烈字正邦樂安人尋樂其別號也成化宏治間諸生是集文五卷詩六卷末附其族孫徵江府經歷素節所撰行實一篇載其論文論經史之語蓋志大而學則未廣者也

康谷子集六卷

湖南巡撫  
採蓮本

明劉養微撰養微字敬伯廣濟人是集前三卷爲樂府及詩四卷則其說鈴及自譜四則其詩宗李夢陽而才力薄弱頗窘於邊幅其說鈴內極推夢陽謂古色過於子美未免爲偏好之言五卷以下附其弟養言詩文及其遠祖天行文煥等傳又附劉秉鈞石浪詩鈔劉醇駿盟鷗集劉鳴化味閒軒遺彙數種皆寥寥數篇姑備劉氏一家之書而已

句曲紀遊詩一卷

兩淮馬裕  
家藏本

明朱凱撰凱字堯民長洲人與同里朱存理齊名稱爲二朱先生所著有堯民集久已散佚故朱彝尊明詩綜不載其詩但附其名於存理之下且云有句曲紀遊一卷亦不傳此本乃馬裕家所藏末有馬人伯跋謂崇禎己巳仲秋暮錄成宏諸先哲詩因凱度先生談及借得此本鈔於雙橋齋中云云則明末尙有傳本彝尊偶未見耳編中古體八首近體十七首乃正德丁卯三月十三日凱與東陽沈用之沈宏承兄弟同遊三茅山而作前有凱自序末有凱友吳奕跋

謙光堂詩集八卷 兩廣總督 探進本

明文城王朱瀚針撰編針號秋江翁唐莊王芝陞太子初封文城王後以子宇溫嗣封唐王彌針亦追封唐王諡

曰恭明史附見唐王極傳稱其有學行孝友篤至是集諸體詩凡八卷而賦物居其大半詠梅一韻至百首頗見

才氣而骨格尙未成就集爲正德戊寅彌針所自編卷首有嘉靖辛丑思誠子序思誠子即宇溫自號也親藩尊

貴筆札例不署名然字序文集則又不當拘此格此亦於禮未協者矣

省愆彙五卷 江西巡撫 採進本

明劉魁撰魁字煥吾泰和人正德丁卯舉人官至工部員外郎嘉靖初疏諫雷壇工作太急忤旨廷杖與楊爵周

怡同長繫鎮撫司獄久之釋歸而卒隆慶初贈太常寺少卿事蹟具明史本傳所著有晴川集仁恩錄今皆不傳

此編乃其詩集其六世族孫承琦所編與黃淮省愆集同名蓋亦獄中作也魁少從王守仁游講良知之學登朝

以氣節著吟咏非所注意大抵皆一時遭輿之作而已

禺山文集一卷詩集四卷 江蘇巡撫 採進本

明張含撰含字愈光永昌衛人正德丁卯舉人其學出於李夢陽又與楊慎最契故詩文皆慎所評定慎序有曰

張子自少不喜爲時文舉子語見宋人厭棄之猶賦也其爲文必弓左字必蒼雅其推挹甚至然其病正坐於此

故鑿積字句而乏鏗鏘運化之功明人別有雕鏤堆砌一派合其先聲歟蓋慎在雲南無可共語得一好奇之士

遂爲空谷足音不覺集之過當且慎名既重聞者咸推波助瀾而贗古之文又足以駭俗曰舍遂盛爲文士所

稱實則塗飾之學與其師同一病源各現變證也

涇野集三十六卷 浙江巡撫 採進本

明呂梅撰梅有周易說翼已著錄其集初刻於西安既而佚闕其門人徐紳吳遵陶欽重爲刪補編次刻於真定此本卽真定刻也梅之學出薛敬之敬之之學出於薛瑄授受有源故大旨不失醇正然頗刻意於字句好

以詰屈奧澀爲高古往往離奇不常掩抑不盡貌似周秦閨子書其亦漸漬於空同之說者歟

矯亭存彙十八卷續彙八卷兩淮馬裕家藏本

明方鵬撰鵬有續觀感錄已著錄是集詩文多應酬之作所載筆記亦無所發明

韓五泉詩集四卷附錄二卷浙江汪汝璠家藏本

明韓邦靖撰邦靖有朝邑縣志已著錄是集乃其兄邦奇所編以誌傳二卷附錄於後邦靖兄弟負重名時有

關中二韓之目而詩則不出當日之風氣王九思云五泉子七言絕句詩絕類少陵古歌詞浸淫唐初逼漢魏

矣標榜之詞未免溢美朱彝尊靜志居詩話曰五泉心摹手追乃在大復比於西原南冷不足方之孟有渥李

嵩清似勝一籌斯爲平允之論矣

烏鼠山人集二十九卷兩淮馬裕家藏本

明胡纘宗撰纘宗有安慶府志已著錄是編凡正德集四卷嘉靖集七卷烏鼠山人小集十六卷後集二卷其

詩激昂悲壯頗近秦聲無斌媚之態是其所長多粗厲之音是其所短

擬汪翁擬古樂府二卷陝西巡撫採進本

明胡纘宗撰纘宗游李東陽之門乃取東陽古樂府二卷以次屬和立題指事率由東陽之舊亦間有所釐正

凡一百八首太康張光孝爲之評而其弟統宗爲之註

擬漢樂府八卷陝西巡撫採進本

明胡纘宗撰一名與上集以其多成之興上也漢樂府多聲詞合寫不能復辨沈約宋書言已甚明纘宗乃揣

摩題意爲之殊類於刻舟求劍況唐人歌詩之法宋人不傳惟小秦王一調勉強歌之尙須雜以虛聲乃能入律

宋人歌詞之法元人亦不傳白石道人歌曲自度諸腔所注節拍今皆不省爲何等事矣纘宗乃於千年以外求

漢樂府之音節不愈難而愈遠乎

寔谷集十二卷

兩淮馬裕家藏本

明戴冠撰案明有兩戴冠其一長洲人有禮記集說辨疑已著錄此戴冠字仲鵬信陽人正德戊辰進士官至山東提學副使事蹟具明史本傳或混為一人非也冠受業於鄉人何景明詩亦似之然景明詩雖風姿俊逸而醜醜猶深冠才學皆遜於師而徒守其格調殆所謂時女步春終傷婉弱者矣

少岷拾存彙四卷附司徒大事記一卷

兩廣總督採進本

明曾瑛撰瑛字東玉瀘州人正德戊辰進士官至建昌府知府宸濠之叛瑛率屬引兵從王守仁破賊收復南康集中有平江凱歌卽記是事也瑛號少岷山人其集本曰少岷存彙此本乃隆慶辛未南京工部主事章懋所選定故曰拾存後載司徒大事記一卷自裁冗食至重清政凡十條皆陳當世時務題曰戶部江西司郎中臣曾瑛修蓋奏進之書附刻集末者也

毛襄懋集十八卷

江西巡撫採進本

明毛伯溫撰伯溫有奏議已著錄此本凡詩十卷文八卷文格頗疎曠詩則所造不深詞多淺易蓋伯溫北拒蒙古南服交南以功名自見於世文章非所專嘗重承欽序稱正德開李何首倡雅頌復振嗣響有唐伯溫亦其一乃自尊其師之詞非公論也

東塘詩集十卷

浙江范懋柱家天一閣藏本

明毛伯溫撰是集為伯溫所自編後併入全集此乃其初出別行之本

歐陽泰簡集二十二卷

浙江巡撫採進本

明歐陽鐸撰鐸字崇道秦和人正德戊辰進士官至吏部右侍郎諡恭簡事蹟具明史本傳史稱鐸清介自持內行修飭嘗知延平或淫祠百十所以其材甚學宮壇廟今考集中延平改建山川壇記具載其事與史相符集中又有上嚴嵩書然祇敘進樂遇而無一字及其相業猶異於稱功頌德之流其文娟秀自喜而邊幅頗狹詩



欽定四庫全書總目卷一百七十六

多近體又遜於支

東俞集十四卷 浙江汪汝璩家藏本

明錢琦撰琦有錢子湖語已著錄是集為其子菁蕤等所編其文如申請設縣事宜以及論禦寇勸捕蝗諸作

皆能關心世務詩則氣味和粹而警策者稀陸師道稱其七言絕句云江北淦南數日程蕭蕭落木送秋聲夕

陽滿地鳥飛絕人在亂山堆裏行頗亦瀟灑有致然集中似此者正不多觀也

峯溪集五卷外集一卷 浙江孫仰曾家藏本

明孫璽撰璽字朝信平湖人正德戊辰進士官至山西按察司僉事是集乃其子刑部尚書植所編璽先世居

松江之華亭南有九峯東有盛溪自號曰峯溪道人併以名集卷一至卷四為詩多往來漢晉道中遊覽之作

卷五為文不過試策書啟之類外集則其在揚州時所頒條令也

榮陵集八卷 浙江汪汝璩家藏本

明方豪撰豪有斷碑集已著錄是集前六卷為文後二卷為詩豪與鄭善夫友善集中有祭鄭繼之文敘交情極

為篤摯而詩則不及善夫遠甚

鍾筠溪家藏集三十卷 浙江范懋柱家天一閣藏本

明鍾芳撰芳有春秋集要已著錄瓊州府志載芳詩文集二十卷此集文二十四卷詩六卷與志不符蓋志誤三

為二也第二十卷第二十一卷為讀書札記第二十二卷為皇極經世圖續所推起宋神宗迄明嘉靖第二十三

卷為雜著第二十四卷為夷情要覽蓋皆各自為書者附編於文集中云

丁吏部文選八卷 江蘇巡撫採進本

明丁奉撰奉字獻之常熟人正德戊辰進士官至南京吏部郎中著有南湖留棹南湖逸槩此集則宣城梅守

箕合二彙處輒者也凡詩四卷文四卷而詩末附以史贊文末又附詩三首體例頗為叢雜詩文皆未成家史

論二卷亦大半陳因之語

漁石集四卷 兩淮鹽政採進本

明唐龍撰龍有易經大旨已著錄龍歎歷中外所著有黔南集江右集關中集晉陽集淮陽集陝西提學僉事王維賢為合而刻之以成此集其文頗具浩瀚之氣詩尤長於五言然集中自朱彝尊詩話所摘數聯以外亦復罕逢佳句矣

涂水集八卷 浙江朱彝尊家藏書亭藏本

明寇天敘撰天敘字子惇榆次人正德戊辰進士官至兵部侍郎事蹟具明史本傳是集凡詩文三卷巡撫陝西時奏疏五卷天敘為應天府丞時值武宗南征宸濠力抗權倖以風節著後巡撫甘肅又屢以戰功顯詞采則非所擅長故郭壘序亦稱其平日未嘗肆志於文章云

東廓集十二卷 江西巡撫採進本

明鄒守益撰守益字謙之安福人正德辛未進士官至南京國子監祭酒隆慶初追諡文莊事蹟具明史儒林傳守益傳王守仁之學詩文皆闡發心性之語其門人陳辰始編錄所作為東廓初藁東廓山名守益講學處也諸門人又梓其切要者一百二十四篇名曰摘彙而晚年著述則未之備是編為嘉靖中所刊題建寧府知府劉佃彙選同知董燧編次通判黃文明掄集又題門人周怡宋儀望邵廉續編孫德澍等十八人重輯錯互顛舛莫知竟出誰手也史稱世宗欲去與獻帝本生之稱守益疏諫下獄拷掠嘉靖二十九年九廟災守益疏陳上下交修之道又忤旨落職其疏具載本傳今集中乃不載考千頃堂書目此集之外尚有東廓遺藁十三卷今未見其本或別收於遺藁中歟

陽峰家藏集三十五卷 浙江孫仰曾家藏本

明張鑾撰鑾字崇象石首人正德辛未進士官至禮部尚書東閣大學士諡文簡是集為鑾居內閣時所自編首

以經筵講章及議典禮之文次為應制諸詩及誥敕賦頌表疏次為古今體詩及雜文壁當夏言嚴嵩相持之時入閣不及一年而卒明史不為立傳其人蓋無所短長者今觀其詩文殆亦如其為人焉

蒲菴遺案十卷

江蘇巡撫採進本

明柴奇撰奇字德美崑山人正德辛未進士官至應天府尹奇在正德時諫南巡劾權倖及上邊儲屯政諸疏頗著直聲以當時自焚其草故集中不載是編前有正德辛巳題識稱舊有石池詩彙石池文彙嘉樹軒紀聞各一冊己卯轉南光祿失之重置一冊錄後來之作時有所憶或就人錄得亦錯置其間云云蓋猶奇所手編也凡詩六卷雜文四卷皆平易有餘精深不足鄒守益序稱其詩文典雅雄健不落軌骸不矜刻峭友朋推挹之詞耳

吳峯集十二卷附錄一卷

兩淮鹽政採進本

明尹襄撰襄字舜弼號吳峯永新人正德辛未進士官至司經局洗馬是集凡詩五卷文七卷後有其子祖懋題識謂原集十卷刻於閩中繼復收贖得十二卷其文持論頗純正而波瀾結構則未造古人

平田詩集二卷

陝西巡撫採進本

明管楫撰楫字汝濟號平田又號竹木山人咸寧人正德辛未進士官至右副都御史巡撫山東因與嚴嵩相忤辭疾家居二十年文徵明嘗書平田草堂杜曲山房二圖竝詩贈之重其人也此集前有張治道序稱驪邑令刻諸縣齋楮不知也又有楫自序稱再閱舊棄又刪其十之三然其本今皆不傳故宋彝尊作明詩綜不列其名此本乃乾隆初其裔孫錫綬所輯其詩頗沿七子之派蓋楫與薛蕙何景明高叔嗣諸人相倡和漸染而然也

費文通集選要六卷

江蘇巡撫採進本

明費采撰采有廣信府志己著錄所著文名鍾石集本二十四卷此本乃劉同升許穀所選與其兄宏詩文合刻之本也

東嶽詩集八卷

浙江巡撫採進本

明夏尚樸撰尚樸有東巖文集已著錄此編乃其詩集多步理語近白沙定山流派集中讀擊壤集絕句云開中風月吟邊見始信堯夫是我師其宗法可知也

古菴文集十卷

兩江總督採進本

明毛憲撰憲有諫垣奏草已著錄是集乃其子所編凡文八卷詩二卷憲居言路以類直稱故所作頗有剛勁之氣以耳疾謝歸後與王守仁湛若水諸人講學繩墨自守務爲篤實故亦不恣意高談然以文章而論則於是事非常家也

蓉川集七卷

兩江總督採進本

明齊之鸞撰之鸞字瑞卿桐城人正德辛未進士官至河南按察使事蹟具明史本傳是集爲其會孫山所編凡五種一曰南征紀行爲其從征辰濠時所作雜詩後附賦一首一曰悠然亭雜詩爲其官南京時作後附記序三首一曰開堰集爲其在安慶時所作一曰歷官疏草皆其奏議起止德九年訖嘉靖八年每種爲一卷一曰入夏錄析爲三卷乃其僉事寧夏時作前二卷皆詩後一卷則雜文別以汪元錫等贈言附於末而總冠以小傳行狀年譜後有山跋語稱閒遊市閭得遺藁數篇已而徧歷茶坊藥肆恣意搜輯編次成帙因康熙己未詔修明史徵取入夏錄送官遂哀而付諸剞劂蓋之鸞位雖不顯然在正嘉之間卓卓稱名臣故史館徵其著作以備採擇今觀其奏疏詞多剴切猶可想見風采詩則非所擅長也

節愛汪府君詩集二卷

浙江范懋柱家天一閣藏本

明汪文盛撰文盛字希周崇陽人正德辛未進士除德州推官入爲兵部武選司主事諫南巡廷杖嘉靖初出知福州歷官按察使以僉都御史巡撫雲南進大理卿事蹟附見明史毛伯溫傳伯溫之官安南也文盛功居多顧不得優敘論者惜之其知福州也有惠政郡人爲立節愛祠故傳海舟編次其詩即以名集詩多虛響不出北地信陽門徑朱彝尊明詩綜所選萬年枝上露清華一首題曰西苑今考此集實爲擬古八首之一不知

欽定四庫全書總目卷一百七十六

集部

別集類存目三

七

彝尊何以改其原題其偶誤也歟

後齋遺藁二卷

浙江江波  
璩家藏本

明陳憲撰憲字伯度後齋其號也徐千人正德辛未進士官至貴州布政使司參議是集公餘紀拙一卷粵江  
行藁一卷乃憲之子鄧縣丞照所編首有鄆縣人戴鰲序謂其得鄉先哲胡居仁之傳故詩多理語鮮風人之致  
云蓋當時本以理學推之也

桃谷遺藁一卷

兩淮馬裕  
家藏本

明陸倕撰倕字天爵吳縣人正德辛未進士官刑部時嘗以諫南巡廷杖後終於寶慶府知府其詩多應酬牽率  
之作而時露風格岳岱今雨瑤華謂其晚就操觚靈心夙構頽悟居多蓋天姿高而學力未至者也

漸齋詩草二卷

浙江巡撫  
採進本

明趙漢撰漢字鴻達平湖人正德辛未進士官至山西布政司參政是集刻於嘉靖乙卯詩學江西於爾時為別  
調然風格雖異與象未深究不能獨絕一時也

襄欽集四卷

浙江仙居  
淑家藏本

明王以旂撰以旂有漕河奏議已著錄是集為其子籥所編凡詩二卷文一卷以旂治河按邊皆以功見而詞章  
不著於當時此集所有大抵皆應酬作也

琴溪集八卷

兩淮鹽政  
採進本

明陳震撰震字原大常熟人正德辛未進士官至南京國子監祭酒震與桂萼為同年官翰林時乃力斥萼議  
大禮之非坐是移南京旋告歸其人足重詩文則皆不入格

八匡集十三卷

浙江巡撫  
採進本

明周廷用撰廷用字子賢華谷人正德辛未進士官至江西按察使是集賦一卷詩六卷文二卷後附緒論四

卷則其訓飭士民之說顧璘國寶新編以廷用為殿其贊云按察人豪闊視放言文藻性成早垂鉅篇然廷用自以耿直傳不必以文藻著也

常評事集一卷

山西巡撫  
揀進本

明常倫撰倫字明卿號樓居子沁水人正德辛未進士除大理寺評事謫壽州州判遷知寧光州負才凌傲屢為忌者所中後因跨馬疾馳馬渴赴飲墮水死年僅三十有四是集賦五首樂府二十一首各體詩百餘首傳贊等雜著數篇附之王世貞謂其詩如沙苑兒駒驕嘶自賞未諧步驟陳子龍則謂其氣骨高朗頗能自運今觀是編合二人之論乃為定評 國朝王士禛分甘餘話云明詩人有早慧而年不得四十者如陳后岡董中峯與明卿之屬汗血方新而筋骨未就秀而不實殊可惜也

鷗汀長古集二卷前集二卷別集二卷續集一卷漁嘯集二卷頌詩一卷

直隸總督  
揀進本

明頓銳撰銳字叔養涿州人正德辛未進士官代府右長史銳少負詩名當時稱涿郡有才一石銳得其八斗晚年卜居懷玉山吟咏自適其五言古詩氣韻清拔頗為入格七言古詩跌宕自喜而少翦裁近體專尚音節數篇以外意境多同蓋變化之功猶未至也

杏東集十卷

浙江孫仰  
曾家藏本

明郭維藩撰維藩字价夫正德辛未進士官至太常寺少卿兼翰林院侍讀學士掌院事是集詩文各五卷皆乏深澁之思其門人河南巡撫蔡汝柎序稱所著經筵南雍二藁俱不可見此集已非完書由維藩存日無意傳其詞章蓋亦道其實也

海涯集十卷

浙江汪汝  
球家藏本

明顧磐撰磐字子安南直隸通州人正德癸酉舉人是集詩四卷詩餘附為文六卷集中如考正鄉賢祠典以及水利馬政諸作於鄉邑利病亦頗為詳核然大致以流利為主故不為詰屈亦不造精深

參見四庫全書總目卷一百七十六

南湖詩集四卷 浙江汪汝璠家藏本

明張綖撰綖有杜詩通已著錄是集詩多豔體頗涉佻薄殆玉臺香奩之末流每卷皆附詞數闕考綖嘗作填詞

圖譜蓋刻意於倚聲者宜其詩皆如詞矣

古山集四卷 江西鄒編採進本

明桂華撰華字子樸安仁人正德癸酉舉人大學士夢之兄也嘗從胡居仁門人張正游故所學頗為醇正詩文

則尙未成家

涓屋文集十卷 江蘇巡撫採進本

明霍韜撰韜有明良集已著錄是編為其子與珩與琦所編皆所作雜文惟七卷有詩數十首韜性強執認辰不

顧是非議尊輿獻為皇考則斥司馬光不知忠孝不當從祀孔廟議合祀天地則竝詆及周禮可謂無忌憚者其

他文亦皆爭辨迫急異乎有德之言前有倫以諒金立敬二序譽之甚力蓋一其鄉曲一其年家子也

西原遺書二卷 直隸總督採進本

明薛蕙撰蕙有約言已著錄是編乃戶部侍郎南充王廷所輯嘉靖癸亥刻於揚州皆其與人講學往復書札也

其闡中庸中和之說孟子性善之旨研析頗至惟推崇釋道太甚如云空寂者即吾未發之本心定慧者即古聖

人之誠明又云禪學不惟賢於後世之仙學雖吾後儒之學亦非其倫又於論黃庭大洞諸經俱自謂得其要妙

皆不免參雜二氏未能粹然一出於正蕙本詩人考功一集馳驟於何景明徐禎卿高叔嗣閒竝驚爭先原足以

自傳不朽乃求名不已晚年忽遁而講學所講之學又踳駁如是反貽嗤點於後來蛇本無足子為之足其蕙

之謂乎

谿田文集十一卷補遺一卷 兩江總督採進本

明馬理撰理有周易贊義已著錄是集凡文六卷詩五卷補遺一卷則有文無詩理少從王恕游務為篤實之

學故所詰諸經亦多所闡發惟其文喜摹尙書似夏侯湛昆弟誥之體遺詞字句塗飾刻其爲贗古視李夢陽又甚焉明史歸林傳載楊一清督學關中見理及呂柟康海文大奇之曰康生之文章馬生呂生之經術皆天下士也則一清難賞識之已不以文章許理與柟矣史又稱理名震都下高麗使者慕之錄其文以去蓋亦以其人重之耳

顧山私囊十卷 副都御史黃登賢家藏本

明吳仕撰仕字克學號頤山宜興人正德甲戌進士官至四川布政司參政是編凡詩三卷文七卷皆意境平

淺不耐尋釋

南冷集十二卷 兩江總督探進本

明蔣山卿撰山卿字子雲千頃堂書目作字仙卿傳寫誤也儀真人正德甲戌進士官至廣西布政司參政是集爲山卿所自訂其門人喬佑校刻前有自序云弱冠見東吳顧吏部寶應朱戶曹教以讀漢魏晉宋唐人之詩年二十九舉進士好與同年亳州薛子蕙研攻古作是時信陽何子景明與薛鄰嘗聞其緒論焉其學詩大旨已盡於此顧璘序稱其下筆千言才情煥發朋輩每爲斂手而王世貞又以不堪咀嚼少之持論互異今觀其集正韓愈所謂無好無惡之詩耳

函山集十卷 山東巡撫探進本

明劉天民撰天民字希尹號函山歷城人正德甲戌進士除戶部主事諫武宗南征廷杖改禮部諫大禮復廷杖遷吏部郎中出知壽州歷官按察司副使朱彝尊詩話稱天民晚以計吏罷憤懣不平恒逃於詞曲而顧璘序則稱其內境春融神遊太古無芥蒂於得失今觀其集中如擬宮詞五十首古別宿楚相祠等作尙可謂怨而不怒者特其摹仿太多不能卓然自成一家耳所著本有蟲吟草閒集刺壽臺遊蜀稟田閒集諸目其孫亮采彙而刻之共爲此集云



高濂集一百卷 浙江汪汝 孫家藏本

明李濂撰濂有祥符先賢傳已著錄明史文苑傳載濂少年嘗作理情賦其友左國瓊持以示李夢陽夢陽大嗟賞訪之吹臺濂自此聲馳河洛間既罷歸益肆力於學遂以古文名於時又稱濂初受知夢陽後不屑附和

此集詩三十八卷文六十二卷乃濂所自訂皆於七子之外挺然自為一格大抵筆鋒踴厲泉湧馳而裁翦尙疎不免才多之患濂跋石瑋熊峯集謂詩文傳世豈貴於多其說良是而自定己作乃不能盡窮榛楛信乎

割愛之難也

觀政集一卷 浙江范懋柱家 天一閣藏本

明李濂撰濂是集乃其正德乙亥在京觀政時所作故以為名凡賦二篇各體詩二百五十四首雜著八篇考

濂為正德甲戌進士乙亥為登第之次年猶少作也

洞陽詩集二十卷 浙江汪汝 孫家藏本

明顧可久撰可久字與新無錫人正德甲戌進士官至廣東按察司副使是編標曰洞陽詩集而子曰俱題曰

在湖集考千頃堂書目可久有在署草八卷在苑草二卷溫陵集六卷虔州草一卷珠崖草一卷在湖集十九

卷無洞陽集之名蓋總彙諸集名曰洞陽而仍各自為書也此集凡二十卷首尾完具而黃虞稷作十九卷豈

所見之本偶未全歟其詩古體頗散漫律體多乏堅老七言絕句尤學質樸而不成

人瑞翁集一卷 浙江巡撫 採進本

明林春澤撰春澤字德敷侯官人正德甲戌進士官至平番府知府年百有四歲有司為建人瑞坊故以人瑞

翁名其集原本十二卷今未見傳本此本其曾孫慎所重編也春澤少與鄭善夫游互相切磋故其詩頗有體

裁但乏深思厚力耳

谷平文集五卷 江西巡撫 採進本

明李中撰中字子庸吉水人正德甲戌進士官至總督南京糧儲都察院副都御史諡莊介事蹟具明史本傳是集爲其門人羅洪先所編其曰谷平者以其所居之里名之也凡疏二十有八月錄三百九十六書問三十有三詩文一百六十有五大抵講學者爲多

石居漫齋二卷

浙江汪汝璩家藏本

明陳器撰器字德器臨海人正德甲戌進士官至刑部郎中嘗得三奇石置之別業晨夕臨玩遂自號三石山人而其孫承翁編次遺藁亦遂名曰石居詞多淺易尙未成家

明水文集十四卷

兩江總督孫進本

明陳九川撰九川字惟濬號竹亭臨川人正德甲戌進士官太常寺博士時以直諫廷杖嘉瑞初爲禮部主客司郎中復以事謫戍放還居明水山遂易號明水初九川釋褐時告歸謁王守仁講無善無惡之旨遂稱弟子撫州爲姚江之學者自九川始是集乃其門人董君和所編凡文八卷大抵皆講學之語詩六卷小有韻教而不免薄弱

鹿原存藁九卷

浙江汪汝璩家藏本

明戴欽撰欽字時亮馬平人正德甲戌進士官至刑部郎中以諫大禮廷杖創重而卒其集刻於閩者八卷曰玉溪存藁刻於漢者二卷曰載秋官集此則其姪希顛所合輯凡文二卷詩七卷欽與何景明李濂薛蕙等同時友善所作頗刻意摹古然不越北地之餘派

黃洛邨集二卷

兩江總督孫進本

明黃宏編撰宏綱字正之鄆都人正德丙子舉人官至刑部主事是集乃其孫宏璞所刻止卷書翰多與鄒守益羅洪先聶豹輩講學之語蓋宏綱師事王守仁傳良知之說也下卷雜著及詩數十首則率皆應俗之作

雙江文集十四卷

江西巡撫孫進本

明孟豹撰豹有困辨錄已著錄是集乃其姪禮部郎中靜所編第一卷至第十一卷皆文第十二卷為詩第十三卷又為壽文雜著而註曰卽困辨錄疑靜所編本十二卷其後人又摭壽文及困辨錄附見其後也

東洲集二十卷續集十卷

江蘇巡撫採進本

明崔桐撰桐字來鳳海門人正德丁丑進士官至禮部右侍郎事蹟附見明史舒芬傳以與芬俱以疏諫南巡廷杖故也是集凡詩九卷詞一卷文十卷續集詩六卷文四卷江南通志所載卷帙與此相同于頃堂書目作東洲集三十卷續集十卷明史藝文志作東洲集四十卷疑黃虞稷誤二十為三十明志據虞稷之目合而計之共為四十卷也

東麓集十卷

兩淮鹽政採進本

明汪佃撰佃字友之弋陽人正德丁丑進士官至翰林院編修後出為建寧府通判其集無大疵累亦無所見長

青湖文集十四卷

浙江巡撫採進本

明汪應軫撰應軫字子宿浙江山陰人正德丁丑進士官至江西提學僉事事蹟具明史本傳是集為其子廷良所編前七卷為文後七卷為詩應軫有吏才兼以氣節著史稱其在戶科歲餘所上凡三千餘疏皆切時弊今觀集中諸奏牘多侃直之言頗見風采詩文則率皆樸實猶守成宏之舊格

紫峯集十三卷

福建巡撫採進本

明陳琛撰琛有易經淺說已著錄是集詩五卷文七卷正學編一卷末以年譜附焉初刻於嘉靖中此其裔孫所重刻也明史儒林傳附見蔡清傳末稱琛杜門獨學清見其文異之曰吾得友此人足矣琛因介友人以見清云云今觀其詩皆濂洛風雅一派其文亦類語錄講義蓋其淵源如是云

青蘿文集二十卷

兩江總督採進本

明王漸遠撰漸遠字用儀號青蘿子番禺人正德丁丑進士官刑部主事家居十餘年以薦起官言事不報復乞

歸是集文八卷首載陳愚見以禪聖化乞創立以存根本兩疏卽其復起時所上詩分北遊大隱羅浮靈洲中洞  
樾森雙魚深明洛澄越山白雲蘿山十二稟彙爲一卷其鐵橋一絕朱彝尊詩話謂其追蹤唐許碁閣苑花廟之  
作然沙中金屑正復不能多觀也

西元集八卷

浙江汪汝璣家藏本

明馬汝驥撰汝驥字仲房綏德人正德丁丑進士改庶吉士以諫南巡廷杖出爲澤州知州世宗立召選授編修  
官至禮部右侍郎諡文簡事蹟附見明史舒芬傳是集古體二卷今體六卷蔣一葵云仲房詩有沈理而無元韻  
黃青甫謂其詩整鍊似法顏謝險仗森然求之聲律未造其深亦不失爲高流蓋汝驥刻意錙銖務求典實其長  
短皆在於是也

戴中丞遺集八卷

兩江總督採進本

明戴賢撰賢字時重或作時量字之壽也號東石郵縣人正德丁丑進士官至四川巡撫是集千頃堂書目作東  
石遺彙凡詩四卷雜文五卷其子士充所編張時微序謂其負恢廓之才不屑屑爭雄鉛槧或有句請輒伸紙  
毫應之故集中諸作多傷率易獨鄧水利三教及海防策以情形目擊言之較爲確鑿云

筆峯存彙五卷

福建巡撫採進本

明王鳳靈撰鳳靈字應時莆田人筆峯其自號也正德丁丑進士官至廣西布政司參政鳳靈官刑曹時會疏論  
宦官張銳都督錢安大牌之不當贖及給事中陳洗顯罪之無可曲宥其言甚直朝議真能奪守淮時救災疏六  
十上卒以好激論天下事見忌罷歸死於倭難生平所著有淮陽彙纂及漫彙彙纂淨彙各二十卷旌皆散佚  
集乃其孫介所蒐輯至崇禎時版德元孫夢陽又重刊之凡文四卷賦詩一卷

桂洲集十八卷

江西巡撫採進本

明夏言撰言有南宮奏彙已著錄此集凡賦詩詞八卷文十卷首有年譜言未相時以詞曲擅名然集內詞亦未

甚工詩文宏整而平易猶明中葉之舊格

宋福州集六卷 浙江汪汝琛家藏本

明朱豹撰豹字子文上海人正德丁丑進士官至福州府知府是集為其子察卿及其友馮遷所編凡詩三卷

疏三卷詩學中唐以流麗清切為主

過庭私錄七卷外集一卷 江西巡撫採進本

明吳鼎撰鼎字維新號泉亭又自號支離子錢塘人正德丁丑進士官至廣西布政司參議是集其仲子過海所

錄故以過庭為名皆散體之文末附賦騷古詩數首外集則皆詩也文有整飾平雅者亦有微近俗調者金石文

字頗失翦裁有韻之文則更遜矣

半洲彙四卷 浙江孫仰會家藏本

明張經撰卷首題曰蔡經蓋其未復姓時所刊也經字廷彝侯官人正德丁丑進士官南京兵部尚書總督軍

務改左都御史為嚴嵩構陷坐以失律棄市後追諡襄愍事蹟具明史本傳是集第一卷為北寓彙乃經官御史

時所著次為南行彙為嘉興府知府時所著次為西征彙為大理寺卿奉命安輯關西時所著次為東巡彙巡撫

山東時所著詩多五七言近體頗摹唐調蓋正當太倉歷下初變風氣之時也

鄭思齋文集一卷 浙江范懋性家天一閣藏本

明鄭洛書撰洛書字啟範思齋其號也莆田人正德丁丑進士官至監察御史提督南直隸學政事蹟附見明史

解一貫傳是集前後無序跋不知誰所編次亦無目錄僅序九篇記三篇賦二篇寥寥不成卷帙又皆應酬之作

殆非完本

林次崖集十八卷 福建巡撫採進本

明林希元撰希元有易經存疑已著錄是集為其子有梧所編凡奏疏四卷書二卷揭帖附馬序三卷記碑共一

卷論說議共一卷雜著一卷詩表一卷傳行狀一卷祭文哀詞二卷詩二卷詞附馬希元之學宗其鄉人蔡清  
 故於明代諸儒惟推薛瑄胡居仁與王守仁同時而排其傳習錄最力雖與守仁門人李本同年相善而與本  
 之書亦不少假借其師其祭守仁文但推其功業而已無一字及其學問也至其氣質剛急銳於用世則類其  
 鄉人陳真晟故其為南京大理寺評事則忤江彬忤御史譚會忤大理寺卿陳琳坐請泗州州判及為大理寺  
 丞又請勦遼東叛兵坐謫欽州知州官廣東時值安南莫登庸篡國力請討之疏凡六上竟坐是中計典歸歸  
 後又以爭郡邑利病幾中危法其負氣喜任事蓋可想見其由泗州再入大理也蓋方獻夫霍韜薦之故與二  
 人頗相契集中與周石厓書亦自稱氣味與元厓相似又自稱大禮安南之議所見與元厓同元厓者朝別號  
 也然在泗州時張瓊桂萼欲授之同議大禮終謝不行則諸人固不足為希元累矣集中有與汪可亭書曰今  
 海內推大家者二人曰李崆峒何大復二子雖詞鑄意剽陳去新力挽頹風以邇之古似為一時文人也然考  
 其所得典謨已乎盤詰已乎余皆未能知也云云則非惟學問闕姚江即文章亦闕北地信陽故其詩文皆准  
 意所如務盡所欲言乃止往往俚語與雅詞相參儻句與散體閒用蓋其素志原不欲以是見長云

玩鹿亭彙八卷附錄一卷 浙江巡撫 浙江進本

明萬表撰表有海寇議已著錄萬氏世以勳績顯表獨才兼文武每與唐順之等講學禦倭亦有功績號為儒  
 將然其詩文氣格稍弱故終不能與一時文士角逐詞壇是集凡詩二卷文六卷末附錄贈答詩散及行狀墓  
 誌乃其子達甫所編其孫邦孚所刻達甫有皆非集邦孚有一枝軒彙皆能傳其家學云

少石集十三卷 南淮粵浙 家藏本

明陸欽撰欽有山東通志已著錄是集詩五卷文七卷雜著一卷前有張時微序稱其華不近浮質不近俚而  
 惜其志之未艾蓋具體而未成家者故序有微詞云

少華集四卷 浙江 浙江 粵 仰 會 家 藏 本

明詹澤撰泮字少華玉山人正德辛巳進士官至禮科給事中乞養歸泮嘗從魯游以講學自任其詩文亦別為一格是集乃其子長至長生所編雜文詩詞其三卷外錄一卷則首他人之贈言也

介塘文略一卷 浙江范懋柱家天一閣藏本

明王相撰相號介塘鄞縣人正德辛巳進士官翰林院編修嘉靖初以爭大禮廷杖卒事蹟附見明史王思傳是冊僅雜文十八篇且多酬贈之作所著歲月皆在嘉靖二三年蓋叢殘鈔本非其遺集文格頗傷於雕琢亦七子流派也

棟峯遺業二卷 浙江孫仰曾家藏本

明會梧撰梧字于易江西廣昌人正德辛巳進士官至常州府知府是集凡文一卷詩一卷文冠以應詔疏反復申明合祀天地之說蓋是事古今聚訟儒者各尊其所問不足異也初銜於嘉靖中後綴於火天啟辛酉其曾孫

邦泰又重刻焉

龍湖文集十五卷 浙江巡撫孫述本

明張治撰治字文邦茶陵人正德辛巳進士官至文淵閣大學士諡文隱改諡文毅萬歷初復改諡文肅是集凡文十卷詩五卷乃豐城雷禮與治壻彭宣所編刊版久漫漶雍正丙午宣之從曾孫思眷得舊刻校正屬其子維新重刊於浙江治明史無傳獻徵錄稱其臨事不阿以是失世宗旨及其卒也命與中諡隆慶改元始更諡焉然觀何喬遠所撰小傳不能舉其相業集中奏疏於時事亦罕指陳喬遠所稱為輔臣時默默不自得冀乘間爭諫殆亦曲解之詞歎歸有光薛應旂皆治所取士當時以議鑿稱而詩文則未能自為一家朱彝尊靜志居詩話嘗摘其夜過洞庭詩云曉發吳閶門夕渡廣陵汜日暮江帆遲洞庭三百里微風澹無波明月照天水隱隱見君山鐘聲羣微裏以吳地而混於楚且云文肅家茶陵與洞庭湖密邇豈得以君山屬吳耶今觀集中是詩曉發吳閶門作武昌門夕渡廣陵汜作黃陵汜洞庭三百里作八百里則固未嘗涉於吳地豈彝尊所見之本乃思眷序所

謂本雜淆或思眷重校因彝尊是語而改之歟

張水南集十一卷 江蘇巡撫採進本

明張袞撰袞字補之江陰人正德辛巳進士歷官至南京光祿寺卿是集凡詩二卷文九卷囊在諫垣頗多建白嘉靖中倭擾東南袞家居在危城中馳書政府條上禦倭五事蓋亦留心於經世者詞章則又當別論焉

張文忠集十九卷 浙江巡撫採進本

明張孚敬撰孚敬有論對錄已著錄是集凡奏疏八卷詩彙四卷續彙一卷文彙六卷孚敬以議禮得君故其著述強半皆考禮之詞不惟議興獻王禮而且議郊祀禮議孔廟禮不惟撰明倫大典而且撰禮記章句自謂有明一主持禮教之人其閒所論未必百無一當然穿鑿附會以遷就時局者比比然也

宏藝錄三十二卷 江蘇巡撫採進本

明邵經邦撰經邦字仲德仁和人正德辛巳進士官至刑部員外郎以論劾張孚敬下獄謫戍事蹟具明史本傳經邦以講學自任嘗採古今論學語發明其旨為宏道錄又刪撮諸史為宏簡錄所著詩文則別為此錄經邦自作誌銘所云三宏集成替開壟焉者是也考其自作小傳稱權稅荊州時哀所著為宏藝錄故卷首自序題嘉靖四年乙酉而集中所載併及於暮年絕筆則又後人續編非其手定之本矣經邦上武宗疏及中興保治日食建言諸疏皆慷慨激烈足以見其志節其他詩文則類皆抒寫胸臆不屑屑以研鍊為工卷首藝苑元機七十三條專明作詩之法以嚴羽詩有別才非關學之說為不然且謂清廟銷聲莫非至理所寓未可不謂之詩人惟狂於習俗謂與經生不同故往往粘皮帶骨觀其持論其宗旨槩可知也

羣玉樓集八卷 山西巡撫採進本

明李默撰默有建陽人物傳已著錄是集凡文五卷詩三卷乃其子太學生培所編康太和序稱其鑒意編詞不涉蹊徑然少傷於樸直原集刊於萬歷元年此本為其裔孫重刊然為趙文華借策題謗訕構陷下獄以死



有孝廉江宗者力爭之故卷末以江舉人上侍郎趙文華書附焉其事蓋史所未及也

桓山藥一卷

浙江巡撫採進本

明田頊撰頊字太素龍溪人正德辛巳進士官至貴州提學副使是集前半卷為雜文後半卷為詩七抵皆應酬之作文格頗淺弱惟詩頗爽朗蓋沿前七子之流波有意規撫唐人而模擬未見有述也

雙餘集十二卷

江蘇巡撫採進本

明朱統撰統有茂邊紀事已著錄是集九卷以前皆其在官時章疏公移十卷曰海道紀言其巡撫閩浙時所著詩文十一卷即茂邊紀事其整飭威茂兵備時所著平寇始末并詩數十首末卷曰永威錄則其先人行述

誌銘及諸人贈言也

李徵伯存彙十三卷

兩淮鹽政採進本

明李兆先撰兆先字徵伯茶陵人大學士東陽之子以廕為國子生年二十七而卒懷麓堂詩話載兆先論詩之語可云夙慧東陽所作兆先誌文亦悼惜特甚而沈周客座新聞乃載其父子相讓一事則狂縱無復人理雖晉人放達不至於斯平心而論始才舊而不修行檢譽之者有所粉飾毀之者亦有所附會耳是集凡詩賦雜文十一卷又東行彙一卷乃其自京師赴山東之作附錄一卷則東陽所為兆先誌及同時諸人慰問詩具在焉

董從吾彙一卷

浙江巡撫採進本

明董溪撰溪字復宗一字子壽號蘿石海鹽人明史儒林傳附載錢德洪傳末嘉靖甲申溪年六十八始遊會稽從王守仁講學或沮之溪曰吾從吾所好耳遂又自號從吾其集以詩與語錄雜文共為一編而附守仁和贈諸作大抵皆暮年談理之詞也卷末有其子敷跋稱尚有詩文若干卷未刻蓋講學以後轉以早年之作為不足存

云

晴泉詩存二卷附錄一卷浙江巡撫採進本

明李璋撰璋字政虹海鹽人是集前有正德四年璋自序稱取舊刻痛加刊削存十一並及近作為一卷雜著

詩餘為一卷易其名曰詩存此本為其十世孫鳳藻所刊上卷為古體下卷為近體附錄詩說五則而獨無詩餘

雜著據其九世孫孫繼祖後序蓋舊刊已佚此重刻者殘本耳卷末摘句三十四聯同時諸人和章及小傳墓誌

銘皆鳳藻所續也續祖跋又稱尙有重刊殘本詩鈔第八第九兩卷今未見傳本其存佚不可知矣

謹樵海集六卷附幽谷集一卷霜巖集一卷江西巡撫採進本

明譚寶煥撰寶煥江西樂安人樵海其號也集凡文三卷詩三卷寶煥少好講學為文多涉理趣詩尤浴擊壤集

流派如自示云從今脊骨剛如鐵一擔綱常勿放肩寄鄧九邱云還與先生磨太極乾坤負苦心人較定山集

抑又甚矣末附幽谷集一卷其孫欽瑗作霜巖集一卷其曾孫清嚴作也

性理吟二卷江西巡撫採進本

明譚寶煥撰是集成於正德壬申前有自序皆以四書及性理中字句為題前列朱子之說而以一詩括其意前

集一卷為七言絕句後集一卷為七言律詩其意不在於詩亦遂難以詩論也

鴻泥堂小稟八卷精稟十卷浙江孫仰曾家藏本

明薛章憲撰章憲字堯卿自號浮休居士江陰人小稟刻於正德丁丑其子布所編續稟刻於嘉靖庚申邑人沈

翰卿所編詩文皆乏神韻蓋摹古而僅得其貌也

東原集七卷兩江總督採進本

明杜瓊撰瓊有紀善錄已著錄其詩以平正曠達為宗而傷於樸俚後有正德己卯俞弁跋稱刻本體製未備此

集乃其鄉人僉都御史張企鵬所輯補云

余山人詩集四卷浙江孫仰曾家藏本

欽定四庫全書總目卷一百七十六

集部

別集類存目三

大

明余世亨撰卷首題嶺南不著郡邑廣東通志亦失載其姓名惟歐大任序稱其在正德嘉靖間好游名山去家數載而歸卜居粵秀山下粵秀爲廣州山名則當爲廣州人矣大任又稱山人有子嘉詔旣成進士試令合肥手錄山人詩四卷卽縣齋刻之業太學題名碑嘉靖乙丑科有三甲進士余嘉詔廣東順德縣人蓋卽世亨之子也其詩近體居多古體僅寥寥數篇耳

雅宜集十卷

兩淮馬裕家藏本

明王寵撰寵字履吉自號雅宜山人長洲人八舉不第終於諸生明史文苑傳附見文徵明傳中是集詩八卷文二卷詩分體編列而各以正德癸嘉靖癸字繫標題之下蓋約略編年之意以自記所造淺深大抵才力富贍而抑鬱之氣激爲兀厲亦往往失之過猶文則非所謂意始附存詩後云爾

欽定四庫全書總目卷一百七十七

集部三十

別集類存目四

少鶴詩集八卷 兩江總督採進本

明武岡王顯槐撰顯槐楚端王榮誠第三子愍王顯榕之弟嘉靖十七年封榮誠嘗自稱黃鶴道人故顯槐自號

曰少鶴嘉靖乙巳顯榕為其世子英耀所弑世宗命顯槐攝國事蹟附見明史楚王植傳此集乃其解政後所

自編也千頃堂書目載顯槐尙有文集及續集八卷今未之見惟此集存

雁湖釣叟自在吟九卷附錄一卷 浙江孫仰曾家藏本

明王周撰周字質齋嘉興人屢試不售自號雁湖釣叟是集以年月先後編次其詩皆率意直書不拘格律故名

曰自在吟末附錄同時題贈一卷并前序後跋皆稱其子為觀察而不著其名據王錫命張大忠等題詞咸自稱

年姪證以太學題名碑所載知其子乃嘉靖乙未進士王倬後官至都御史是編前四卷所稱北上寓京諸詩即

倬官京師迎養時作也

十岳山人詩集四卷 浙江孫仰曾家藏本

明王寅撰寅字仲房一字亮卿歙縣人嘗北走大梁問詩於李夢陽中年習禪事古峯和尚古峯曰吾徧遊海內

五岳今將徧歷海外五岳而後出世寅聞其語而悅之因自號十岳山人是集寅所自編其詩音節宏亮皆步趨

北地之派而鑄語未堅時多累句

邊仲子詩一卷 山東巡撫採進本

明邊習撰習字仲學濟南人戶部尚書貢之次子王士禎論詩絕句所謂不及尙書有邊習猶傳林雨忽露衣者

是也貢雖仕宦通顯而圖籍以外無餘資習竟貧困以沒僅存其七十歲客孫氏時詩一卷本名睡足軒集士禎

與徐夜共選定之附刻其父詩集後改題今名習詩選不及其父尤多應俗之作其晚李東陽二詩論雖公而評太許亦乖詩品夜等特以名父之子重之耳

世經堂集二十六卷

按徽進補按進本

明徐階撰階所編武穆集已著錄是集文二十四卷賦頌詩詞二卷其中敷陳治體之文皆能不詭於正餘則未見所長

少湖文集七卷

兩江總督採進本

明徐階撰是集乃階外謫延平府推官時三年秩滿北上延平士人哀其前後諸作爲之付梓凡文五卷語錄一卷詩一卷大都應酬之文十居六七皆不足以傳特用誌遺愛云爾

歐陽南野集三十卷

江蘇巡撫採進本

明歐陽德撰德字崇一泰和人嘉靖癸未進士官至禮部尙書卒諡文莊事蹟具明史儒林傳是集爲其門人王宗沐所編凡內集十卷皆講學之文外集六卷皆應制及章奏案牘之文別集十四卷則應俗之詩文也德之學

宗法姚江故惟以提唱良知者爲內而餘則外之別之云

南野文選四卷

江西巡撫採進本

明歐陽德撰此本爲隆慶中其門人馮惟訥等所編於全集僅十分取一然德在朝著述如建儲災異諸疏皆能言人所不能言而是編不載則惟訥等所錄皆講學之文故也是可以觀明儒之所尚矣

笠江集十二卷

浙江孫仰曾家藏本

明潘恩撰恩字子仁上海人嘉靖癸未進士官至左都御史諡恭定事蹟附見明史周延傳是集爲諸生聶叔願所編凡賦詩五卷策表箋序碑記四卷說對贊誌銘祭文及雜述三卷前有陸樹聲序稱恩所著有笠江集笠江近藁皆已梓行既沒而其子允哲允端合前後刻藁爲恭定全集今此本仍題曰笠江集殆當時編集未成故以

新序冠於舊本歟

章介菴集十一卷

山西巡撫探題本

明章袞撰表字汝明臨川人嘉靖癸未進士官至陝西按察司副使是集首載大學口義中庸口義各一卷皆訓釋章句之語三卷以下皆雜文十卷為各體詩而以隨筆瑣言終焉瑣言者袞所作語錄也其文疎爽而頗乏體要序王臨川集幾萬言極論新法之善謂元祐若能守而不變孰非繼述之善又論公以瞑眩之藥攻治之於先司馬公又以瞑眩之藥濟亂之於後遂使國論屢搖民心再擾云云毅然翻久定之案可謂桑梓情深矣

芝園定集五十一卷別集十一卷

浙江汪汝璠家藏本

明張時徹撰時徹有善行錄已著錄是集凡分二編一曰定集為賦詩二十卷雜文二十七卷史論四卷一曰別集為奏議五卷公移六卷詩文皆分體而律詩中又分兩京藩臬歸田三彙明史藝文志載芝園全集八十五卷考浙江通志時徹尚有芝園外集史蓋合而總計之然浙江通志載芝園定集五十六卷別集十一卷外集二十四卷與此卷數亦不合或定集當為五十一卷別集當為十一卷外集當為二十四卷共八十六卷史誤八十六為八十五通志誤五十一為五十六歟其詩文不出常格樂府喜用古題而所擬諸篇皆舍其本詞而擬其增減入樂之詞未免逐影而失形史論尤多偏駁

疣贅錄九卷續錄二卷

江蘇巡撫採進本

明顧夢圭撰夢圭字武祥號雍里崑山人嘉靖癸未進士官至江西右布政使此集為夢圭所自編同里歸有光序之末載府志列傳及有光所撰墓誌則其五世孫登重刊時所附入也首二卷為就正編乃其讀書劄記之語上卷論五經四書下卷皆雜論而說經講學者居多旨以心學為宗闡王守仁之餘緒考有光序中稱夢圭暇日以所為文名之曰疣贅錄則疣贅但其文集之名不應冠於此書蘇州府志載其有北海齊梁武平還山諸藁集中亦不標此名意者四藁乃其詩集與就正編皆別行登重刊時始合為一編而仍襲其文集之名賦文凡五

卷詩凡四卷續錄則文一卷有奇而詩附焉詩文皆平正通達直打胸臆無鉗章棘句之習惟詩有擇字未堅者蓋富有明中葉風氣初更學問移於姚江而文章未移於北地猶沿長沙舊格者也

北泉集無卷數 副都御史黃登賢家藏本

明藍田撰田字玉甫號北泉即墨人嘉靖癸未進士官至河南道監察御史事蹟附見明史葉應鑾傳當張璠等

希旨議大禮田反覆抗論凡七上章受廷杖幾殆復糾劾陳洗不法事直聲動一時今集中惟錄劾禮部尚書席

書一疏不知何故其他古近體詩及書記雜文亦未分卷考千頃堂書目田有侍御集十卷又東歸倡和一卷則

此本已非完書且田生平可傳者在諸諫草今章疏闕佚則此本非菁華所在矣

石比部集八卷江蘇周厚培家藏本

明石英中撰英中字子珍上海人嘉靖癸未進士官刑部主事是集凡詩三卷文四卷英在西曹以受誣被囚其

七宜紀夢及古樂府等篇皆獄中所作頗磊落有氣嘗自評其文如赤手捕龍蛇蓋才情俊逸而未能斂才就法

者也

飛鴻亭集二十卷兩淮鹽政採進本

明吳鵬撰鵬字萬里秀水人嘉靖癸未進士官至吏部尚書飛鴻亭者鵬謝事煠老之所因以名集千頃堂書目

作十二卷此本實二十卷蓋黃虞稷誤倒其文也鵬常使安南故集中有征南行諸篇其詩文多應酬之作未能

精汰後有其孫維貞改稱於奏疏外檢得若干首又云先有狀譜之作今是集俱不載豈尚有闕佚耶

葉海峯文一卷浙江范塘柱家天閣藏本

明葉良佩撰良佩有周易義叢已著錄天白志稱良佩所著有海峯堂前集十八卷此冊乃天一閣鈔本所載皆

雜文僅四十二頁蓋後人所摘錄非其全集也

兩崖集八卷湖北巡撫採進本

明朱廷立撰廷立有鹽政志已著錄是集凡詩四卷文四卷其門人兵部尚書劉體乾撰墓誌稱其學出於姚江而擠之者復出自姚江之流今其文集內推尊王守仁甚至而詩集中東隣女西隣婦二首詳其詞意實有所託諷意卽指所謂擠之者歟講學而至相傾軋不知所講何學也

水西居士集八卷

山東巡撫採進本

明華鑰撰鑰字德啟號水西無錫人嘉靖癸未進士官至兵部郎中是集詩二卷文六卷其詩多慶賀贈答之什流麗有餘而深厚不足其文亦尙未成就

春谿詩集四卷

浙江米孫學家採進本

明狄冲撰冲字仲虛深陽人嘉靖癸未進士官至南京工部郎中是集分未達筮仕南行移浪居筠近遊金陵七棄其擬李東陽樂府一百二首自謂神似然全襲原題篇模句仿實牀上牀屋下屋也

王鳳林文集四卷詩集三卷

浙江汪汝璩家藏本

明王從善撰從善字永吉號鳳林襄陽人嘉靖癸未進士官吏部考功司主事是編乃其子之瑞所編多牽率應酬之作千頃堂書目不著錄殆偶未見歟

中川遺業三十三卷

浙江巡撫採進本

明王教撰教字庸之祥符人嘉靖癸未進士官至南京兵部右侍郎是集乃其子在阡所編凡賦二卷古今體詩十三卷樂章及詩餘一卷雜文十九卷前有李濂序稱其學竊本原志在康濟居嘗語人曰吾賦性蹇拙詞翰誠非所長是教平日本不以詩文自命故所作卷帙雖富大抵縱筆所之不甚顯哉結構也

水洲文集四卷

兩江總督採進本

明魏良弼撰良弼字師說別號水洲新建人嘉靖癸未進士官至禮科都給事中以劾張璉爲所中削籍歸隆慶初卽家晉太常寺少卿致仕天啟初追諡忠簡事蹟具明史本傳是集爲南昌劉曰寧所刪訂豐城熊劔化爲刻於華



亭據其原目凡奏議書簡語錄撰述詩賦等五卷附錄碑記行略一卷此本佚其第三卷之語錄與其簡書之類  
述僅存四卷非完帙矣原序稱其學為陽明高弟建言受杖者三今疏彙具載一二卷中蓋亦剛直之士詞章則非  
所畏也

東遊集一卷 浙江任欽叔家藏本

明黃金祺金號莘溪莆田人嘉靖癸未進士官山東新城縣知縣是集即其赴新城時所作自出京至濟南凡所遊  
歷俱紀以詩率皆淺易又閒以應酬雜著若賀施少府榮膺旌獎序之類錯載於詩之前後尤無體例

北海野人棗一卷 兩江總督採進本

明黃禎撰禎字德兆號北海野人安邱人嘉靖癸未進士官至吏部文選司郎中府志稱其免官歸日事吟咏為文  
力迫古作者與李舜臣齊名海內謂之李黃然明代他書不甚著李黃之名疑與記夸飾之詞未必確也宋鶴山左

明詩鈔謂禎有北上及戶部符臺諸集是編僅鈔存騷賦九首五言古詩數十首前後無序跋蓋非全帙矣

漳莖文集八卷 兩江總督採進本

明李新芳撰新芳字元德別號漳莖潞州人嘉靖癸未進士官至監察御史是集為其門人楊世卿所編前六卷為  
雜文後二卷為詩賦以行狀墓誌附於後其文講學之作多至三卷而他文宗旨亦不離乎是其詩亦濂洛風雅之

派也

埔簡文集十二卷 兩江總督採進本

明鄭曉撰曉有萬貢圖說已著錄是編第一卷為說經第二卷為詩第三卷至八卷為雜文第九卷至十二卷為奏  
疏於奏疏中又分三類首准揚次兵部次刑部晚熟諸典故通達國體志在經世於韻語頗不多作其文亦直抒所  
見不以詞藻求工前有萬歷庚子彭夢祖序稱曉著作甚富沒後懼累昇火存者未及什一其孫敬仲始為蒐集付  
梓云

葉子敬文集六卷

浙江巡撫採進本

明葉樞撰樞字子敬河內人嘉靖乙酉舉人官廣宗縣知縣集中雜著頗留心經世之學其論資治通鑑專以首  
篇命晉大夫為諸侯立論雖亦有所見而以此一條遂欲盡通鑑之義未免主持太過至於韓延壽趙廣漢考甘  
陳功罪考唐梁維州考則皆人人意中語耳

海樵先生集二十一卷

安徽巡撫採進本

明陳鶴撰鶴字鳴野山陰人案浙江通志鶴嘉靖乙酉舉人年十七襲廕紹興衛百戶非其志也遂棄官稱山人  
則亦孤僻之士矣是編賦一卷古體詩四卷近體詩九卷文七卷陸慶丁卯其子以世職莅兵粵東屬南海盧夢  
陽番禺黎氏表校正編次明自中葉以後山人墨客多以詩遨遊公卿間然有才者繼詭使氣者粗疎體格蕪雜  
率同一轍朱彝尊詩話稱鶴才鋒雖鈍而鑄詞差醇似比諸家稍勝考盧夢陽序稱其築室飛來山麓閉戶伏枕  
手不釋卷足不下牀者七年蓋卷軸較多故輿枵腹拈韻者異也其絕句頗為清簡不止彝尊所摘律詩數聯然  
趁筆而出往往利鈍互陳視孫一元太白山人集尙未足旗鼓相當焉

長谷集十五卷

安徽巡撫採進本

明徐獻忠撰獻忠有吳興掌故已著錄是集賦一卷詩三卷文十一卷嘉靖甲子松江府知府袁汝是與其鄉士  
大夫聯金刻之編次者其門人董宏陽也朱彝尊詩話稱其詩冲澹無累句所少者警拔足為定評至其論松江  
加耗守備錢法水利諸書條析利弊皆頗詳悉在一鄉亦足資考核焉

荷臺集二十卷

浙江汪汝璠家藏本

明袁表撰表有世緯已著錄是編詩不失體格而特乏堅著文亦俊爽而醞釀未免少薄初為其嗣子尊尼所刊  
詩文各十卷題曰袁永之集此本為萬歷甲申衡藩所重刊改題曰荷臺集實則一書故千頃堂書目載袁永之  
集二十卷註作荷臺集也前有左長史鄭復亨序官衡府司理張炳忠為表之甥以是集贊於衡王因為開雕云

趙浚谷集十六卷

浙江江浦漢家藏本

明趙時春撰時春有平涼府志已著錄時春素以將略自命不屑屑以詩文名然明史本傳稱其讀書善論記文章豪肆與唐順之王慎中齊名今觀其詩文多慷慨自喜不可拘以格律胡於序所謂秦人而為秦響亦其風氣然也然則史所謂文章豪肆者長短俱在是矣是集詩六卷文十卷皆編年而不分體徐階序稱十六卷與此集合李開先序則謂詩六卷文九卷凡十五卷續有作者當續入之蓋開先序在嘉靖乙丑而階序在萬曆庚辰時春沒後十五年又有所續入也

別本浚谷集十七卷

安徽巡撫採進本

明趙時春撰此本凡詩二卷賦及雜文十五卷有其甥周鑒序明史藝文志載時春集作十七卷即據此本也

雲崗遺棄二十卷

浙江孫仰曾家藏本

明龔用卿撰用卿字鳴治懷安人嘉靖丙戌進士第一官至南京國子監祭酒是編首賦次詞次詩次雜文考古人以詞為詩餘今編入詩前殊乖體例所作亦大抵館閣體也

東匯詩集十卷

兩江總督採進本

明呂希周撰希周字師且崇德人嘉靖丙戌進士官至通政使是集編於嘉靖甲寅其子端甫志云始自乙酉迄今甲寅其詩一千二百八十九首呈於太保東湖公欣然命付之梓東湖陸炳別號也為希周門人朱彝尊詩話云東匯於詩亦沾沾自喜其集不甚傳由其子請論定於陸武惠也同里曹秋嶽侍郎集明三百年名公手蹟裝潢成冊多至七百家東匯雜詩在焉比集中所載者較勝今詳端甫志希周家居至甲寅尚無恙曹溶所集當是其甲寅以後詩歟

陸賓齋集十卷外集二卷

禮部尚書曹秀先家藏本

明陸邦撰邦有賈齋雜著已著錄是集為郁天民所編外集二卷則附錄諸數誌狀及贈送誄奠之文與士民頌

德之作也徐階誌其墓稱瑯讀書恥為章句當日人心與事物不相離舍事物而徒求諸心者禪學也逐事物而不求諸心者俗學也故集中有傳習錄存疑不附和陸學又有詩傳存疑亦不盡墨守朱學持論可謂篤實詩文則多近質朴蓋非所甯意云

田叔不集十二卷

浙江江浦田家藏本

明田汝成撰汝成有炎微紀聞已著錄其全彙本名豫陽集亦名楊園集此集乃汝成晚年合其子藝衡所編凡詩文三百六十九首五十以後所作均不在是焉汝成歸田後盤桓湖山搜剔名勝殊以風流自賞其詩律隊伍修整頗自娟娟秀出然使逢大敵則未足相當文體亦頗傷平易

玩芳堂摘彙四卷

兩江總督採進本

明王慎中撰慎中有遵嚴文集已著錄此本乃嘉靖中江陵曹忬以御史巡按江西取篋中所有慎中之文校而刻之僅一百首故以摘彙為名

江午坡集四卷

江西巡撫採進本

明江以達撰以達字子順號午坡貴溪人嘉靖丙戌進士官至湖南提學副使案千頃堂書目作福建提學誤編以達去湖廣頗遠不至忬楚謫也忬楚藩繫獄後放歸病卒明史文苑傳附見王慎中傳中未彜尊靜志居詩話曰午坡以北地文出廬陵眉山之上又謂昌黎詩不達文尚染習氣云云今考其語見集中所載張東沙集序然其與霍渭崖論文書云模形者神遺斷句者氣索景會者意脫蕊繁者衰衰警諸畫地為餅以餓則難刻木為人東之衣冠與之酬色笑而施拊讓則不可其於正嘉之時剽竊摹擬之病又未嘗不知之而趨向如是何耶

芻蕘錄二十卷

江蘇周厚培家藏本

明馮恩撰恩字子仁華亭人嘉靖丙戌進士官南京監察御史以疏論張璠汪鋈方獻夫三人下獄擬死其子行可刺血書疏請代死謫戍雷州越六年赦歸隆慶初進大理寺丞致仕事蹟具明史本傳是集凡文十五卷詩五卷恩

爲行人時嘗奉命勞兩廣總督王守仁因從王守仁講學故其詩文得守仁餘緒爲多其最得名者在嘉靖壬辰  
星見應詔陳言一疏其被禍也蓋坐以上言大臣德政律固非其罪然思爲御史抨擊權姦是其職也至於所不抨  
擊者置之不論可矣乃一一釐舉所長類乎薦牘是旣欲有所退又欲有所進卿相之簡擢臺諫操之矣此亦憤激  
一決不暇揮言旣乖政體又授議者以閒也且稱禮部尚書夏言多蓄之學不羈之才駕馭任之庶幾救時宰相體  
部右侍郎顧鼎臣嘗悟疏通不局偏長器足任重核以二人本傳亦皆不確蓋其忠鯁之氣足貫金石而立言則不  
必盡當是固當分別觀之者耳

少泉集三十三卷

浙江嘉興會稽縣本

明王格與格字汝化京山人嘉靖丙戌進士改庶吉士出爲分巡河北道按察司僉事世宗南巡坐行宮火杖黜  
隆慶初授太僕寺少卿致仕明史文苑傳附見王廷陳傳末千頃堂書目載格少泉集十卷今考此本凡詩選十卷  
詩續選八卷詩新選六卷文選五卷續文選四卷共三十三卷黃虞稷蓋僅得其詩選著錄也未辨尊靜志居詩  
話稱其信口矢筆合作者寡今考王世貞序云公於意非不能深不欲使其淫於詩之外於象非不能極不欲使  
其游於見之表才不可盡則引矩以罔之亂不勝靡則爲質以禦之詳其語意殆亦微詞也歟

穀原文草四卷

兩江總督採進本

明蘇祐撰祐有迥旃瑣語已著錄是編乃其文集也原分四卷每卷又自分上下詞多駢麗規仿文選而真氣不足  
以充之在七子派中又爲旁支矣

穀原集十卷

山東巡撫採進本

明蘇祐撰此編乃其詩集大旨宗李攀龍之說不肯作唐以後格而亦不能變唐以前格故音節琅琅都無新意

岳雲石集五卷

直隸總督採進本

明岳倫撰倫字雲石懷安衛人嘉靖丙戌進士官至工部郎中卒贈太常寺少卿是集文三卷詩一卷附以其子魯

松寬疏案集中最著之文莫若劾張璠桂萼疏疏後附世宗諭旨曰張璠著回家省改桂萼革去散官以尙書致仕然考璠等本傳璠之罷也一由給事中陸燾再由御史譚積瑞廷劾唐愈賢三由魏良弼奏璠等之罷也獨由給事中陸燾不見有倫劾罷二人之事與史傳絕不相符疑以傳疑可矣

金陵覽勝詩一卷

浙江范懋柱家天一閣藏本

明章思謨恩字元之山陰人是集刻於嘉靖丙戌皆五七言近體多題咏名勝之作其所列古蹟如桃花小峴及虎踞關皆志乘所未載然才力稍弱尙未足以摹寫江山

別本羅念菴集十三卷

浙江汪汝霖家藏本

明羅洪先撰洪先有冬遊日記已著錄是編爲嘉靖癸亥其同年滁陽胡松所刻凡書二卷雜著一卷序記傳狀銘表各一卷祭文及雜文二卷古律詩二卷蓋初刊之本非其全帙也

松溪集十卷

兩淮鹽政孫進本

明程文德撰文德字舜敷永康人嘉靖己丑進士官至吏部左侍郎掌詹事府調南京工部右侍郎疏辭忤旨除名歸萬歷中追贈禮部尙書諡文恭事蹟具明史儒林傳是集第一卷爲對策講章二卷爲頌及古體詩三卷爲今體詩四卷爲奏疏表五卷爲書六卷爲序七卷爲記跋八卷爲祭文九卷爲傳誌銘十卷爲雜著詩非所長奏疏內如賑濟疏所條陳便宜諸事頗切明季時政之弊又所奏郊壇事例皆明史各志及明會典王圻續通考所未載考文德自述謂私淑王子子蓋亦諱良知之學者如寄諸生書稱今古聖賢之道不違其心復王畿書謂全真返初以求放心跋陽明文錄謂明德新民無外無內之疑於禪者非是皆不免於回護至其論學云學問之道必先立志既立則行有定適格致誠正戒懼慎獨別其塗轍學問思辨自不容已是尙知以躬行實踐爲歸史稱文德初從章懋游後乃從王守仁後與王畿輩之涉於禪悅者差少異耳

程文恭遺案三十二卷

浙江巡撫孫進本

別集類存目四

卷一百七十七

六

明程文德撰此集二十二卷以前皆文二十一卷以後皆詩較松溪集爲賅備然體格則一也

周漢中集四卷

內府藏本

明周顥宗撰顥宗字子考漢州人嘉靖己丑進士官至漢中府知府是集前三卷爲自適齋詩所著詩詞雜文後一

卷爲感高錄則隨筆削記也詩不入格感高錄亦多雜禪語以空悟爲宗

南北奉使集二卷

浙江汪啟淑家藏本

明唐順之撰順之有廣右職功錄已著錄是編一爲北奉使集乃其以職方郎中出戡薊鎮兵籍時所作一爲南奉

使集乃視師江浙所作兩集俱載其籌邊勦寇之事先較論次題疏次啟劄次詩篇前後皆無序跋

陳后圃詩集一卷文集一卷

浙江巡撫採進本

明陳東撰東字約之鄞縣人嘉靖己丑進士官至河南提學副使事蹟具明史文苑傳東與唐順之爲同年其倡爲

初唐六朝之作以矯李何之習而所學不違順之又自翰林改禮部主事迨復官編修旋卽外調恆忽忽不樂年僅

三十餘而卒文章亦未成就故順之終以古文鳴而東無稱焉詩集爲順之所編皆嘉靖甲午乙未丁酉三年之作

其餘僅寥寥數首文集爲張時敏所刊分京楚閩洛四集以居官之地名之初刻於蜀中又刻於吳郡此本乃萬歷

中其同邑林可成所校刊也

燕泊錄十三卷

兩江總督採進本

明孫應奎撰應奎字文卿號蒙泉餘姚人嘉靖己丑進士官至右副都御史總理河道後左遷山東布政使明史附

見建陽孫應奎傳而以餘姚孫應奎別之蓋與胡松傳中附載績溪胡松均以同姓名合傳也是集前三卷皆憶言

其語錄也次書二卷文二卷詩三卷次河南存彙二卷林居稿彙一卷則詩文雜編焉應奎受業於王守仁講良知

之學初官禮科給事中疏劾汪鉉頗有直聲然其著作則自成其爲講學家之詩文而已

胡莊蕭集六卷

安徽巡撫採進本

明胡莊撰莊字子安休寧人嘉靖己丑進士官至河南提學副使事蹟具明史文苑傳莊與唐順之爲同年其倡爲

明胡松檉松有滁州志已著錄是集惟第二卷未附載詩賦餘俱雜著考明史本傳松初以禮部尋任山西提學副使上邊務十二事帝嘉其忠懇進左參政巡撫江西時會討廣東寇張璉又援閩破倭功績甚偉然其經世之文惟若翟中丞邊事書及厚蓄實塞防邊制鑿四篇頗見謀略餘皆不載集中豈別有奏議集歟其中格物解謂心外無事事外無心蓋從事於姚江之學者其功名亦略相彷彿焉卷首有凌約東游棄序郎宗源趙大綱南浮棄序徐獻忠西游棄序田汝成徐渭浙垣棄序殆各集別有專本此其彙而刻之者也

別本胡莊肅集八卷

山東巡撫採進本

明胡松檉是集凡文六卷詩二卷與六卷之本稍有增刪而大致相同

鶴田草堂集十卷

浙江巡撫採進本

明蔡雲程撰雲程字亨之臨海人嘉靖己丑進士官至刑部尚書是集詩三卷文七卷雲程當王李盛行之時獨無摹擬剽竊之習可謂不轉移於風氣然根柢頗薄亦不能自樹一幟

熊南沙文集八卷

浙江汪汝璩家藏本

明熊迥撰迥有周易象旨決錄已著錄是集乃隆慶戊辰其門人嚴清所刻前四卷為疏序書記後四卷為題跋引傳碑銘祭文雜著過雷心經學其文章亦列名八才子中然集中諸作大抵應酬之文也

環溪集六卷

兩江總督採進本

明沈愷撰愷有夜燈管測已著錄是集皆所著雜文乃其門人任子禮所編前有徐階序題曰鳳峯雜集序又有文徵明序亦題曰鳳峯子詩彙序疑今名為後來所追改而又佚其詩集歟考千頃堂書目別載環溪集二十六卷則此非其全也愷文章頗尚古雅不寫作秦漢以下語而模仿太甚遂與北地同歸

閉居集十二卷

兩江總督採進本

明李開先撰開先有中麓畫品已著錄是集詩四卷文八卷皆歸田後所作其自序謂年四十罷歸田里既無用世



之心又無名後之志作不必工信口直寫名其集曰閒居以別居官時苦心也嘉靖初開先與王慎中唐順之熊通陳東任瀚趙時春呂高稱八才子其時慎中順之倡議盡洗李何剽擬之習而開先與時春等復羽翼之然開先雅以功名自負既廢以後猶作塞上曲一百首以寓其志又末卷有蘇惠民困或問及顏神事立涪渠私議深議諸篇亦尚汲汲於經世不甚爭文苑之名故所作隨筆揮灑一篇或至數千言其詩亦往往墨韻至百首其持論確於李何而終不能奪李何之壇坫蓋有由矣

蔡可泉集十五卷

浙江巡撫採進本

明蔡克廉撰克廉字道卿晉江人嘉靖己丑進士官至戶部尚書其文每篇皆係以時地末綴以各體詩及案牘之文萬歷初其子應龍應麟錄而梓之克廉少與鄉人王慎中齊名而其文乃遠不及慎中蘇濬序稱克廉秉樞執鉞時慎中已諍伏故園日尋歐會之緒而克廉方銳意事功論者謂慎中閱寂邱園故文獨工云云是當時已有定評矣

瑞蕭公集十卷

山東巡撫採進本

明葛守禮撰守禮字與立德平人嘉靖己丑進士官至左都御史諡端肅是集凡文九卷詩一卷邢侗爲之序

知白堂叢十四卷

浙江孫仰曾家藏本

明翁溥撰溥字德宏諸暨人嘉靖己丑進士官至南京刑部尚書諡榮靖是集乃其門人金元立潘季馴所編凡詩六卷雜文八卷其中奏疏十五篇乃巡撫江西及爲吏科時所上皆無關大計其餘亦大抵應酬之作

張靜思文集十卷附錄二卷

江蘇巡撫採進本

明張選撰選字舜舉無錫人嘉靖己丑進仕授蕭山知縣擢戶科給事中會太廟祭世宗遣勳臣代行禮選抗疏力諫廷杖削籍隆慶初復原官終於通政司參議事蹟具明史本傳是集乃其曾孫續曾所編凡文九卷詩一卷其末二卷則附錄居官政績及碑銘小傳也

凌瀆集十卷附錄二卷

直隸總督採進本

明蔡駿撰駿有凌瀆語錄已著錄是集為其門人李登雲等所編凡文六卷詩四卷銘贊之類附於詩末附錄二卷則其朋友贈答與門人稱頌之作也駿早師真定張瑄入仕後師朝邑韓邦奇增城湛若水平居務講學立朝務氣節文章蓋非所長云

崔筆山文集十卷

安徽巡撫採進本

明崔涯撰涯號筆山太平人嘉靖己丑進士官至監察御史是集自一卷至七卷為奏疏及雜著八卷為古今體詩九卷為虎異十卷為鵲異兩卷之末各附以頌德詩文涯在當時有伉直聲而文章非其所長詩尤不工格所謂虎異者涯巡視山西時有虎自入神廟為人所殪鵲異者涯巡視福建時有葉氏為奴所殺憑鵲以訴冤涯皆自紀其事而所屬縉紳各歌頌之因彙刊集後昔猛虎渡河劉寬以為偶然而涯乃以恍惚之事引為己功人之度量相去蓋不可道里計矣

環碧齋詩集三卷尺牘三卷

浙江孫仲曾家藏本

明祝世祿撰世祿有環碧齋小言已著錄西江志稱其工詩善草書談理獨抒心得今觀其詩格調頗伉爽而簡汰未嚴尺牘更開三袁一派矣所謂談理獨抒心得者殆即指小言已訂正於雜家類中茲不具論焉

司勳文集八卷

兩淮鹽政採進本

明羅虞臣撰虞臣字熙載廣東順德人嘉靖己丑進士官吏部稽勳司主事事蹟附見明史劉世毅傳虞臣以初任刑部主事提牢時寬假張延齡為大猾劉東山所訐下獄拷掠斥為民既歸結廬山中讀書纂述年僅三十五而卒然其他著作不傳惟是集存其平生不屑為詩賦故集中皆散體之文自六卷以下則採錄所作家乘以足之惟以中官傳六七篇參雜其間耳其文疎快有氣然皆率其才氣縱筆一往未能範以法度也先桂奇序以司馬遷擬之談何容易乎

大正四年...

集部

別集類存四四

八

五嶽山人集三十八卷

江蘇巡撫探進本

明黃省曾撰省曾有西洋朝貢典錄已著錄是集凡賦詩十八卷雜文二十卷王世貞序稱其古今體詩皆出自六代三唐於他文亦推許甚至及其爲藝苑厄言則云勉之詩如假山雖爾華整大費人力朱彝尊靜志居詩話亦謂其詩品太庸沙磔盈前無金可採今觀其集兩家之說不虛矣中第二十卷爲客問四十章二十一卷二十二卷爲擬詩外傳二十三卷爲黃氏家語明人亦擄出別行其客問雜論物理多臆揣之說擬詩外傳未免優孟衣冠至家語柳立篇名儼同孔氏抑又惜矣

蓉山集十六卷

江西巡撫探進本

明董燧撰燧字兆時蓉山其號也臨川人嘉靖辛卯舉人官至南京刑部郎中燧少從王良弼豹講良知之學是集自首卷至六卷皆其問荅會語七卷至十卷爲詩十一卷至十六卷爲雜文

孔文谷詩集十四卷

山西巡撫探進本

明孔天允撰天允字汝錫號文谷又號管涔山人汾州人嘉靖壬辰進士第二於故事當授編修以藩戚外補陝西提學僉事官至浙江布政司參政朱彝尊靜志居詩話云管涔山人如新調鸚鵡雖復多言舌音終強蓋深不取之此集爲同安洪朝選所刻內履霜集一卷澤鳴棗一卷漁嬉棗以編年爲次自隆慶丁卯至萬曆戊寅十二年所作分十二卷校以浙江探進之本伏闕尚多非其完帙考千頃堂書目亦載天允詩集十四卷則黃虞稷所見卽此本矣

孔文谷文集十六卷續集四卷詩集二十四卷

浙江巡撫探進本

明孔天允撰此本較其家刻多文集二十卷而詩則惟有履霜集漁嬉棗關澤鳴棗一卷所作霞海篇亦不在其中相其詩集版式蓋隨作隨刻故傳本多少不定也焦竑國史經籍志載天允集僅三卷是卽多所續增之明驗矣

霞海篇一卷 浙江巡撫探進本

明孔天允撰是編乃其督學浙江時案臨台州所作故以霞海為名凡詩三十四首力摹三謝而未成如望司成

程公詩起句曰瞻塗脰來旌邈迨欣遠斯以短字為引領而望之意是不止札闕鳴休矣

祐山文集十卷詩集四卷 江蘇周厚情家藏本

明馮汝璠撰汝璠有祐山雜記已著錄其官工科給事中時論劾汪鉞罪狀直聲震動一時其人足以不朽其詩

文則以人見重非以詞章傳也

粵臺彙二卷 兩江總督探進本

明謝少南撰少南字與槐上元人嘉靖壬辰進士官至河南布政司參政是集乃其提學廣西時所作詩與文各

一卷詩尚不失清拔文則未之逮也千頃堂書目別載少南河垣彙一卷今未見傳本疑其佚矣

序芳園彙二卷 浙江巡撫探進本

明趙伊撰伊字子衡平湖人嘉靖壬辰進士官至廣西按察司副使是集為其甥沈懋孝所選附以劉子伯批點

其詩時有清脫之致而醞釀未深

菲泉存彙八卷 浙江汪汝琛家藏本

明來汝賢撰汝賢字子禹蕭山人嘉靖壬辰進士官至禮部主事是集凡詩二卷文六卷末附許應元所撰墓志

及姜寶所撰誣枉記蓋汝賢由丹陽知縣行取入都後同僚譜其受金為巡按御史所論劾故作此以辯之寶即

汝賢之門人也千頃堂書目載此集作十六卷疑或有續集而佚之至云汝賢字汝禹則汝字傳為誤耳

洛原遺彙八卷 浙江汪汝琛家藏本

明白悅撰悅字貞夫武進人嘉靖壬辰進士官至江西按察司僉事悅為尚書昂之孫家世鼎貴而獨刻意學詩

句調華贍神理頗清視當時裝積者差勝特格律未能變化往往雷同

蔣道林文粹九卷

兩江總督  
採進本

明蔣信撰信有道林諸集已著錄是集為其門人姚學閔所編其文不事華藻惟直抒胸臆期於明暢而止蓋信

嘗從王守仁於龍場驛後又從湛若水遊所重惟在於講學耳

巾石遺編一卷

江西巡撫  
採進本

明呂懷樞懷有周易卦變圖傳已著錄據千頃堂書目所著巾石類彙本三十卷是集不知何人所編皆綴拾於

殘廢之餘寥寥數篇不成卷帙疑原本散佚此或其子孫所錄存也

閑午塘詩集七卷

浙江巡撫  
採進本

明閔如霖撰如霖字師望號午塘烏程人嘉靖壬辰進士官至南京禮部尚書是集為其門人吏部侍郎姚宏謨

所編詩多應酬之作雖清圓而乏骨力古體尤不擅長千頃堂書目載午塘集十六卷殆尚有文集九卷而佚之

歟

冰玉堂綴逸彙二卷蘭舟漫彙一卷附二餘詞一卷

浙江孫仰  
曾家藏本

明陳如綸撰如綸字德宣號午江太倉人嘉靖壬辰進士官至福建布政司參議文集為其子謙亨等所編初彙

彙十卷以弗戒於火彙盡亡謙亨搜求殘廢彙為二卷故題曰綴逸其詩別名蘭舟漫彙為如綸所自編乃嘉靖

甲辰服闋補江西按察司僉事時途中所作其詩餘別名二餘詞亦如綸自編二餘者如綸別號也

包侍御集六卷

江蘇周鼎  
培家藏本

朔包節撰節有陝西行都司志已著錄是編前一卷為臺中稟官御史時作後四卷為湟中稟戍莊浪時作二編

皆兼載詩文節嘗謂文苑英華集可以憤昭明文選因輯苑詩類選三十卷故所作纖麗為多大抵皆取材於是

也

承啟堂彙二十九卷

浙江巡撫  
採進本

明錢徽撰敬字懋垣海鹽人嘉靖壬辰進士官至禮科給事中隆慶初贈太常寺少卿事蹟具明史本傳是集乃其門人嚴從簡所編凡詩七卷文二十卷附錄誌銘行狀墓表傳誄一卷末一卷則其曾孫嘉徵二疏并行狀誌銘也嘉徵字孚千天啟辛酉副榜貢生官松溪縣知縣當勳魏忠賢十大罪其疏爲世所傳云

自知堂集二十四卷

浙江汪汝琛家藏本

明蔡汝桷撰汝桷有說經劄記已著錄是集詩七卷文十七卷其門人朱炳如所編明史稱汝桷初喜文章從王慎中唐順之高叔嗣顧璘皇甫湊兄弟游中年復好講學與鄒守益羅洪先相善詩格遂漸頹唐頗有壽陵餘子失其故步之譏然汝桷才地本不足鴈行王唐諸人亦不盡係於講學之後荒廢吟咏也

涇林集八卷

江蘇周厚靖家藏本

明周復俊撰復俊有東吳名賢記已著錄是集一名六梅館集凡詩三卷雜文五卷其詩皆有楊慎評語據其孫元暉跋蓋慎成雲南之時與復俊遇於仙村草堂劇談七晝夜因爲評定其詩一梓於蜀中再梓於玉田後編入全集評亦遂仍其舊云

龍谿全集二十卷

兩江總督採進本

明王畿撰畿字汝中號龍谿山陰人嘉靖壬辰進士官至兵部武選司郎中事蹟具明史儒林傳畿傳王守仁良知之學而漸失其本旨如謂虛寂微密是千聖相傳之祕從此悟入乃範圍三教之宗又謂佛氏所說本是吾儒大略是不止陽儒而陰釋矣故史稱其雜以禪機亦不自諱史又載畿嘗言學當致知見性而已應事有小過不足累故在官不免干請以不謹斥蓋王學末流之恣肆實自畿始明史雖收入儒林傳而稱士之浮誕不逞者率自名龍谿弟子云云深著其弊蓋有由也是集爲其子應斌應吉所編凡語錄八卷書序雜著記說其九卷詩一卷祭文誌狀表傳二卷其門人蕭良幹刊之丁賓又爲重鐫而益以大象義述一卷傳誌祭文一卷

龍溪語錄八卷

浙江巡撫採進本

明王畿撰是編雖名語錄實卽畿之文集前有李贄序謂之龍溪集鈔蓋又經贄所品定也合是二人以成此書則書可知矣

王侍御集七卷 浙江巡撫探進本

明王瑛撰瑛字汝玉無錫人嘉靖壬辰進士官至監察御史是編爲其子鴻臚寺主簿同穀所刊蓋歐大任所選定前二卷爲古體後五卷爲近體前有小傳亦大任所作末有崔銑兩巡紀行彙跋一篇兩巡者一出理北直隸山東河南馬政一巡按福建也集中無此標目蓋其詩已散入集中銑跋無所附麗故綴於後鄭啟謨序題曰石沙漫藁亦與此本標題不同則瑛世居石沙山初以名集同穀改題今名也

少峯草堂詩集一卷 浙江巡撫探進本

明林應亮撰應亮字熙載侯官人人瑞翁春澤子也嘉靖壬辰進士官至戶部右侍郎總督倉場是集千頃堂書目作二卷此本僅一卷其詩皆沿七子之派

寒邨集四卷 浙江汪啟淑家藏本

明蘇志皋撰志皋字德明別號寒村固安人嘉靖壬辰進士官至副都御史此集凡詩二卷雜文二卷有汪來後序稱其尙有巡撫奏議十八卷譯語畫跋恒言各一卷今竝不傳

東白草堂集四卷 兩江總督探進本

明顧存仁撰存仁有大僕寺志已著錄是編詩分四集每集一卷曰使蜀初編存仁爲給事中時作曰居庸內編曰居庸外編曰居庸別編存仁編管保安時作別編末答羅太史韻十首自記作於吳中蓋當隆慶改元存仁將起用時也朱彝尊靜志居詩話稱其建言受杖起草時鬼近榻前詰且鴉鳴戶上無所畏縮其勁直如是故其詩亦稱心而談罕鍛鍊之功云

期齋集十四卷 江蘇巡撫探進本

明呂本撰本字汝立號南渠又號期齋餘姚人初冒姓李晚乃歸宗嘉靖壬辰進士官至武英殿大學士諡文安  
本在位不久即遭憂以歸遂不復出家居數十年以亭館花竹之勝擅名一時是編詩四卷文十卷爲其子禮部  
主事元所編大抵應酬之作仍沿臺閣之體

璞岡集三卷

浙江孫仰曾家藏本

明馬汝彰撰汝彰字存美璞岡其號也汲縣人嘉靖壬辰進士官至雲南右布政使是編乃汝彰所自編垂沒之  
時其友人陰秉暘欲刻之汝彰不可汝彰沒其嗣子繩祖與其婿阮承謙始刻之而秉暘爲之序其始末具載序  
中凡文一卷詩一卷詩餘一卷皆不擅長蓋其友其子其婿均不及汝彰之自知也

許水部彙三卷

浙江汪汝琛家藏本

明許應元撰應元字子春錢塘人嘉靖壬辰進士官至廣西布政使是集乃應元官夔州知府時所自刊以皆官  
郎署時所作故仍以水部名集凡詩一卷文二卷

元光漫藁五卷

浙江巡撫採進本

明李徵撰徵字誠之湖廣桃源人嘉靖壬辰進士官至布政司參議歸田後結廬於元光洞因以名集其於律詩  
題曰八句而不名律詩於絕句題曰四句而不名絕句爲唐宋諸集未見之例詩多出韻又不合洪武正韻亦不  
知何說也前序稱六卷而其書實止五卷後餘一頁蓋殘闕之本故今以五卷著錄焉

蓋心堂集二卷

浙江范懋柱家天一閣藏本

明王尙文撰尙文字贊江眞定人嘉靖壬辰武進士累官福建總兵官挂征蠻將軍印都督同知明萬歷戊寅廣  
西桂林柳州苗種煽亂馬平種韋王朋率東甌大產諸蠻攻掠村落尙文勦平之是書所載祗當時奏疏劄啟附  
以贈言壽序之類故標題蓋心堂集而以征蠻紀略爲子目然韋王朋與堡兵爭鬪之由及要挾東甌大產諸蠻  
事實書中多不一敘又十寨先後分合開設事宜亦未能備載均不及明史土司傳及廣西通志之詳實非紀事

大定四年全書總目卷一百七十七

集部

明集卷一百四

十一



之書與紀略之名殊不相應今從其總名仍題曰蕙心堂集存其目於集部庶不失實焉

白雲山房集二卷

浙江汪汝璠家藏本

明高應冕撰應冕字文中和人嘉靖甲午舉人官光州知州是集序記雜文凡八十七篇中如游閒公子白雲

先生義皇上人諸傳虞秦對曹交篇諸文大抵稱虛託喻游戲筆墨惟縱囚一辨差為有見云

求志齋言草三十卷

兩淮鹽政孫運本

明陳瀚撰瀚號龍嶽秀水人嘉靖甲午舉人官至廉州府知府是集兼載詩文詞頗質實而微嫌鈍置前有薛僑序

稱所著學論十篇尤其平日所自得今在第十七卷中然皆宋儒所常言無所闡發也

孫支恪集二十卷附錄一卷

兩江總督孫運本

明孫陞撰陞字志高餘姚人熈之子也嘉靖乙未進士官至南京禮部尚書是集文十四卷詩六卷其子鑑等所編

有與人論詩文書云李空同步武古人學李譬則燕途入秦車轍所歷可循而至又云空同與何大復辯論詆其好

詞非法之失何氏亦嘗詆李謂其作疎鹵閒涉於宋總之負氣求勝各不相下觀於是言可以知其癖香所在矣附

錄一卷乃其繼室楊文儂作文儂仁和人工部員外郎應辦之女諸子成進士者四人鑾銓鑲皆至尙書錄至太僕

寺卿皆文儂教之蓋有明一代以女子而工科舉之文者文儂一人而已詩其餘事也

西野遺藁十四卷

兩江總督孫運本

明李機撰機字邦在號西野豐城人嘉靖乙未進士官至南京禮部尚書是集前有何鍾序稱機文素多燬於火

仲孫自茂掇拾其僅存者哀為五帙授梓此本多至十四卷又崇禎中其曾孫九疇所刻也凡文十卷詩三卷雜

著一卷詩中以古體與五言古風分為二目殊乖體例

文肅集二十三卷

兩江總督孫運本

明趙貞吉撰貞吉字孟靜內江人嘉靖乙未進士官至文淵閣大學士諡文肅事蹟具明史本傳是集凡詩六卷

目錄

文十七卷貞吉學以釋氏爲宗美質爲之序曰今世論學者多陰採二氏之微妙而陽諱其名公於此能言之敢言之又訟言之昌言之而不少避忌蓋其所見與所論當人固莫得而訾議也其持論可謂悍矣

駱雨溪集十四卷附錄一卷

江蘇周厚培家藏本

明駱文盛撰文盛字質甫武康人嘉靖乙未進士官翰林院編修初蔡汝佛刻其詩集七卷并爲之評點卷首汝柘序卽爲詩集而作此集益以雜文筆記七卷蓋楊鶴所續增也其詩文皆於淺弱之中時有清遠之致蓋文盛官翰林時以不附嚴嵩遂移疾不出後貧病垂死有以千金求居閒者尙力揮之至沒無以葬事具吳尙文序及卷末尙文書事中是其胸次本高故吐言不俗特編次者欲取卷帙之富未能盡剔其榛櫛耳

奚襄畫餘十八卷

安徽巡撫探進本

明張瀚撰瀚有壘省疏棄已著錄是集賦一卷詩九卷記一卷雜著一卷墓誌一卷行狀行略一卷祭文一卷書二卷贈於萬歷中以忤張居正罷歸頗著風節浙江通志稱其善書法工點染詩文莊嚴典則歸之稱雅然集中酬贈率率什居六七雖平正無瑕而殊少醜醜其自序謂奔走四方三十餘年每以一囊自隨凡所得簡札詩帖俱納其中積久蠹蝕因取其字畫稍全章句可讀者錄出成帙故名曰奚襄畫餘云

鍾川詩集八卷

浙江汪汝霖家藏本

明應峻撰峻字平叔歸安人嘉靖乙未進士官至青州府知府朱彝尊靜志居詩話謂平叔以七律自詡然殊不見好諸體過修邊幅未免氣餒是集有顧應祥序亦謂唐以後詩言調格律相尙鍛鍊益工其氣益弱亦似微致不滿焉

陳梧岡集九卷

兩江總督採進本

明陳堯撰堯字敬甫號梧岡南通州人嘉靖乙未進士官至刑部左侍郎明史藝文志載堯文集五卷詩集三卷是集乃文二卷詩二卷與志不符然首尾完具篇次分明志蓋偶沿千頃堂書目之誤也其文樸直不支而微傷

太質其詩又遜於文

驪山集十四卷 陝西巡撫 採進本

明趙統撰統有杜律意註已著錄是集乃楊光訓所編集中自謂嘉靖丁未誤讎陷獄近三十年多為詩萬歷癸酉恤歸仍成爲一集此本凡賦及詩九卷文一卷雜著二卷詩話二卷總題曰驪山集似光訓有所刪汰也前有朱勤美序稱其命意搜微多出已見大都骨力莽蒼學殖淹博稍稍融透莫難駕行獻吉然則明議其未融透矣何不悟而猶刊以弁集也

方山文錄二十二卷 浙江孫卿 曾家藏本

明薛應旂撰應旂有四書人物考已著錄是集爲應旂所自編其學初出於邵寶後從泰和歐陽德姚江派也又從高陵呂柟轉河東派也故所見出入朱陸之間然先入爲主宗良知者居多集中論學之語互有醇疵蓋由於此至其諷勢論中稱黨錮興而黨社屋元談盛而晉室傾清流濁而唐祚移學禁作而宋舟覆其初文雅雍容議論標致不過起於一二人之獵勝而其究乃致怨惡沸騰於寰中干戈相尋於海內而潰敗不可收拾云云若於七八十年之前預見講學之亡明者則篤論也其文章當李何崛起之時獨毅然不變於風氣然應旂以時文擅長古文特自抒胸臆惟意所如故往往輕快有餘少停蓄深厚之意如十五卷費文通傳稱公生成化癸卯三月十四日距卒六十有六年初娶婁氏以產卒繼娶金谿吳都御史女復卒俱贈夫人五子長某某云云此誌狀之文非傳之體於文格亦多未合所謂不踐迹亦不入於室者歟所作史論如漢武帝蘇賦諸篇特爲平允而漢文帝論中稱賈生不死文帝終必用之賈諺論中又稱文帝終不能用之取快筆端自相矛盾亦不可盡據爲典要也

兩城集二十卷 山東巡撫 採進本

明新學顏撰學顏字子愚濟寧人嘉靖乙未進士官至吏部左侍郎事蹟具明史本傳是集前有子若瀛序稱所

著有閒存集兩城集荒蕪園志等部 沒後所存僅十之二三其子需等復哀輟爲詩十四卷文六卷卽此本也其詩格律清楚而踐徑尙存不覺歷下流派文則偶然揮灑而已

嵩陽集 無卷數 浙江未鈔 傳家驛書亭藏本

明劉綰撰繪字子素一字少質光州人嘉靖乙未進士官至重慶府知府事蹟具明史本傳是集首賦次詩次書次疏復以詩賦殿後而不分卷帙蓋編次未定旋作旋刊明人文集往往多如是也其詩局度頗宏整而乏深致文不加修飾暢所欲言如春秋補傳序云古之註經者務簡後之註經者務繁古之註經者務簡而經益明後之註經者務繁而經益晦六經之註莫不皆然而春秋爲甚持論頗爲平允至劾夏言一疏但以不戴所賜香葉冠激世宗之怒則非諫臣之體彙明史夏言本傳稱賜香葉東髮巾言謂人臣非法服不受帶積憤欲去言嚴嵩因得聞之至言得罪下獄帝猶及前不戴香冠事據此則繪是疏或當有所受之歟

王氏存笥彙二十卷 江蘇巡撫 採進本

明王維楨撰維楨字允寧華州人嘉靖乙未進士官至南京國子監祭酒明史文苑傳附見李夢陽傳中千頃堂書目載維楨存笥彙二十卷又全集四十二卷今全集未見傳本惟此集存乃其友餘姚孫陞所編也前十六卷爲雜文後四卷爲古今體詩陞序稱其文法司馬選詩法漢魏近體尤宗杜氏朱彝尊靜志居詩話則謂七律滯鈍五言有句無篇今觀其集彝尊之論爲允胡應麟又稱其文矯健勝其詩亦不盡然

天山草堂存彙八卷 浙江巡撫 採進本

明何維柏撰維柏字喬仲南海人嘉靖乙未進士改庶吉士授監察御史坐劾嚴嵩廷杖除名隆慶初復原官累遷南京禮部尚書諡端恪事蹟具明史本傳是集文六卷詩二卷文集中有講義語錄二種皆以白沙精論爲宗其詩亦多講學語蓋維柏嘗從陳獻章游也朱彝尊明詩綜謂其乞休詩云樂事尙饒新歲月勝游不改舊雲山乃侍其父與鄉人爲九老會時所作今乞休詩爲萬歷丙子得旨歸老之作而和其父與九老韻七律二首則

作於嘉靖戊申乃劾嚴嵩後削籍歸里時作彝尊徵引偶誤殆亦未見此集歟

金齋集四卷

直隸總督採進本

明朱諾撰諾字子重號金齋故城人嘉靖乙未進士官至兗州府知府是集文三卷詩一卷而別以策對書啟之

類附入詩後其歷官條敘又標疏績一目體例頗為採雜集中大抵宦游應酬之作

沈鳳岡集四卷

山西巡撫採進本

明沈良才撰良才字鳳岡泰州人嘉靖乙未進士官至兵部右侍郎其為吏科給事中時嘗疏劾嚴嵩頗見風采

詩則尙未成家

陳文岡集二十卷

內府藏本

明陳乘撰乘鄆陵人文岡其字也嘉靖乙未進士官至甘肅巡撫是集詩文多率筆奏疏亦多迂論

省中棗二卷二臺棗二卷歸田棗十卷

兩淮鹽政採進本

明許穀撰穀字仲貽上元人嘉靖乙未進士官至尙寶司御二臺棗歸田棗皆詩集惟省中棗兼有雜文詩格頗

爽便當其合處時得古人之意而失於芟擇多參以應俗之作遂不免沙中金屑之憾千頃堂書目載所作尙有

武林棗一卷此本不載或裝緝者偶佚歟

徐陽溪集六卷

江西巡撫採進本

明徐燦撰燦字文華後更字本充號陽溪奉新人嘉靖丁酉舉人嘗館於嚴嵩家一日嵩與朝官燕方辭劉客皆

跪受爵燦遂慨然辭歸蓋亦知幾之士較賢於張濟平生喜講良知之學故其文皆質俚詩亦類擊壤集派

見滄文集十五卷

浙江巡撫採進本

明茅賡撰賡字見滄錢唐人嘉靖戊戌進士第一官至吏部左侍郎是集為其門人趙應元所編而其子藉吉校

刊之第一卷為廷對策二卷至七卷為各體詩八卷以下皆雜文大抵應俗之作也

袁文榮詩略二卷 江蘇巡撫 採進本

明袁煒撰煒字懋中慈谿人嘉靖戊戌進士官至建極殿大學士諡文榮事蹟附見明史嚴訥傳史稱煒才思敏捷常半夜出片紙命撰詩詞舉筆立成遇中外獻瑞輒極詞頌美帝畜一貓死命儒臣撰詞以醜煒詞有化獅作龍語帝大喜其說詞媚上多類此時謂李春芳嚴訥郭撲及煒為詩詞宰相又稱煒自負能文見他人所作稍不當意輒肆詆訕館閣士出其門者斥辱尤不堪故人皆畏而惡之是編首選門人王穉登校蓋穉登以山人游煒之門也申時行序稱煒所為詩甚多歲久散逸其孫景祖景高搜遺草得若干首名之曰詩略案明史藝文志袁煒詩集八卷是煒別有全集此其選本故題曰詩略耳集中佳句寥寥不識何以狂傲如是又兩卷無一應制之作殆穉登削之耶

愛吾廬集八卷 江西巡撫 採進本

明徐良傳撰良傳字子弼東鄉人嘉靖戊戌進士官至吏科給事中言事斥為民其門人湯顯祖所作傳載其行履頗詳集凡八卷詩體略近七子氣度安雅而風骨不足以振之古文則序多至數十篇而論碑記祭文僅得六篇第八卷中題曰瑜金楊子莊採補疑本有散佚而後人掇拾刊行之非其全也

崇蘭館集二十卷 浙江汪汝 採進本

明莫如忠撰如忠字子良華亭人嘉靖戊戌進士官至浙江布政使告歸杜門著書年至八十餘乃卒明史文苑傳附載董其昌傳中其詩頗具唐音五言近體尤多佳句文則應俗之作居多惟題跋十餘則頗為雅合案如忠精於賞鑒流傳墨蹟題識最多此所收猶未盡也

陳兩湖集三十四卷 江西巡撫 採進本

明陳昌積撰昌積號兩湖泰和人嘉靖戊戌進士官至尚寶司少卿兼翰林院學士嘗手刪其文為龍津業後其子文揚文振又益以古今體詩合為此集其詩文悉才調富有而馳驟自喜細大不捐

松風軒藏彙八卷

江西巡撫採進本

明陳昌積撰此集千頃堂書目不著錄蓋其初刻未定之本也

已寬堂集四卷

浙江孫仰曾家藏本

明陳奎撰奎字子兼號雨泉吳縣人自署曰頴川從郡望也嘉靖戊戌進士官至四川提學副使署布政使是集所載詩自嘉靖壬辰至萬曆乙亥計四十四年之作篇什雖多頗傷蕪雜前有岷王定燿序言其子出已寬堂詩文二編而此帙有詩無文蓋不全之本也然千頃堂書目已作四卷則文集之佚久矣

錢永州集八卷

兩淮鹽政採進本

明錢芹撰芹字懋文號冲泉海鹽人琦之次子也嘉靖戊戌進士官至永州府知府故以永州名集首列奏疏二卷頗切當時利弊其斥異端一條蓋為陶仲文而發也惟其學出自湛若水後乃改從王守仁故於姚江一派推絕頗深持論不無少偏云

華陽漫彙十四卷

浙江汪汝陳家藏本

明章煥撰煥有平倭四疏已著錄其官總督南京倉儲副都御史時以赴任遲延言者劾其怠慢君命遂治謫戍廣東卷中題羅浮山人蓋在粵時所自號也集為其子德基所編凡奏疏四卷雜文九卷詩一卷而以德基從成時賦詩百餘首附於末

天目山齋藏編二十四卷

浙江汪汝陳家藏本

明吳維嶽撰維嶽字峻伯孝豐人嘉靖戊戌進士官至右都御史巡撫貴州明史文苑傳附見王世貞傳中為嘉靖廣五子之一是集皆其讀書天目山時吟詠倡和之作分年編次起嘉靖己亥訖壬戌朱彝尊靜志居詩話謂峻伯詩如鈴刀土花不堪酒削雖詆之太過然覆核斯集其論亦非無因也

白華樓藏彙十一卷納彙十五卷吟彙八卷玉芝山房彙二十二卷老年錄七卷

浙江巡撫採進本

明茅坤撰坤有徐海本末已著錄是編載彙續彙皆其雜著之文吟藁則皆詩也玉芝山房彙文十六卷詩六卷  
書年錄則詩文雜編不復分類坤刻意摹司馬遷歐陽修之文高跌宕激射所選史記鈔八家文鈔歐陽史鈔即  
其生平之宗旨然根柢少薄摹擬有迹秦漢文之有窠曰自李夢陽始唐宋文之亦有窠曰則自坤始故施於制  
義則爲別調獨彈而古文之品終不能與唐順之歸有光諸人抗顏而行也至老年錄則精力既衰頹唐自放益  
非復壯盛之時刻意爲文之舊矣

大拙堂集九卷

浙江巡撫  
採進本

明楊載鳴撰載鳴字虛卿泰和人嘉靖戊戌進士官至通政使是集前六卷爲雜文後二卷爲詩末一卷爲雜著  
載鳴爲楊士奇之裔士奇泰和人嘉靖戊戌題名碑錄亦作泰和人而卷首稱廬陵楊載鳴蓋著古郡名也

大司空遺藁十卷

浙江巡撫  
採進本

明陳紹儒撰紹儒字師孔南海人嘉靖戊戌進士官至南京工部尚書是集文八卷詩二卷詩皆嘉靖四十年以  
後至萬歷八年以前之作其文有意刻畫韓柳而往往失之粗率詩則音調諧美亦學唐格而過於摹擬者也

諫溪甲集四卷乙集十卷

浙江孫仰  
曾家藏本

明游震得撰震得字汝潛秦源人嘉靖戊戌進士官授行人擢監察御史以疏諫世宗好方士廷杖謫外後官至左  
副都御史巡撫福建以興化失守罷歸再起督轄南京糧儲震得少與歐陽德鄰守益諸人游故頗講姚江之學  
然與王畿書多所規正猶異於末派之狂禪興化之役由指揮歐陽深孤軍戰沒震得封疆大臣不能不爲法受  
惡且所薦譚綸劉顯威繼光諸人卒皆有所建立故論者或恕焉是集其所手定甲集四卷皆講學之語乙集十  
卷則詩文雜著也

鷄土集六卷

直隸總督  
採進本

明劉乾撰乾字仲坤號易菴保定人嘉靖戊戌進士官國子監丞是集詩詞二卷賦記雜文四卷其以鷄土命名

大定日集

集部

明倫彙編



者自序為夢入太極宮見玉鷄以為文章之兆其說頗荒唐不經詩文亦不入格而夢上天詩夢賦紀夢文諸篇乃屢屢見之集中何其好說夢歟

青峯存集十二卷 江西巡撫採進本

明江柏撰柏字廷節號青峯浮梁人嘉靖戊戌進士官至光祿寺卿其文氣度恬雅無剽竊摹擬之病而微嫌其弱詩亦學宋格而未成蓋不圃於李何之門徑而其力又不足以勝之也集為其姪思聰所刻第一卷為表論第二卷為詩歌樂府詞三卷以下皆雜文編次殊為錯亂思聰序稱柏歷官廣浙正當海寇猖獗之時經略海防不啻數萬言居常自謂應酬文字雖蒙士大夫許可不過空言此則身當其事曲中機宜異時修海防者吾言恐不可廢騰寫成帙以呈大參王公及巡海林公未及領回此後無緣復取云云則此集所存原非柏懷意之作矣

同春堂遺集四卷 江蘇巡撫採進本

明劉熠撰熠字元麗海鹽人嘉靖庚子舉人官至監察御史是集乃崇禎丁丑其曾孫江南布政司參政泓所編國朝順治中其元孫維棟始刻之韻語皆非所長古文亦不入格

泌園集三十七卷 浙江孫仰曾家藏本

明董份撰份字用均泌園其號也烏程人嘉靖辛丑進士官至禮部尚書兼翰林學士是集為其孫嗣茂所編凡詩七卷文三十卷

嚴文靖公集十二卷 浙江汪啟淑家藏本

明嚴訥撰訥有春秋國華已著錄明史訥本傳稱訥入直西苑所撰青詞皆稱旨然文格未能拔俗集中亦大抵應酬之作末附詩四十六首朱彝尊錄其對月一首於明詩綜與此本頗有異同殆有所點竄歟

高文襄公集四十四卷 安徽巡撫採進本

明高拱撰拱有春秋正旨已著錄是編分外制集一卷納扉內彙一卷外彙一卷獻忱集二卷政府書答二卷學

銓題彙十四卷南宮奏牘二卷防邊紀事一卷伏戎紀事一卷緩廢紀事一卷程士集二卷本語三卷春秋正旨一卷大學直講一卷中庸直講一卷論語直講三卷問辯錄五卷病榻遺言二卷每類前各有題詞明史藝文志作獻忱集五卷詩文集四十四卷今獻忱集即在卷內而四十四卷中有文無詩殊不可解又別本四十二冊無卷數以問辯錄居首內多土蠻紀事靖夷紀事二種餘皆相同疑爲初刻之本也

玉堂公草十卷

副都御史黃登賢家藏本

明高拱撰是編首載大學講義一卷中庸講義一卷論語講義三卷皆嘉靖間講邸所講次爲程士錄二卷載嘉靖戊午及乙丑鄉會錄序及所撰程文三場皆備獨無易經文未喻其故後爲獻忱集二卷皆辭謝稱賀諸表奏次爲繪屏彙一卷則在政府時作也皆已見全集此蓋初刻之本故繪屏外彙不與焉

外制集一卷

安徵巡撫採進本

明高拱撰嘉靖乙巳世宗令輔臣舉編修二人檢討三人於中祕撰文官誥敕拱時在列是編乃其代言之彙也前有自序稱掌誥敕者初以閣學或翰詹掌貳後乃屬之兩院供事官至是始復翰林之舊云

政府書荅四卷

河南巡撫採進本

明高拱撰皆錄其爲首輔時與各省文武大僚尺牘分庚午防秋款處北邊捷宜東塞安綏廣東警服黃番各省應荅調處徐府等七目其文大都爲籌酌時政而發至徐階一事則全爲自明心迹而設矣

萬子迂談八卷

江西巡撫採進本

明萬衣撰衣字章甫潯陽人嘉靖辛丑進士官至河南左右布政使是集內編一卷通論天地造化之理及古今人事之變諸經劄記二卷上卷專解五經之義多雜採先儒之說如論朱子詩集傳一條本之王應麟論淫詩一條本之王柏論春秋策書之例十有五而筆削之義有八一條本之趙汭者不一而足然謂六經皆厄於傳疏其宗旨未免偏僻下卷專論律呂其六十分爲寸則三分損益之法不可行以之規西山之誤則頗爲明確其迂談外

篇一卷雜論兵制屯鹽等事又文三卷詩一卷書啟一卷皆不過直抒胸臆不復計其工拙矣

履菴集十二卷 浙江巡撫採選本

明萬士和撰士和字思節立興人嘉靖辛丑進士官至禮部尚書諡文恭事蹟具明史本傳是集凡詩詞三卷雜文九卷其官江西貴州湖廣山東以至為宗伯時事蹟頗散見於其中然適任自然罕鑄詞之功蓋士和受業唐順之能不染七子雕繪之習而殫心吏事又未能竟其業也

瞿文憲制藁一卷制科集四卷詩文集十六卷 兩淮馬裕家藏本

明瞿景淳撰景淳字師道號昆湖常熟人嘉靖甲辰進士官至南京吏部右侍郎事蹟具明史本傳是集為其子汝稷所編首卷制藁十一篇藁二十七篇蓋即明史藝文志所謂瞿景淳內制集也其制科集四卷皆應試策論諸作詩文集十六卷則文居其十五卷詩賦一卷特附見備體而已景淳清介自持史載其與嚴嵩論胡宗憲及不撰陸炳妻語詞皆觸忤權姦無所憚畏其制義亦名一時至今有王唐瞿薛之稱古文則非所擅長也

石龍菴詩草四卷附刻二卷 浙江孫仰曾家藏本

明徐學詩撰學詩字以言別號龍川上虞人嘉靖甲辰進士授刑部主事遷郎中以劾嚴嵩父子罷職隆慶初起南京通政司參議未上而卒贈大理寺少卿學詩不以詩名而所作音節頗清亮蓋嘗與李攀龍相贈答故流派與之相近遺藁多闕字邑人黃之璧為補入以閏別之後二卷則附刻劾嵩疏藁及傳略諸篇

山帶閣集三十三卷 浙江孫仰曾家藏本

明朱曰藩撰曰藩字子价號射陂寶應人雲南布政司參政應登之子嘉靖甲辰進士官至九江府知府是集詩十五卷雜文十八卷應登詩做李夢陽曰藩則法楊慎當因所知道訊滇南慎為選其詩七十餘首題之其在金陵懸額畫像於寓齋集中有人曰瞻禮升菴公像詩是也然其詩穢麗僅得慎之一體王世貞藝苑卮言謂其如高座道人忽作番語則詆之太甚矣

石室藏鈔五卷

福建巡撫  
採進本

明魏文煥撰文煥字德章侯官人嘉靖甲辰進士官至廣西按察司使是集初刊於萬歷丙戌崇禎庚午其孫定海知縣汝爲又重刊之凡雜著二卷皆讀書論古之作其中如駁方孝孺之疑子華子則未觀晁公武及朱子說謂王充假蔡邕以自重則未考充爲肅宗時人不免陳仲第三卷爲詩五卷六卷爲雜文中征支羅記征龍洲記松潘備兵本末敘其戰功頗詳福州道山下有朱子所書石室清隱字文煥家近山麓遂以名其集云

白雪樓詩集十卷

江蘇周厚  
培家藏本

明李攀龍撰攀龍有詩學事類已著錄此集刻於嘉靖癸亥曾在滄溟集之前前有魏堂序又有擬古樂府序二篇一爲歷城許邦才撰一爲攀龍自序蓋當時特以樂府相誇然而後來受詆厲者亦惟樂府最甚焉

李滄溟集選四卷

浙江巡撫  
採進本

明李攀龍撰宋光庭所選光庭莆田人始末未詳王李二家皆以詩擅長文則不逮詩選甚攀龍之文尤不逮王世貞光庭乃獨選其文可謂不善持擇矣每卷之首皆題曰補註李滄溟集而書實無註亦不可解

敬所文集三十卷

江蘇巡撫  
採進本

明王宗沐撰宗沐有海運詳考已著錄此集自一卷至十卷爲序頌書啟曰內編十一卷至二十卷爲詩論碑賦說傳書後約策問祭文行狀銘誌講義曰別編二十一卷至三十卷爲奏疏雜著文移曰外編明史藝文志載宗沐奏疏四卷文集三十卷此本止三十卷而奏疏在焉卷首題門人張位選集然則史所載者其全集此爲位所編定歟抑其奏疏又有集外別行之本史竝載之也

師暇哀言十二卷

浙江孫仰  
曾家藏本

明吳桂芳撰桂芳字子實新建人嘉靖甲辰進士官至工部尙書事蹟具明史本傳是集乃其總督兩廣時所自編時方禦倭故題曰師暇哀言其文平正通達無鈎章棘句之習而亦無警策蓋猶沿臺閣舊體詩力摹唐調亦

頗宏敞而有學步太甚者如陳子昂有王師非樂戰之子慎佳兵句桂芳送張玉亭慮囚淮上襲用其調曰王仁非好殺之子慎祥刑非所謂凝議變化之道也

五鶴別集二卷

直隸總督採進本

明廬宁撰字獻子號冠巖南海人嘉靖甲辰進士官至登州府知府宁受業黃佐之門佐樂典序即所作也是集乃其官南京刑部時講學新泉精舍其門人程子明所刻及守登州所屬黃縣知縣劉珙又重刻之以宁先有五鶴臺集故此以別集名凡詩一卷文一卷皆湊泊成篇不能入格

崇質堂集二十卷

江西巡撫採進本

明李萬賞撰萬賞字少虛南豐人嘉靖甲辰進士官至浙江按察司副使其為給事中時嘗疏論權璫改官蓋亦骨鯁之士是集凡詩九卷文十一卷江西通志稱所作奏疏別名恬仕錄徐龍川序而此集未亦載有奏疏三卷蓋其初別本單行後又編入集中也萬賞傳姚江之說其文體平正不事錘鑿猶講學家之格其詩頗學韋柳意取清妍雖風骨未就而姿致可觀則其天分之高也

小海存彙八卷

兩江總督採進本

明馮觀撰觀字晉叔別號小海海寧人嘉靖甲辰進士官至廣東按察司副使是集詩三卷文五卷乃其子有翼所編張瀚序稱其簡易明邈不假雕琢頗非溢美然才地頗弱未足名家集中有庚戌言兵事書乃觀為兵部郎時所作以上丁汝夔者中有請就京城外土城遺址增築外羅城以備不虞一條其後竟築外城說者謂功成於許論而不知觀已發其端也

太乙詩集五卷

陝西巡撫採進本

明張鍊撰鍊字伯純武功人嘉靖甲辰進士官至湖南按察司僉事其集曰太乙者太乙山名在武功王維所謂太乙近天都也鍊以自號因以名集其詩源出長慶而更加率易如云一種勳庸一代賢蜚聲滿路勢薰天憑君

回首寰中事若箇豪華過百年之類殊不類詩格至如能使機衡在我從他造物弄人等句則愈涉俗矣

無聞堂彙十七卷

浙江保仰  
曾家藏本

明趙欽撰欽有古今原始已舊錄是集凡文十二卷詩五卷乃其子鴻賜所編林樹聲為作墓誌稱其幾希圖說  
關方士論講學諸說皆關明理道發前人所未發今惟幾希圖說見集中餘皆不載盛汝謙為作行狀載自祭文  
一篇集中亦不載蓋亦簡汰而存者也欽學出姚江主良知之說文頗磊落自喜而亦微近七子之派

郭東山文集七卷詩集二卷

江蘇巡撫  
採進本

明郭文周撰文周字景復號東山福安人嘉靖甲辰進士官至監察御史巡按廣東其文集多應酬之作詩分前  
後二卷前卷為南畿彙後卷為菊邊閒譚集解組業

百川集十二卷

浙江巡撫  
採進本

明孫樓撰樓字子虛常熟人嘉靖丙午舉人官湖州府推官工於制義與胡友信魏景淳等相上下詩古文則非  
專門也

貽安堂集十卷

兩江總督  
採進本

明李春芳撰春芳字子實號石麓福建興化人嘉靖丁未進士第一官至中樞殿大學士諡文定事蹟具明史本  
傳春芳與嚴訥郭樸袁煒同有青詞宰相之目史具載於袁煒傳中然所作皆不傳是集為其子茂材所編疏表  
序記之文居多詩則不滿一卷李敷于慎行朱賡李維楨為之序皆謂春芳不規規以文墨見長是以其存草僅  
如此云

太岳集四十六卷

浙江巡撫  
採進本

明張居正撰居正有書經直解已著錄神宗初年居正獨持國柄後毀譽不一迄無定評要其振作有為之功與  
威福自擅之罪俱不能相掩至文章本非所長集中奏疏啟劄最多皆在廟堂時論事之作往往縱筆而成未嘗

欽定四庫全書總目卷一百七十七

集部

別集類存目四

有所鍛鍊也

餘清堂彙三十二卷 江蘇周厚甫家藏本

明汪鏜授鏜字遠峯鄞縣人嘉靖丁未進士官至禮部尚書掌詹事府兼翰林院學士是集詩八卷文二十四卷

考千頃堂書目鏜有餘清堂彙十二卷今未見其本又有餘清堂定彙三十二卷即此編也

念初堂彙四卷續集二卷 兩淮馬裕家藏本

明陳嘉謨撰嘉謨廬陵人嘉靖丁未進士官至四川按察司副使隆慶庚午移疾歸召為湖廣布政司左參政不

起優游林下以終其詩起於嘉靖丁未終於萬曆癸卯往來仕宦者二十三年而閒居者三十三年故多自適之

言序引邵子擊壤集自擬而詩中屢引陳獻章語其旨趣可知也

文慶堂合彙七卷 江西巡撫採進本

明王時槐撰時槐有廣仁類編已著錄是集凡書二卷序記傳墓誌一卷語錄一卷說跋及石經大學略義一卷

雜著詩詞一卷詩詞不多作亦非所長文皆講學之語而兼出入於老莊之閒明季所謂心學者也其石經大學

略義自云出於賈遠而表章於鄭曉且稱王守仁大學古本一依註疏之舊味其文字旨趣亦未甚瑩似不無錯

簡云云不知鄭曉所傳乃豐坊之偽本諸儒考證已明謫妄畢露時槐更噓其殘燼誤之甚矣

周叔夜集十一卷 浙江孫節曾家藏本

明周思兼撰思兼有學道日記言已著錄思兼以循吏著然史稱其少有文名是集為王世貞所刪定文頗學三蘇

詩則七子之流派也

鳳洲筆記二十四卷續集四卷後集四卷 兩淮鹽政採進本

明王世貞撰世貞有弁山堂別集已著錄是集乃隆慶己巳黃美中所編前有美中序稱世貞著作不能盡見會

從其姪孫少川子得此集因編刻以公天下蓋當時摘選之本也然命詩文四筆記其稱名可謂不倫矣

舟州彙選十六卷

兩淮鹽政  
採進本

明王世貞與沈一貫選一貫有易學已著錄世貞才大學博自謂靡所不有方成大家故其正續四部彙頗傷無  
雜晚年悔其少作而未及乎自刪定一貫是編別裁澄汰意在顯其菁華而宗旨所歸仍尊秦漢而薄唐宋終未  
能棄短取長也

文恪集二十二卷

兩淮鹽政  
採進本

明林燁撰燁字貞恆閩縣人嘉靖丁未進士官至南京禮部尚書諡文恪事蹟附見明史林瀚傳是集詩六卷文  
十六卷未附王世貞王穉登所撰傳二篇千頃堂書目載林燁學士文集十六卷詩集六卷集名不同然卷數皆  
相合蓋即此本疑燁沒後重刻改題其諡也

三洲詩贈八卷

浙江孫仰  
曾家藏本

明沈淮撰淮字激伯仁和人嘉靖丁未進士是集前後無序跋亦無目錄其完闕不可考詩則體格尙未成就累  
句亦多

金輿山房彙十四卷

江蘇巡撫  
採進本

明殷士儻撰士儻字正夫號棠川歷城人嘉靖丁未進士官至武英殿大學士諡文莊事蹟附見明史趙貞吉傳  
是集爲其門人于慎行所編凡詩頌二卷文十一卷講義一卷士儻與李攀龍游今觀其詩文蓋直以鄉曲之說  
相周旋耳其投契不在文章也

道峯集六卷

浙江汪汝  
琛家藏本

明章道撰道字景南道峯其號也蘭谿人嘉靖丁未進士官至禮科給事中疏請景裕三王出閣講讀忤旨告  
歸是集乃道沒之後其鄉人所刊凡詩五卷雜著一卷而奏疏一篇冠於首蓋當時以此一事重之也詩頗娟雅  
而醜醜不深王世貞序稱其在陶章之間則過矣



彭比部集八卷

浙江巡撫探進本

明彭輅撰輅字子殷海鹽人嘉靖丁未進士官南京刑部主事以察典罷歸集為其子潤宏所編錄其於七子盛時意氣高簡不少貶以執俗今觀集中多與王世貞酬答之作體格亦近七子茲所言不盡然也

華陽館文集十七卷續集二卷

江西巡撫探進本

明宋儀望撰儀望字望之永豐人嘉靖丁未進士授吳縣知縣徵拜御史以劾胡宗憲阮鶚忤嚴嵩貶夷陵州判嵩敗擢霸州兵備僉事後官至大理寺卿卒以忤張居正被劾歸事蹟具明史本傳儀望少師嘉豹故其學以王守仁為宗集中如刻陽明文集文粹等序足以見其大旨其從祀或問亦即為守仁配享事作故史稱守仁從祀儀望有力焉其集凡文十二卷詩五卷續集第一卷題曰內篇即從祀或問第二卷則其督學福建時訓飭士子條規其文本本名華陽館集其詩則別名河東集此本合為一編總題曰華陽館文集殆其後人所併歟

華陽文集十二卷

浙江汪氏琛家藏本

明宋儀望撰千頃堂書目載華陽館文集十二卷又詩集十四卷此集皆其雜文卷數亦相合蓋猶儀望之原本惟許宗魯張獻翼諸人所作詩集序皆附錄集末未喻何故或表輯者誤歟然重編之本僅有詩五卷則十四卷之本久佚矣又疑以諸序無所附麗故綴之文集末也

太函集一百二十卷

安徽巡撫探進本

明汪道昆撰道昆有五車室玉已著錄是編刻於萬曆辛卯凡文一百六卷詩十四卷卷首有自序及目錄六卷道昆名在後五子中最高自標置因樹屋書影曰廣陵陸弼記嘉靖閒汪伯玉以襄陽守遷臬副丹陽姜寶以翰林出提學四川道經楚省三人會飲於黃鶴樓伯玉舉杯大言曰蜀人如蘇軾者文章一字不通當以劣等處之衆皆睜睨云云其狂誕殊甚然文章實皆偽體沈德符敏齋刺語云王李初起道昆尚未得與其列後以張居正心膂驟貴其副墨行世暴得時名世貞力引之世遂稱元美伯玉汪文刻意摹古時援古語以證今事往往扞

格不暢其病大抵與歷下同世貞晚年甚不服之嘗云子心服江陵之功而不敢言以世所曹惡也子心誅太函之文而不敢言以世所曹好也無奈此二屈事何云云其論頗為切中德符又稱張居正父七十世貞道昆俱有幃詞世貞刻集中六七年居正敗遂削去道昆垂沒自刻全集在居正身後十年而全載此文不竄去一字稍存雅道云云今案封柱國少師張公七十壽序一首見此集第十二卷中則德符之言為信然以居正父為眾父父至比之於蒼蒼之不言究不可以為訓也

副墨五卷

內府藏本

明汪道昆撰是集刻於太函集之前千頃堂書目載作二十四卷此本五卷殆非完帙又載道昆尚有太函遺書

二卷今亦未見傳本

汪次公集十二卷

浙江汪汝璩家藏本

明汪道貫撰道貫字仲淹休寧人道昆弟也其名因道昆而著故李維楨作序以王世懋為比然道昆固不及世貞道貫才力亦不及世懋也

江右詩彙二卷

浙江汪汝璩家藏本

明李先芳撰先芳有讀書私記已著錄宋弼山左明詩鈔稱其有李氏山房詩錄不著卷數邢侗來禽館集有先芳行狀稱所著東岱山房彙三十卷此集總題為東岱山房詩錄而子目則作江右詩彙蓋其集中之一種嘉靖戊申知新喻縣時作也嘉隆詩社先芳首倡厥後王季鍾與遂擯斥先芳不與七子之列繼以先芳憤激乃收之廣五子中于慎行稱其詩與李攀龍吳曲同工邢侗亦稱歷下名愈高濮陽苦為所掩然修戈恃精未嘗一日忘于鱗今觀其詩才力實出攀龍下慎行等以鄉曲情均不欲分左右袒耳則未攻七子者遂欲以躋攀龍之上非篤論也

李氏山房詩選六卷

江蘇周厚培家藏本

欽定四庫全書總目卷一百七十七

集部

別集類

明李先芳撰此本乃皇甫汈所選分體編次亦開有評語蓋非其全集也

欽定四庫全書總目卷一百七十七